

GROBIANUS

ET

GROBIANA

Autore 3.8.6.89

FREDERICO DEDEKINDO.

LIBRI TRES.

Quinta Editio.

Cui adjungitur,
De Civilitate Morum Puerilium,

Per DES. ERASMUM Roterodamum libellus.

Libris ~~Erasmus~~ T.C.C.



LONDINI,
Ex Officina ROGERI DANIELIS,
ANNO MDCCXLI.

de dekindus

III. 7. 13.

Bibliothecæ Trin. Coll. Cant.

Legavit VIR DIGNISSIMUS

JOANNES PARIS, S.T.P.

SOCIUS SENIOR.

GROBIANUS

ET

GROBIANA

Auctore 3.8.6.89

FREDERICO DEDEKINDO.

LIBRI TRES.

Quinta Editio.


Cui adjungitur,
De Civilitate Morum Puerilium,

Per DES. ERASMUM Roterodamum libellus.

2 libris ~~3 libris~~ *T. Cc.*



LONDINI,
Ex Officina ROGERI DANIELIS,
ANNO MDCLXI.



C

BURCHARDUS MITHOBIUS

D. Studioſo Lectori, S.

Simplicitas veterum joculari carmine morum
Reddita in Aonios eſtque redacta modos,
Et liber hic vitæ præceptis fertilis, ecce
Vernat, ut Hyblæis Dædala terra roſis.
Pone ſupercilium facilis, durumque rigorem,
Carmina quiſquis ad hæc pauca legenda venis.
Non ſemper trifti ducit ſua tempora vultu
Prudens, ſed curas temperat ipſe jocis.
Nec pluvix ſemper ſtillant, ſed ſolibus æther
Æſtuat interdum, lucidaque aſtra micant.
Dulcia ſic miſcent aſtremo ſacchara Baccho,
Illa vetus faciunt ſuavius eſſe merum.
Quid rigida duros imitare fronte Catones?
Nec tibi quæ non ſunt ſcripta ſevera placent?
Iſtaque contemnis ceu frivola, reſque viderur
Utilis his adeò nulla ſubefſe jocis?
Falleris, & quæ ſunt nondum tibi cognita, damnas,
Judiciiſque fuit regula curva tui.
Nam rigidis major quò gratia legibus eſſet,
Teſta ſub his ludis ſeria multa legas.
Perlege, perleſtus præcium liber ipſe repender,
Et diſces mores per joca læta bonos.

Fructe, & Vale.

Iron Episcopos Studioſa Juventuſi
civilitatem optat.

Ethica concedant veterum moroſa ſophorum,
Cedat Ariſtoteles, cumque Platone Cato.
Concedat Cicero Latius, concedat Eraſmus,
Et quotquot morum de gravitate docent.
Hic liber exactam dat morum ſimplicitatem,
Eque nova nuper prodiit ille ſchola.
Hunc, ſtudioſe puer, vigili perdiſce labore,
Qui cupis ornatus moribus eſſe bonis.

IN D E D E K I N D U M,

VAl? quantum eſt ſapere? ut mores, Dedekinde, libellus
Ipfos Morofos non ſinit eſſe tuus!
Quisquis erat, piz Te, Cato de Re Ruſtica agebat,
Prodiret cum de Moribus iſte Liber.
Anterior, & monitis multò emendatior exis;
Huc Cato ſi redeat jam, Grobianus erit.
Ethica Nichomachi quid ſunt? Moralia magna
Quid? tanti non eſt totus Ariſtoteles.
Moribus inſtituit juvenes Dedekindus, ineptos
Quos, puto, Philoſophus, quod nequit, eſſe docet.
Principibus placuiſſe viris vis? hinc pete Mores,
Mores vix tales Caſaris Aula videt.
Ruſtica ſi Thidile tibi ſit captanda, merum Ruſ
Ecce tibi, quod vel Virgo Sabina prober.
Scaliger emendat malè condita Tempora; Mores
Emendat, majus quod, Dedekindus, opus.
Inſpice in has tanquam ſpeculum, Lector bone, Chartas,
Si nævum hic cernas, ne ſit in ore vide.
Tam malè moratus ne ſis, ut lecta priuſquam
Sint joca, caſtiget triſte ſupercilium.

Ad Ornatissimum Virum,

Dn. SIMONEM BINGIUM,

Hassiacum Secretarium,

FREDERICI DEDEKINDI

P R A E F A T I O.

O Pro tibi quantam virtute merere salutem,
O mihi non multos inter amate Simon.
Pauca loquar tecum: quæ multa negotia tra-
Te mihi, dicturo multa, vacare vetant. (etas,
Quæ modò nostra libris cantarat Musa duobus
Carmina, de vitæ simplicitate rudis,
Illa sub incudem tibi jam revocata refinxit
Pieris, & triplici protulit aucta libro.
Iamque iterum totum (faveat fortuna) per orbem
Auspicio Bingi mittimus illa tuo.
Ergo quid intendam nugis juvenilibus, audi,
Consilii ut ratio sit tibi nota mei.
Carpimus indecores joculari carmine mores,
Et vetus antiquæ simplicitatis opus.
Si meus hic hominum fuerit liber utilis ulli,
Corrigat ut mores doctior inde suos,
Utque velit tandem vitæ damnare prioris
Rustica quæ solitus facta patrare fuit.
Nil moror ulterius, metam obtinuisse videbor,
Quæ fuerat cursu meta petita meo.
Vix tamen eventus adeo sperare secundos,
Cum mala sint nimium tempora nostra, licet.
Sperantem terrent magnorum exempla virorum,
Qui celebres magno sunt in honore viri.
Quid memorem multa clarum virtute Platonem?
Quosque vehit celebri Græcia laude sophos?
Nonne hominum frustra tentarunt flectere mores,
Et placida mentes arte domare feras?
Scriptores nihilo plus profecere Latini,
Cura quibus populos magna docere fuit.

Tullius

P R A E F A T I O

Tullius officium Romano tradidit orbi,
 Quod deceat juvenes, quod deceatque senes.
 Quid tamen est scriptis adeo præstantibus actum?
 Quis minus est hominum quàm fuit ante ferox?
 Utile formandis puerorum moribus, istis
 Temporibus scripsit Roterodamus opus.
 Quæ tamen utilitas hoc digna labore secuta est?
 Consilium vitæ quis melioris inuit?
 Exiguum certè numerum, qui talia curet,
 Cernimus: in vitium cætera turba ruit.
 Nil ego nunc delicta queror vulgaria vitæ,
 Quæ veniunt quavis multa videnda die.
 Quæ quia momenti vix sunt alicujus, honestis
 Illa, nec adversor, dissimulare licet.
 At videas multos (hominum modò respice mores)
 Qui superent omnem rusticitate modum.
 Sive famem contra sævam data fercula sumant,
 Sive rigent potu guttura sicca mero.
 Nec se respiciunt, & quonam fine creati
 Sint homines, ullo non meminere modo.
 Nil juvat æthereæ traxisse ab origine mentem,
 Et ratio turpi victa furore jacet.
 Barbarico vivunt crudarum more ferarum,
 Quoque vocat ventris cæca libido ruunt.
 Immodicè præter quam corporis exigit usus,
 Distendunt variis viscera laxa cibis.
 Poculaque in bibulum confundunt plurima ventrè,
 Tam quoque cum potos non sitis ulla premit.
 Nec satis est adeò petulanter rebus abuti,
 Cunctaque per lautam mittere parta gulam:
 Quin etiam jactant sua crimina turpiter, atque
 Ob sua laudari facta pudenda volunt.
 Hoc vitium longæ jam consuetudinis usus
 Comprobat, & magnum non finit esse scelus.
 Scilicet hoc homines pacto præcepta sequuntur,
 Quæ, ratio vitæ quæ sit honesta, docent.
 Cur tamen & morum feritas manet omnis in illis?
 Tot monitis adeò proficiturque nihil?
 Lenibus admoneas aliquem de crimine verbis,
 Et placidè, melius vivat ut ille, roges;

D E D E K I N D I.

Ceu facias ludos, ridebit suaviter, & te
 Delusum frustra dicere multa sinet.
 Sin facinus verbis aliquod gravioribus ausis
 Carpere, quod fieri non decuisse vides.
 Incurres odium, rigidusque vocabere censor,
 Nullaque erit merito gratia parta tuo.
 Atque ita jam nemo sequitur meliora docentem,
 Ingenioque libet vivere cuique suo.
 Sic homines vanum docti sumpsere laborem,
 Nilque tot egregiis obtinere libris.
 Non tamen exemplis ego jam deterreor illis,
 Quemque, scopum, multi non terigere, peto.
 Postque tot insignes arte ingenioque Magistros,
 Qui deceant mores, quenque, docere paro.
 Forsitan illud agens temerarius esse videbor,
 Pectore fallaces spesque fovere meo.
 Sed sperare libet, meliori fidere forsan
 Quam reliquis, cœptum jam mihi surgat opus.
 Non simili vultu locuples hera respicit omnes:
 Quod negat huic, illi sapius illa dedit.
 Quis scit, an huic merces respondeat ulla labori?
 Et valeam voti compos abire mei?
 Fortunam experiar: quid enim tentare nocebit?
 Fors aderit cœptis æquus Apollo meis.
 Ut nihil obrineam, facilis jactura laboris
 Illius, hoc carmen quo mihi constat, erit.
 Sed quia præceptis rigidis nihil hactenus actum est,
 Quæ fieri semper nil nisi honesta jubent:
 Tramite diverso metam contingere eandem
 Experiar, tritas nec sequar ante vias:
 Cunctaque jam fieri passim sine more jubebo,
 Turpia quæ factu, qui sapit, esse videt.
 Ante suos oculos agrestia quisque videbit.
 Ingenuos mores quæ male, facta, decent.
 Forsitan illa videns, vitam emendare priorem,
 Barbariemque animi ponere quisque voler.
 Vix queat hoc alia vitium ratione levare,
 Sensibilis cujus desit esse dolor.
 Altius in nostris radices moribus egit,
 Quam facili tolli rursus ut arte queat.

Non

P R Æ F A T I O

Tullius officium Romano tradidit orbi,

Quod deceat juvenes, quod deceatque senes.

Quid tamen est scriptis adeo præstantibus actum?

Quis minus est hominum quàm fuit ante ferox?

Utile formandis puerorum moribus, istis

Temporibus scripsit Roterodamus opus.

Quæ tamen utilitas hoc digna labore secuta est?

Consilium vitæ quis melioris init?

Exiguum certè numerum, qui talia curet,

Cernimus: in vitium cætera turba ruit.

Nil ego nunc delicta queror vulgaria vitæ,

Quæ veniunt quavis multa videnda die.

Quæ quia momenti vix sunt alicujus, honestis

Illa, nec adversor, dissimulare licet.

At videas multos (hominum modò respice mores)

Qui superent omnem rusticitate modum.

Sive famem contra sævam data fercula sumant,

Sive rigent potu guttura sicca mero.

Nec se respiciunt, & quonam fine creati

Sint homines, ullo non meminere modo.

Nil juvat æthere traxisse ab origine mentem,

Et ratio turpi victa furore jacet.

Barbarico vivunt crudarum more ferarum,

Quoque vocat ventris cæca libido ruunt.

Immodicè præter quam corporis exigit usus,

Distendunt variis viscera laxa cibis.

Poculaque in bibulum confundunt plurima ventrè,

Tam quoque cum potos non sitis ulla premit.

Nec satis est adeò petulanter rebus abuti,

Cunctaque per lautam mittere parva gulam:

Quin etiam jactant sua crimina turpiter, atque

Ob sua laudari facta pudenda volunt.

Hoc vitium longæ jam consuetudinis usus

Comprobat, & magnum non finit esse scelus.

Scilicet hoc homines pacto præcepta sequuntur,

Quæ, ratio vitæ quæ sit honesta, docent.

Cur tamen & morum feritas manet omnis in illis?

Tot monitis adeò proficiturque nihil?

Lenibus admoneas aliquem de crimine verbis,

Et placidè, melius vivat ut ille, roges;

D E D E K I N D I.

Ceu facias ludos, ridebit suaviter, & te
 Delusum frustra dicere multa sinet.
 Sin facinus verbis aliquod gravioribus ausis
 Carpere, quod fieri non decuisse vides.
 Incurres odium, rigidusque vocabere censor,
 Nullaque erit merito gratia parta tuo.
 Atque ita jam nemo sequitur meliora docentem,
 Ingenioque liber vivere cuique suo.
 Sic homines vanum docti sumpsere laborem,
 Nilque tot egregiis cbrinuere libris.
 Non tamen exemplis ego jam deterreor illis,
 Quemque, scopum, multi non terigere, peto.
 Postque tot insignes arte ingenioque Magistros,
 Qui deceant mores, quenque, docere paro.
 Forsitan illud agens temerarius esse videbor,
 Pectore fallaces spesque fovere meo.
 Sed sperare libet, meliori fidere forsan
 Quam reliquis, cœptum jam mihi surgat opus.
 Non simili vultu locuples hera respicit omnes:
 Quod negat huic, illi sapius illa dedit.
 Quis scit, an huic merces respondeat ulla labori?
 Et valeam voti compos abire mei?
 Fortunam experiar: quid enim tentare nocebit?
 Fors aderit cœptis æquus Apollo meis.
 Ut nihil obtineam, facilis jactura laboris
 Illius, hoc carmen quo mihi constat, erit.
 Sed quia præceptis rigidis nihil hactenus actum est,
 Quæ fieri semper nil nisi honesta jubent:
 Tramite diverso metam contingere eandem
 Experiar, tritas nec sequar ante vias:
 Cunctaque jam fieri passim sine more jubebo,
 Turpia quæ factu, qui sapit, esse videt.
 Ante suos oculos agrestia quisque videbit.
 Ingenuos mores quæ male, facta, decent.
 Forsitan illa videns, vitam emendare priorem,
 Barbariemque animi ponere quisque volet.
 Vix queat hoc alia vitium ratione levare,
 Sensibilis cujus desit esse dolor.
 Altius in nostris radices moribus egit,
 Quam facili tolli rursus ut arte queat.

Non

P R A E F A T I O

Non tamen auxilium modo desperabimus omne,
 Una etiam danda cum via restet opis.
 Nil prohibere juvat : forsan jussisse juvabit :
 In vetitum semper turba parata sumus.
 Desperata salus aliquando est causa salutis ;
 Quodque minus credas posse juvare , juvat.
 Nonne vides, dubio medicus succurrere morbo
 Cum nequit, & superat pharmaca sana malum :
 Ut varias animum solertem vertat in artes,
 Aegrotum docta curet ut ille manu ?
 Pharmaca nunc nimios lenit per amica dolores,
 Vulnere nunc acri pulvere sparsa ligat.
 Sæpe ferus membrum secat immedicabile ferro;
 Sapius admotis ignibus urit idem.
 Accidit & morbo superante Machaonis artem,
 Ut medici nullam sentiat æger opem.
 Ille quidem calidas medicamina habentia vires
 Miscet, & ægrotum sumere multa jubet.
 Nil tamen hac usquam, tentet licet omnia, cura
 Obtinet, & docta plus valet arte malum.
 Ergo suam vertens mox in contraria mentem,
 Antidoto morbum frigus habente petit :
 Et misero, quam non licuit sperare salutem,
 Hac demum felix arte sine arte tulit.
 Sic ego cum videam præcepta salubria morum,
 Nil agere, & monitus commoda nulla sequi :
 Quæ fuerant facienda vero, fugiendaque mando ,
 Ut doceam gestus fœda per acta bonos.
 Forsitan hæc aliquis jocularia scripta revolvens,
 His speculum vitæ cernet inesse suæ ;
 Et racira culpa, nulloque monente rubescet,
 Et fugiet posthac turpe quod esse vider.
 Qui tamen in speculo te contemplaberis isto,
 Verbaque multa tuis moribus apta leges :
 Ne mihi, neve meo precor indignere libello :
 Iusta nec est iræ causa futura tuæ.
 Non mihi propositum fuit hic perstringere quenquā,
 Degeneres mores carpere fervor erat.
 Sin fuerit qui se præ multis esse notatum
 Credet, & indignè verba jocosa feret ;

D E D E K I N D I.

Noverit, hac ipsa sese ratione mereri,
 Iam reus ut possit rusticitatis agi.
 Hoc metuens, iræ moderare calentis habenas,
 Quisquis ad hæc unquam scripta legenda venis.
 Forsitan & tetricos offendent ista Catones.
 Carmina de morum quæ feritate damus:
 Meque librumque meum censura gravabit iniqua,
 Et scelus hoc scripto grande patrasse ferar.
 Nam vereor certè, nonnullos esse futuros,
 Qui studium damnent consiliumque meum;
 Meque putent hominum sanctos corrumpere mores,
 Nec facienda ullo facta docere modo.
 Et fateor, possum mala facta docere videri,
 Sponteque currenti subdere calcar equo:
 Qui tamen & nostri naturam inspexerit ævi,
 Iudicium, reor, est vix habiturus idem:
 Et nihil hac cernet metuendum parte pericli,
 Nec mea cum damno carmina posse legi.
 Nam nihil est, quisquâ quod nostris moribus addat,
 Rusticitas summum jam tenet ante locum.
 Omnia quæ possunt scribi, plerique magistro
 Turpia jam nullo facta docente tenent;
 Et faciunt ultrò, laudemque in crimine quærunt,
 Et, quibus ipsorum vita probetur, habent.
 Nil equidem scripsi, factum quin ante notarim, et
 Nascitur è gestis hoc mihi rebus opus.
 Quæ tenuere prius quam scriberet ullus, an illa
 Versibus è nostris discere velle putas?
 An fieri quenquam pejorem posse putabis,
 Ingenio qui non ad mala promptus erat?
 Ergo mihi certum est, nihil hac me parte mereri,
 Cur reus inductæ rusticitatis agar.
 Si pro sum nulli (multis prodesse volebam)
 Non labor hic ulli noster obesse potest.
 Et mea propositi mens est sibi conscia recti,
 Nilque rudis vulgi scommata falsa timet.
 His redeo dictis ad te clarissime Bingi.
 Tu mihi pro multis unus amicus eris:
 Tu mea quo solitus juvenilia respice vultu
 Carmina, & auctori, quod facis, usque fave.

Suscipe

P R A E F A T I O D E D E K I N D I.

Suscipe tutelam promptus librique meique,
 Subque tuo hoc tutum nomine carmen eat.
 Dira venenatæ contra convitia lingux,
 Ludicra præsidio protege nostra tuo.
 Quid moror? hunc totum, quantum sit cunque, li-
 Accipe, subque tua nunc agat ille manu. (bellū
 Si monitus ullos tibi præteriisse videbor,
 (Non ego me paucos præteriisse puto)
 Ipse tuo arbitrio supple: jus carminis hujus
 Omne, sed ô tantum suscipe, solus habe.
 Siqua videbantur nostro superesse labori,
 Arbitrio sapiens omnia deme tuo.
 Denique ceu censor capite in quocunque repones,
 Qui faciunt nostro facta notata libro.
 Atque ita nos, regno cum sis dignissimus illo,
 Tradimus hæc manibus sceptræ tenenda tuis.
 Subjicimusque tuis moderandos legibus omnes,
 Quotquot opus veteris simplicitatis amant.
 Ecce tuum imperium terris dominatur & undis,
 Regnaque sunt regno cuncta minora tuo.
 Quod mihi tam magno reddis pro munere munus?
 Sim tuus, id magni muneris instar erit.
 Meque tuere tuum, cæptoque favore merentem
 Prosequere, & rebus fautor adesto meis.
 En ego, si (quod agis) me delectaris amico,
 Pro tibi jam prompto pectore gratus ero.
 Atque aliud, faveant felicia numina tantum,
 Aggrediar quondam te duce majus opus.
 Interea, quoniam longo es dignissimus ævo,
 Multa, sed ô felix, secula vive. Vale.

*Datum Vuitebergæ, xx. Martii,
 anno Domini 1552.*



G R O B I A N U S
S E U
G R O B I A N A,
D E A N T I Q U A
M O R U M S I M P L I C I T A T E.
L I B E R P R I M V S.



I tibi simplicitas priscorum antiqua vi-
rorum,

Et rudis, & nulli noxia vita placet:
Quam placuisse ferunt nostris majoribus
olim,

Quæ segetum cultrix rustica turba fuit ;
Huc ades, & nostrum studio non deside carmen
Perlege: fors aliquid quod iuvet inde feres.
Perlege, quôque modo deceat componere vitam,
Et mores, isto carmine certus eris.
Ne dubita, simplex evades protinus, ullum
Si monitus nostros pondus habere fines.
Non equidem laudo cuicumque placere volentes,
Atque aliis vitæ facta probare suæ.
Dura tibi nimium fuerit provincia, cunctis
Ad placitum mores composuisse tuos.
Laudo qui possunt aliorum spernere de se
Iudicium, & fortes hos reor esse viros.
Quique bono nunquam se submisere magistro,
Qui se, quæ faciunt, cuncta decere putant.
Tu mihi prosper ades veterum non inscie morum
Sylvane, ô pinu cincte virente caput ;

Quo bene, simplicitas quæ sit laudanda, canamus,
 Pectora sunt nutu nostra regenda tuo.
 Dicite montivagi, sylvestria numina, Fauni,
 Dicite quæ rudibus vita sit apta viris.
 Dic, Lenæ pater, bibulæ notissime turbæ,
 Pocula quo deceat sumere plena modo.
 Come cibus avide quondam præfeste vorandis,
 Si tua constitui sacra docere, fave.
 Almaque rusticitas, nostro Dea maxima seclo,
 Huc ades, & vatem dirige prompta tuam.
 Non facilis labor est, mores formare decoros,
 Sæpe gravis magnis res fuit illa viris.
 Auxilio superum tamen has, & numine fretus,
 Difficiles magno pectore inibo vias.
 O etiam morum censor justissime Bingi,
 Es bonus : auspicio scribimus ista tuo.
 Carmina te vultu mea respiciente benigno
 Uberior Musæ vena futura meæ est.

C A P. I.

Qua modestia servanda sit mane in vestitu, capillis, facie & dentibus mundandis.

Quisquis habes odio rigidi præcepta magistri,
 Qui nisi de morum nil gravitate docet :
 Huc propera, & placidis utentem vocibus audi ;
 Non tonat hic aliquis tristia verba Cato.
 Da mihi te docilem crasso sermone loquenti ;
 Nec dubita, parvo tempore doctus eris.
 Discipulus facili superare labore Magistrum,
 Crede mihi, antiqua simplicitate potes.
 Et licet hæc aliquis rigida de gente sophorum
 Vituperet, morum quæ documenta damus :
 Non tamen illa tibi quicquam nocuisse videbis,
 Sedula si Musæ jussa sequere meæ.
 1. Fulcra soporiferi cum liqueris alta cubilis,
 (Quod fieri medium non decet ante diem)
 Egregie civilis eris, si nulla parentes
 Mane salutandi sit tibi cura tuos.

Non

Non homini cuiquam felicia fata preceris,
Sæpe tibi grates dicere ne sit opus.
Prospera quantumvis optes, quid præderit illis?
Optima non damnum est perdere verba leve.
Gens, sine, mane suos Hebræa salutet amicos.
Quam tenet implicitam multa superstitio.
Cur tibi tam levium sit cura superflua rerum?
Canitiem justos cura dat ante dies.
2. Non habet exiguas quoque pandiculatio vires,
Si medicos par est credere vera loqui.
Accidit ex longo nervos torpere sopore,
Atque male officii manus obire sui.
Excitat hos certo tibi pandiculatio motu.
Utère: nec mores dedecet illa tuos.
3. Nec reliquis surgens te vestibus indue, nudæ
Indusium satis est imposuisse cuti.
Sed reliquas geminis vestes complectitor ulnis,
Aspera si duro frigore sævit hyems:
Scilicet in calido jucundius est hypocausto,
Induere, à sævo ne violere gelu.
Nec moveat, virgo vel fœmina si sit ibidem,
Tu tamen utaris moribus usque tuis.
Sique tuis quisquam factis offenditur, illum,
Cernere si talem nolit, abire jube.
Quisque tibi cedat, nec tu concesseris ulli,
Conditione tua es liber, & esse velis.
4. Tandem ubi vestitus fueris, pendere solutas
In genibus caligas (res decet illa) fines.
Namque ita virginibus tacita ratione placebis,
Teque sibi optabit quæque puella virum.
Causaque tam justæ manifesta videtur amoris,
Sed non est isto commemoranda loco.
Non sat eris simplex, si corpus, vane, ligare
Cœperis: & ventri vincula dura nocent.
5. Ne nimis evadas moratus, pectere crines
Neglige, neglecta est forma decora viro.
Fœminæ crines ornare relinquito turbæ:
Comantur juvenes quos levis urit amor.
Crede mihi dominum te nulla puella vocabit,
Si te composito viderit esse pilo.

- Sint procul à nobis juvenes ut foemina compti,
 Scribit Amazonio Cressa puella viro.
 Eximio tibi erit decori, si pluma capillis
 Mixta erit, & laudem providus inde feres.
 Scilicet hoc homines poteris convincere signo,
 Non in stramineo te cubuisse toro.
6. Sint capitis crimes longi, nec forcime tonfi,
 Casaries humeros tangat ut alta tuos.
 Tutus ut à tristi rigidæ sis frigore brumæ,
 Vertice prolixus crinis alendus erit.
 Cuncti homines quondam longos habuere capillos;
 Quos modo Virgineus curat habere chorus.
 Regna pater quando Saturnus prisca tenebat,
 Tunc fuit in longis gloria magna comis.
 Simplicitas veterum laudatur ubique virorum:
 Quà potes, hos semper sit tibi cura sequi.
7. Dedecus esse puta faciemve manusve lavare:
 Commodius crasso sordet utrumque luto.
 Qui volet his vesci, per me licet, ipse lavabit,
 Dicit: res curæ non erit illa mihi.
8. Forfan erit dentes qui te mundare monebit,
 Sed monitis parens inveniare cave.
 Recta valetudo corrumpi dicitur oris,
 Sæpe nova si quis proluat illud aqua.
 Quid noceat, dentes quod sunt fuligine flavi?
 Iste color rubei cernitur esse croci.
 Iste color fulvo quoque non culpatur in auro,
 Auro quod nunquam non amat omnis homo.
 Dentibus ergo tuis cur sit color ille pudendus?
 Si sapias, hanc à te fac procul ire fidem.

C A P. II.

*De jentaculo, & modestia oculorum, frontis, narium, item
 de garrulitate sternutatione, obscœnitate, tussi, vultu &
 de incessu, & habitu in plateis.*

1. **P**oscere quod comedas, ubi vix dum lumina
 somnus
 Liquerit, in primis commeminiſſe velis.

2. Tota

2. Tota conde vola quamprimum acceperis escam,
Ne cadat è manibus non bene pressa tuis.
Tum poteris quadris uti cum prandia sumes,
Iam satis est nuda continuissè manu.
Multaque per digitos pinguedo diffuat omnes,
Quos volo te lingua lambere sæpe tua.
Prandia quo gestu, qua sint ratione voranda,
Non ita post longo tempore certus eris.
Sed mihi nonnullis de rebus es ante monendus,
Concio non nimium longa futura mea est.
Quo deceat totum pacto componere vultum,
Et corpus, paucis ante docendus eris.
3. Id caveas primum, ne forte modestia mores
In bene vivendo temperet ulla tuos.
Quis juvenes nimium possit laudare modestos?
Qui sapit, ignavos mox stupidosque vocat.
4. Non hominem rectis oculis aspexeris ullum,
Verte aliò vultus lumen utrumque tui.
Si recte aspicias, nimis esse videberis audax:
Tam juvenem gravitas non satis illa decet.
Omnia quæ spectas, distorto lumine spectes:
Omniaque averfa fronte loquare viris.
5. Esse verecundis oculis sine laudis amantes,
Et qui virtuti convenienter agunt:
Quo tibi cunque libet, tu lumen utrumque vagari
Permitte, id multum simplicitatis habet.
6. Nec male conveniet, frons ut sit torva minaxque,
Et faciem rugæ mille decenter arent.
Qualis aratori facies solet esse juvenco,
Verbera qui latio percutiente tulit:
Vel fera qui contra rivalem bella paravit,
Et furit, & fervens non capit ira modum:
Talis erit juveni generoso vultus habendus,
Qui laudem quod sit fortis habere volet.
Scilicet ex vultu virtutes pectore clausas
Colligere exiguo quisque labore potest.
7. Nullaque morosus nisi verba austera loqueris,
Quando tibi quisquam conveniendus erit.
Comibus ad quosvis fueris si vocibus usus,
Et levis & petulans esse ferèris homo.

2. Sin potes hanc de te spargi contemnere famam,
(Nil tamen, ut vera laude veharis, agas)
Solve loquax semper multis sermonibus ora,
Ore tibi muto turpe sedere puta.
9. Sunt soliti quidam suspendere naribus aurum,
Vel gemmas quales India dives habet.
Hæc tibi divitias fortuna inimica negavit ?
Non ideo fracto pectore tristis eris.
Accipe consilium non vana monentis amici.
Certus es, ex animo me bene velle tibi.
Qualiter à testis dependens tempore brumæ,
Condecorat totam stiria longa domum :
Sic pituita fluens geminis à naribus ornat
Qui juvenes cultum simplicitatis amant.
Illa tibi gratis tanta ornamenta parantur.
Quæ puto non parvum sunt paritura decus.
Cuncta tibi rerum bona contulit ipsa creatrix
Natura, ut vitæ prospicit illa tuæ.
Sed modus est rebus servandus in omnibus, ergo
Hanc tibi mensuram qua modereris habe.
Mucor ubi patulo stillans influxerit ori ;
Tunc emungendi tempus adesse scias.
Id cubito facies, & te civilior alter
Non erit : hanc laudem solus habere potes.
Sive tibi hunc vestis præstet seu pileus usum,
Non fueris parva simplicitate rudis.
Totam implere manum, sacræque illidere terræ.
Ut sonitum tota reddat in æde, decet.
Et jaceat : quid enim cures ? pede proterat ille,
Phlegma tuum qui se posse videre negat.
Vidi etiam speculum multos de more gerentes,
(Appensum manicæ funibus illud erat)
Si placet, exemplum capias studiosus ab illis,
Pituita speculi sed subeunte vicem.
10. Edere nare graves sonitus, & ducere ronchos,
Moribus adversum non reor esse bonis.
Indicium est animi fortis, spiratio fortis.
Et facit ad famam nominis illa tui.
11. Sternutare volens vicino obvertito vultum :
Quo potius veritas vix reor esse locum,

Mos habet ut quidam bene sternutantibus optent,
Id tibi qui faciat forsā amicus erit.
Quo sciat ergo suum te sternutasse sodalem,
Illius ad faciem sit tua versa velim.
Tu tamen in simili causa bona nulla preceris,
Vel tua si graviter sternutet ipsa parens.
12. Esse pudens caveas, ullave rubescere culpa,
Criminis admissi quos piget, illud agant.
Turpia quantumvis dicantur verba, notari
Indignum statuas esse rubore genas.
Te quoq; verba loqui nonnunquā obscœna decebit,
Dedecus hæc puero non didicisse foret.
Nominibus propriis res quasque vocare diserte,
Nec lex nec divum religio ulla vetat.
Turpia quæ vulgo stulta ratione videntur,
Inspice, naturæ sunt moderantis opus.
Non ego consuetō seductus more loquendi,
Naturam contra, bella movere velim.
Tempore vesicam justo relevāmus & alvum,
Idque hominum nemo judicat esse malum.
Verba reformidant tantum, propriisque vocari
Nominibus rigidi talia facta verant. (tis &
Quod genus hoc hominum? quæ tanta infania men-
Sit pudor in verbis, resque pudore vacent?
13. Si nova quis narrat, quæ non audiveris ante,
Nec tibi dicendum quod videatur habes:
Tum velut incautas labris comprehendere muscas
Mordicus instruas, ora patere fines.
Si qua videbuntur sublato digna cachinno,
Ne leviter risu concutiare vide,
Verum ita, ut in tota ridentem audire platea
Te possit, per eam si quis habebit iter.
Usque tibi patulas os diducatur ad aures,
Hinc tibi ridenti gratia major erit.
Sique videbuntur scabri rubigine dentes,
Hoc poteris dominæ gratior esse tux.
Diffilio risu: geminare subinde memento,
Non dubium id signum simplicitatis erit.
Sæpius & nulla causa existente, cachinnum
Tollere, non modicum laudis habere, puta.

Forſan erunt qui ſe deriſos eſſe putabunt,
Et tua non æquo pectore facta ferent.
Sic animis vanos irarum accenderis aſtus,
Atque tuo pulchre munere functus eris.
Quid noceat multis furioſam impellere bilem?
Materiam riſus res dabit illa novi.
14. Si qua voles falſa mendacia dicere lingua,
(Vera ego te jubeo non ita ſæpe loqui)
Poſt duo verba ſemel vel bis tuſſire juvabit,
Quid dubitas? multum commoditatis habet.
Forſitan in promptu non ſunt quæ verba loquaris,
Non male, dum tuſſis, hæc repetire poteſ.
Nec te verba loqui conſiſta intelliget ullus,
Scilicet eſt, falſum poſſe videre, labor.
15. Quando opus eſt vere tuſſire, hanc noveris artem,
Vicini faciem verte ſub ora tuam.
Hauriat ille tuæ ſpiracula dira tracheæ:
Illa refrigerium, ſi calet, eſſe queunt.
Si tua reppereris quenquam male facta ferentem,
Nil moveat: vana eſt viribus ira carens.
Imo & magnificis tua facta tuebere verbis.
Nil poteris pro te dicere? victus eris.
Argue quod vano tumeant præcordia faſtu,
Tam facilem nequeat qui tolerare jocum.
Quid faceret ſi non maſſa conſtaret eadem,
Qua ſumus humanum condita turba genus?
Scilicet impurum ſe reddi crederet, & te
Conſiceret certa dura per arma nece.
16. Quando venit ruſtus, cur hunc retinere labores?
Quin potius, liber poſſit ut ire, juvas?
Diſſimulare ſtudes, & ſupprimis ire volentem,
Quid facis? ah clara voce juvandus erat.
Nec facili teneas, quando volet ire, labore.
Et tibi, ſi teneas, damna timenda feret.
Flatus enim ſtomacho ſi concludatur operto,
Carcere quo nequeat liber abire ſuo:
Letiferos diro corruptus carcere morbos,
Et mala quæ numero ſint caritura, dabit.
In caput aſcender, totumque in corpus abibit.
(Heu nimio precio ſtet pudor ille tibi.)

Nefcio

DE MORUM SIMPL.

9

Nescio quid redolens hinc fiet anhelitus oris,
 Forſitan & toto corpore putris eris.
 Inde per inſidum crepiſus proruperit anuſ,
 Nec fuerit ſonitu prodiſus ille ſuo:
 Naribus heu tetra fiet manifeſtus odore,
 Nec poteris crimen diſſimulare tuum.
 Maxima ut hæc igitur prudens incommoda vites,
 Ne tibi ſit ruſtum velle tenere labor.
 17. Eſt amor in ſtratas urbis prodire plateas?
 Purgatum capitis tegmen habere cave.
 Qui nimios ambit, muliebria munera, cultus,
 Ridendus merito cuilibet ille venit.
 18. Nec, licet à multo ſit calceus undique cœno.
 Oblitus, ut purges ſit tibi cura, velim.
 Quid purgaſſe iuuet, cum ſit tibi ruſus eundem
 Stercora per? vanus non foret ille labor?
 19. Et toga longa pedes tibi demittatur ad imos,
 Hoc erit antiquæ ſimplicitatis opus.
 Et tua ſic verret poſt te veſtigia, ne quis
 Quo ſiſ progreſſus, cernere poſſit iter.
 Latus & extrema limbus tibi veſtis in ora
 Collecto plateæ ſtercore firmus erit.
 Viderit hoc aliquis ſpatio diſtante remotus,
 Te bene prætextam credet habere togam.
 Panniculos mittunt Bombycum munera Seres;
 Hinc procul in Seythica munera nata plaga:
 His credere tuas ſolitus prætexere veſtes,
 Infima ſi lato plena ſit ora luto.
 20. Sin minus iſta iuvant, (quoniam nova tempora
 Inſolitos ſecum ferre ſubinde ſolent) (mores
 Veſte brevi induitor, quæ vix tegat undique lumbos,
 Quæ tibi deſectas non vetet eſſe nates.
 Hoc gaudent cultu qui Martia caſtra ſequuntur,
 Quique modo nomen nobilitatis habent.
 Et tibi, ut aut miles, vel nobilis eſſe puteris,
 Cura ſit ut ſemper veſte togere brevi.
 In quacunque modum re conſervare decorum eſt,
 Illa ſed hoc ſaltem regula falſa loco eſt.
 Neglectus iuvene n cultus decet, inquit Eraſmus,
 Quis dubitet tantum dicere vera virum?

Huic igitur credens vestitum negligē, nec te
 Qui cultus deceant respice, quive minus.
 21. Brachium utrunque simul post terga reflectere
 Seu stes, seu vicos forte per urbis eas. (disce,
 Sed mea sedulitas, ne sit prolixior æquo,
 Quod superest verbis significabo tribus.
 Hoc volo te totam studio componere vitam.
 Sic volo te mores instituisse tuos.
 Ut qui te videat, non falso dicere possit,
 Hic vere simplex est & agrestis homo.

C A P. III.

Mensa quomodo adornanda & removenda, & de mensa ministerio.

ECce puer mensam jam pridem stravit, & ecce
 Fercula sunt avidæ lauta parata gulæ.
 Lætus es: esuriens patinis adhibebere plenis,
 Hæc reprimunt sævam pharmaca sana famem.
 Te tamen ante tuo Domino servire necesse est:
 Post, quod edas rapido protinus ore, feres.
 (Nec tamen officium famulandi promptus obibis,
 Ni semel atque iterum jusserit illud Herus)
 Iamque quibus deceat te moribus esse docebo,
 Tu modo ne dubita moriger esse mihi.
 Quid quereris nimium subtilia jussa videri
 Quædamus? & pavido suffugis illa metu?
 Rustica Musa mea est, præceptaque rustica tradit,
 Discere quæ facili cuncta labore potes.
 Quæ semel es monitus, semper facienda memento,
 Perque tibi cunctos esse tenenda dies.
 Sive tuo solus domino, seu pluribus adsis,
 Sive domi sumas prandia, sive foris.
 Est eadem ratio multis servire, vel uni.
 Et tibi mos idem semper habendus erit.
 Cum servire voles prudentibus exue vestem,
 Officium impediat ne toga laxa tuum.
 Sufficit ut caligis indurus edentibus astes
 Promptus, & ut thorax pectora nuda tegat.

Atque

tere
disce,

Arque ita quam gracili sis corpore quisque videbit :

Laus ea nequaquam rejicienda tibi est.

2. Quasque geris vestes, minime decet esse ligatas.

(Versibus id paulo doctus es ante meis)

Quas natura tegi partes mandavit, ad illas

Demittas geminas absque pudore manus.

Sic ego matronis, castisque placere puellis,

Ingenuisque putem te bene posse viris.

3. Non placuere mihi pede qui nituntur utroque,

Et sua sollicite crura locare solent.

Tu pede nunc dextro, modo laevo infiste vicissim,

Idque fac, ut nunquam stes in utroque simul.

Sic dum niteris hoc, requies conceditur illi :

Alternata requie quæ caruere labant.

4. Semper & instabili gressu titubare memento :

Mobilitas juvenes irrequieta decet.

Pigra quies scabiem morbosque utentibus adfert,

Utiliter moro corpore, sanus eris.

Scilicet & fabri titubant, cum follibus auras

Accipiunt : nec res dedecet illa fabros.

Cur igitur tibi non quoque sit res illa decora ?

Semper enim pulcrum, quod decet, esse solet.

Disce, quod ex usu sit, ab omnibus, atq; sequendum.

Pone bonum vultus quemlibet ante tuos.

5. Utque manu nunquam non gesticularis utraque

Effice : res magna est, non tenuisse manus.

Ocia mortales culpae ignava solemus,

Ocia laudando sunt fugienda viro.

Nonnihil ergo manu fac semper utraque labores,

Desidia turpem ne mereare notam.

Dextra ministerium subeat manus : altera braccas.

Decidere à nudo femine posse, veter.

Si nihil est aliud, digito te scalpe sub aurem,

Aut manibus sparsam digere utrisque comam.

Vel capitis tegmen digitis assuesce rotare,

Vel gestus habeas qui tibi cunque placent.

Aut etiam doctus potes esse Poeta videri,

Incipiens unguis rodere dente tuos.

Id faciunt gravium meditantés pondera rerum,

Quique canunt Clario Carmina digna Choro.

6. Vel tua ceu torvus disponito brachia miles,
Ut lateris costas tangat utrinque manus.
Credo equidem, pugnax reputaberis esse videnti,
Brachia te tali disposuisse modo.
7. Nil nisi sis iussus facias, nihil utile trahes :
Facto quantumvis esse putabis opus.
Præmia, si quid ages injussus, nulla sequentur,
Gratiaque officii parva futura tui est.
8. At si quis fuerit, quem non satis esse putabis
Compositum, hunc oculis aspice sæpe tuis.
Quicquid ager, solers attenta mente notato,
Quoque eat, & quo stet, quo sedeatque modo.
Observaque epulas, quo gestu & pocula sumat,
Qua ratione suas collocet ille manus.
Sique tibi illius mores & vita videntur
Vel modicum risum vel meruisse jocum :
Sufficiens causa est : ingentem tolle cachinnum,
Teque nihil risum dissimulare velim.
Imo & in illius jacias diæteria mores :
Forſan erit sapiens qui modo stultus erat.
Quoque hominum fuerit numerosior illa corona,
Hoc lepidos mordax tu magis ede jocos.
Scilicet hoc sapiens magis esse videberis illo,
Quo mage mordaci quolibet ore petes.
9. Fercula fortassis mensæ nova ferre juberis,
Semper ibi hac uti providus arte potes,
Esuriens disco meliorem præripe partem,
Illa tibi summo jure tenenda venit.
Scortea non alios tibi pera feratur ad usus,
Quam bona si libeat tollere frustra tibi.
Ergo etiam si quis te viderit illud agentem,
Propterea nimium commoveare cave.
Quin potius verbo si te objurgaverit uno,
In promptu facinus quod tuearis habe.
An scelus esse putas reliquis comedentibus, inque,
Tempote me tanto non bene ferre famem ?
Hoc ubi satius eris, nihil amplius ille loquetur,
Verbaque continuo per tua victus erit.
10. Post ubi lauta voles imponere fercula mensæ,
Cura sit, ut placide non nimis illud agas.

Tam placide pones, ut jus cum carne resulcet,
 Panis & infuso jure natare queat.
 11. Cum satis ederunt, debentque superflua tolli,
 Unica consilii summa erit illa mei.
 Subtrahe te dominis: ut & hunc vitare laborem
 Possis, ne, vires quo superentur, agas.
 Reliquias dominus de mensa colligat ipse,
 Apposuisse dapes dic satis esse tibi.
 Et satis expectasse diu, stomachumque latrare,
 Hunc modo placandi tempus adesse cibus.
 Sin famulum verbis revocaverit ille severis,
 Incipe, sed lento, velle redire gradu.
 Quæ nimia est, magno multos properatio damno
 Lædit, & in parvis sunt bona multa moris.
 12. Cumque redis, nullo quæ restant ordine tolle,
 Ad bene tollendas quid facit ordo dapes?
 Stulta superstitio est homini vitanda modesto.
 Cur? ubi reliquias colligis, illa placet.
 13. Multa levato simul, ne sæpe recurrere fesso,
 Ordine tollenti pauca, necesse fuit.
 Ire per ambages, cum sint compendia præsto,
 Stultitiæ summum duxeris esse gradum.
 Sic quoque, reliquias paulatim tollere, ineptum est,
 Cum pariter liceat cuncta levare tibi.
 Tum quoque (ne dubites) erit excusabilis error.
 Si fuerint digitis omnia lapsa tuis.
 Pondere eras etenim vires superante gravatus,
 Brachiaque impositum lassâ gravabat onus.
 Robore vix qui te multum superabat & annis,
 Sustineat manibus pondera tanta suis.
 Sique levare jubet te nemo, levare caveto,
 Aspicioque oculis quæ cecidere tuis.
 Et ridere potes quasi res bene gesta fuisset,
 Idque tibi vitio vertere nemo potest.
 Sin fueris jussus, tum lapsa recollige tristis:
 Et quasi pœniteat signa dolentis habe.
 Tollere cuncta simul si non potes, accipe partem,
 Cetera per terram sparsa jacere sine.
 Non equidem spero fore de prandentibus unum,
 Descendum facinus qui putet esse tuum,

Imo cum risu tibi digna encomia laudum,
Quæ nimia es meritis simplicitate, canent.

C A P. I V.

*Qui mores in mensa servandi, ante
apposita cibaria.*

CLara ciet vacuus jamdudum murmura venter,
Tamque monet longam se male ferre moram.
Eia age jam tandem te post jejunia mensæ
Sumendisque cibis, qua potes arte, para.

1. Vincula si ventrem constringunt ulla, relaxa,
Liber ut arbitrio diffuat ille suo.
Ne tamen omnino nihil esse puteris honestus,
Vincula non libeat solvere cuncta simul.

Pauca potes, si sunt constricta, relinquere lora.
Quæ post commodius solvere tempus erit.

2. Ante lavare manus quam suavia prandia sumas,
Credideris nunquam muneris esse tui.
Quam facile est gelida manus ut sit purior unda ?
Quælibet impuras terra refundit aquas.

Terra quod emisit si mundum credere fas est.
Tu quoque jam toto corpore mundus eris.

3. Nec digitis longos præcidere convenit ungues,
Unguibus in longis gratia magna later.
Unguibus Accipiter longis quoque corripit escas,
Principibus tamen haud displicet ille viris.
Si tamen est animus præcidere, id inter edendum,
Ocia cum fueris paucula nactus, ages.

4. Si quis honoratus debet discumbere tecum,
Ut sedeas primo sit tibi cura loco.
Surgere si quisquam sella te jusserit illa,
Surgere tu magnum crimen habere puta.
Nec dubites ingens tibi dedecus esse, supremo
Si pulsus sedeas inferiore loco.

Cur alii cedas quo non sit dignus honorem ?
Cur tibi despecto non habeatur honos ?
An dubium est unum cunctos habuisse parentem ?
An non æque omnes pulvis & umbra sumus ?

Primus Adam duro cum verteret arva ligone,

Pensaque de vili duceret Eva colo :

Ecquis in hoc poterat vir nobilis orbe videri ?

Et modo quisquam alios ante locandus erit ?

3. Serius ad mensam si quando accedis, & illic
Pransuro sedes jam tibi nulla vacat.

Stare diu minime tibi convenit : utile membris

Hoc erit, ut sumas prandia læta sedens,

Pelle loco socium, qui, quod sit viribus impar,

Nil tibi pro rapta sede nocere potest.

Cedere si nolet, nolentem detrahe collo :

Cedere majori præcipit ipse Cato.

6. Forsan adhuc panis cultello hesternus adhæret,

Aut magis est alio sordidus ille situ.

Huic vitio poterit succurrere calceus, illum

Exue, si cotis destitueris ope.

Vertitoque exutum, versoque illidito cultrum,

Inde tibi splendens, inde & acutus erit.

Si te quis fuerit sic admiratus agentem,

Respondere potes, moris id esse tui.

7. Tardius optatas apponi videris escas,

Et fieri longam te esuriente moram :

(Forsthan officium neglexit lixa coquendi,

Vel malus inceptum fraude moratur opus)

Ira animum subeat, furor est justissimus ira

Quæ graviter, causas, cur moveatur, habet.

Posce dapes pleni magnis clamoribus oris,

Quam potest intento gutture posce dapes.

Voceque cessantes verbisque minacibus urge,

Sæpe subest parvis maxima pœna moris.

8. Forsan & instructæ qui dulcia fercula mensæ

Inferat, à lixa dante, minister abest.

Tu potius longum jejuno ventre sedebis,

Fercula quam reliquis villior ipse feras.

Nemo tibi facinus tantum persuadeat auctor,

Ne vel Romuleæ Tullius urbis honos.

Stultus id exiguum tibi dedecus esse putares,

Servitium facili vile subisse manu ?

9. Interea varias tere tempora longa per artes,

Ocia sunt pigris insidiosa vixis.

Si mala te scabies dulci prurigne vexat,
 Qua liceat, causam, fallere tempus, habes,
 Scalpe frequens digitis (nihil est jucundius illo)
 Ulcera, quæ multa putrida tabe fluunt.
 Aut velut exciso quondam sub monte metallum
 Quæritur in venis terra benigna tuis :
 Sic scabiem immisso varie rimabere cultro,
 Doctus & occultos ingrediere poros.
 Inde nec absterfo cultro data prandia sumes,
 Nec digitos gelidæ flumine locus aquæ.
 10. Vermiculi teneram sævi infestare juventam
 (Experto dubitas credere ?) sæpe solent.
 Bis tribus ingressi pedibus nituntur, & inde
 Conveniens multo de pede nomen habent,
 Hos quoque si sentis depastum rodere corpus,
 Non tibi protractas ire querere moras.
 Avulsos capitis modo crinibus abstrahe, & illos
 Strenuus impresso fortiter ungue doma.
 'Eque sinu, vivos, miles fortissimus, hostes
 Profer, & in mensa corpora capta loca.
 Delicias illic faciant tibi mille, videnti
 Qua moveant celeres conditione pedes. (dras
 11. Omnia defuerint, tamen haud tibi defore qua-
 Crediderim : his longæ tardia pelle moræ.
 Inspice, si non sunt omnes velut esse volebas,
 Emendaturas protinus adde manus.
 Sæpius artificii turpis committitur error,
 Quando celer propero multa labore parat.
 Impiger educto tu singula corrige cultro,
 Quæ poterant oculis esse molesta tuis.
 Corrige, & incisis orbes insignibus orna,
 Ingratumque tuo non erit illud hero.
 12. Impositam mensæ crebris te pungere mappam
 Istibus, haud quemquam qui veter esse velim.
 Linea vulneribus mensæ velamina multis
 Confice, res usu non caret illa suo.
 Tale malum Dominus fieri sibi sæpe timebit,
 Materiam tarda cui dedit ipse mora,
 Temperiusque dari cupido sua fercula ventri.
 Præcipiet, proprio cautus eritque malo.

13. Aeneus in mediæ quoque ponitur æquore mensæ
 Circulus, impositas sustinet ille dapes.
 Istibus huic raptum crebris illidito cultrum,
 Utilitas duplex inde venire potest.
 Afficies teneras claris tinnitibus aures :
 Audire hos multi se quoque posse velint.
 Inde coquum de te dominumque monebis, & illos
 Esse diu immemores non patiere tui.
14. Culter Heri in mensa positus patrisve jacebit,
 Al eriusve, tibi qui bene notus erit.
 Arripe, & in saxis aciem ferroque retunde,
 Ne nimis & justo promptius ille secet.
 Inde tuo existat dominove patrisve periculum,
 Vulnera ne nimium dura secando ferant.
15. Denique si ventrem miser exonerare fuisti
 Immemor, & jam te sarcina tanta gravat,
 Et metuis caligas modo ne descendat in ipsas,
 Atque novo totam turbet odore domum.
 Surge citus mensa, causamque rogantibus, inque,
 Ventris eo sævum depositurus onus.
 Inde redi, illotis mensæque accumbito palmis,
 Ne noceat longasnectere velle moras.
 Fortitan accubitus dum propter balnea differs,
 Diripiat positos cætera turba cibos.

C A P. V.

*De moribus inter edendum
 observandis.*

1. **S**Orbilis inprimis jejuno apponitur esca,
 Ventriculo melius quod queat illa coqui :
 Et tibi adhuc cupido cochlearia concava desunt
 Nec facile apposito est abstinuisse cibo :
 Quid dubitas patinam roseis apponere labris,
 Immissoque datas ebibere ore dapes ?
 Ipsa parens rerum, quæ vita humana requirit,
 Cuncta tibi larga contulit ecce manu.
 Diogenes etiam cochleare abiecit, & hausit
 Ex liquido palmis pocula fonte suis.

Hunc

Hunc manuum demens Cynicus non noverat usum.

Doctus ab infanti ni foret ipse senex.

2. Fercula cum fuerint mensa quæcunque locata,
Sit tua ut in patina dextera prima, vide.

Et tibi quod placitum fuerit citus arripe frustum,
Ne tibi præceptum protinus alter edat.

Si sapis, hunc morem semper retinere memento:
Utile id est ventri conveniensque tuo.

Invidus obliquis id viderit ullus ocellis,
Dicito, quisque solet proximus esse sibi.

3. Forſan & in diſci procul à te parte remota,
Tollere quam cupias, portio lauta jacet.
Et tibi nullus adest hominum qui porrigat illam,
Arripe protenſa protinus ipſe manu.

Quid refert etenim quod non in parte propinqua
Te coram, ut poſitum debuit eſſe fuit?

Nefcio quid civile ſapit convertere lancem
In gyrum, ut veniant fercula lauta tibi.

Id facinus talipotes excuſare colore,
Promptus ad urbanos ut videre jocos:

Taliter ut referas circum coeleſtia volvi
Sidera, nec ſtabilem ſemper habere locum.

Inde quid efficiant propria virtute Planetæ,
Id ſine vicinum commemorare tuum:

Ille tuo pugnum ridens impeggerit ori:
Motus ab ætherio venerit ille polo.

4. Quod tibi de lautis dapibus proponet amicus,
Arripe quo citius fiat utraque manu.

Quodque dedit retine totum, totumque vorato,
Si ſapor eſt gratus faucibus ille tuis.

Nil tibi profuerit vicino reddere partem,
De tibi propoſitis, ſi placuere, cibis.

Quique tibi dederat, non debes dicere grates,
Sit licet eximio dignus honore co'i.

Ipſe mihi poteram quæ vellem ſumere, dices:
Nil opus officio crede fuiſſe tuo.

Hæc ſemel atque iterum reſponſa dediffe juvabit,
Et modo, quid proſint hæc tibi, certus eris.

Nempe tibi nemo poſt factum porriget illud
Fructa ex appoſitis ulla voranda cibis.

Ipse igitur posthac, & quæ tibi cunque placebunt,
Arbitrio poteris sumere frustra tuo.

5. Omnia per patinam convertas, omnia tentes :
Nec nisi quæ placeant sunt comedenda tibi.

Pectora sæpe gravis mortalia derinet error,

Et quævis oculos fallere causa potest :

Sæpius aspectu quod pulchre apparet opimum,
Lautum, si gustes, experire parum.

Cuncta igitur lingua cautus gustuque probato,
Quæ placuere oculis fercula visa tuis.

Si sapor est gratus, nec displicet ille palato,

Non opus esse tibi me monitore putem.

Sin expectatum deprendis abesse saporem,

Quid facias, nostro carmine doctus eris.

In patinam rursus si vis iactare, licebit :

Cur etenim stomacho quod male quadret edas ?

Vel retinens, quacunque liber tibi parre, vorato :

Hoc equidem nullum posse vetare reor.

6. Compressam digitis arrodere dentibus escam,

Et decet, & secum commoda multa vehit.

Parcis enim tenero (magna ô sapientia) cultro

Ossibus illisus ne ferat ille malum.

Quod super est patinæ visum est tibi reddere ? laudo :

Mox alius forsan, qui petat illud, erit.

“ Invidia est hominum naturæ insculpta malorum,

“ Quod superest, alii cedere nolle, bonum.

Quod tibi displicuit rapiet cupidissimus alter,

Et vel ut accepto munere, gratus erit ;

Vtque tibi vacuam præsentibus expleat alvum,

Ore tibi rapido, quod superabat, edet.

7. Commodius tamen & civilius esse putarem,

Vicino ambesam proposuisse dapem.

Accipiet latus, gratesque tibi insuper addet,

Te quod adhuc memorem sentiat esse sui.

Argumentum ingens non ficti erit illud amoris.

(Secula quem raro nostra videre solent)

Quod dederis carnes jam de quibus ederis ipse

Vicino, & cum te non roget ille, tuo.

Vix equidem credo frustum quod tale parenti

Det Canis, esuriem quamlibet illa ferat.

8. Elixam

8. Elixam Cererem, Bacchive liquentia Promum
Vina vides parca suppeditare manu?
Pocula post tergum prudens tibi plena repones,
Nec, quis ut invito te bibat inde, fines.
Cum bibis ex illis, reliquis sitientibus, inque,
Sollicitum pro se quemlibet esse decet.
Vos quoque jam potum circumspexisse decebat,
Guttura si curæ sicca rigare fuit.
9. Cum bene de primo repleris viscera misso,
Et jam quæ placeat venerit esca tibi:
Siqua ligata tenent ventrem, modo vincula solve,
Ad prælens fias quo magis aptus opus.
Nil pudeat: si quid credes tamen esse pudendum.
Id poteris tali dissimulare joco:
Cum tibi vicino te permutare sodali.
Finge dolo vestis vincula velle tuæ.
Et pete ut ante tibi sua præbeat ille videnda,
Dic tua te dempta promere velle mora.
Hæc erit in promptu solvendi occasio lori,
Quod pudor ante tibi solvere magnus erat.
Jamque tuis si quid corrosæ carnis inhaeret
Dentibus, inserta deme repente manu.
Cum caro fallacis Crocodili in faucibus hæsit,
Exiguus facili subvenit ales ope.
Ora etenim volucrum rostro lingua pandit
Bellua, mox escam qui petat ales adest.
Ille feræ dentes impune pererrat hiantis,
Frustraque de patula fauce relicta legit,
Hæc opus arte tibi nihil est, natura benigne
Prospiciens, digitos ipsa manusque dedit.
Os digitis scrutare tuis, aut utere cultro,
Immunda officium cur tibi præstet avis?
10. Quodque revulsisti de dentibus, inspice quid sit,
Et ne quid pereat protinus illud ede.
Aut aliud non purgato prius accipe cultro
E patina frustum quod tibi cunque placet,
Idque tuo ridens transfixum appone sodali.
Terque ut edat blandis voce quaterque roga.
Extractasque tuo sordes ubi sumpserit ori,
Materia risum sufficiente dabis.

- Hoc etiam reliquis urbanus habere pacto,
Natus & Attæis esse ferere jocis.
11. Nescio cur aliqui soleant abstergere cultrum,
Cum de communi scindere pane volunt.
Inspiciens adipem mappæ cur illinis albæ?
Cur quod habet solidæ nil rationis agis?
Utilius poteras communi abstergere pane;
Pinguior, & linguæ gratior ille foret.
Forſan & hæc aliis res non ingrata fuiſſet,
Si modo de pingui pane libenter edunt.
12. Hoc etiam (quamvis non nil videatur agreſte)
Conueniens ventri fors queat eſſe tuo.
Quando dapes lautas in prandia miſerit hoſpes,
Quas ſperes avidæ poſſe placere gulæ:
Exime de patulo mucorem nare fluentem.
Exemptumque cava conglomerato manu.
Idque vel in mediam coram omnibus injice lancem
Callidus, aut geſtus injicientis habe.
Sic reliquos dapibus citus abſterrebis opimis,
Quodque erat appoſitum, ſolus habere potes.
Fecit idem quondam vir famigeratus ubique,
Nomina cui ſpeculo noctua juncta dedit.
Hunc homines cuncti laudant, mirantur, honorant,
Atque viri mores poſſe referre ſtudent.
Illius quoque tu, quantum potes, indue vitam,
Et poteris geſtis clarus abire tuis.
13. Quem tibi præſcribam ſumendi prandia finem,
Quis modus huic operi debeat eſſe, rogas?
Deſine, cum nimia venter diſtenditur eſca,
Cumque cibi rumpi præ gravitate times.
Hic mihi præterea fueras non pauca monendus,
Prandia ſumentibus quæ facienda forent.
Sed vetat hora brevis fugitivi temporis, ergo
Plura canam quando cœna parata tibi eſt.

CAP. VI.

Mores à prandio, & in deambulationibus obſervandi.

IAM bene viſceribus per ſplendida fercula paſtis,
De rebus nullis anxius eſſe velis.

Hei

Hæu male ventriculus curis affligitur æger,
Pejus ut ingestos concoquat ille cibos.
Inde feri infestant mortalia corpora morbi:
O fugito solers omne laboris onus.
Et tua per scamnum composito membra saporis,
Quo modo sunt scamno prandia sumpta tibi.
2. Sis jaceas donec cœnandi venerit hora,
Tum tibi de somno surgere tempus erit.
3 Dumque jaces, poteris crepitus impune frequenter
Edere, nec, qui te carpere possit, erit.
In manibus cum non habeas, potuisse teneri
(Verba tibi si quis dixerit ulla) nega.
4. Si libet ingrato non indulgere sopori,
Nec tua delectat corpora pigra quias:
Surge, gradu lento per vicos urbis iturus.
Res bene repleto convenit illa viro.
Escaque paulatim ventrem descendit in imum.
Id medici membris esse salubre docent.
5. Illotis manibus venisti ad prandia primum:
Illotis manibus rursus abire potes.
Nonne finas potius sumptas tibi suaviter escas,
Quam digitos fatui fontis olere lacum?
6. Nec licet immundo sit calceus undique cœno
Oblitus, ut purges sit tibi cura velim.
Quid purgasse juvet, cum sit tibi rursus eundem
Perque luto plenas stercoribusque vias?
Sumpseris incassum vanos purgando labores.
Vanaque propositi cura sit illa tui.
7. In media quando jam cœperis ire platea,
Et fuerit sumpti nausea facta cibi,
Dejice per vomitum ventri quodcunque molestum
Sit licet in medio nausea facta foro. (est,
Plurima nec moveat quod turba stet undiq; circum,
Tu tamen abjicias quod tibi cunque grave est.
Fecit id Antonius multis spectantibus olim,
Is tamen Ausonia consul in urbe fuit.
Roma sed ô nostras quantum supereminet urbes?
O quanto es magno tu minor Antonio?
Quod facinus tanta vir tantus in urbe patravit,
Non tibi in his poterit dedecus esse locis.

Si nihil ista movent magnorum exempla virorum,

Quæ moveat propria cura salutis erit.

Corporibus medici recte auxiliantur ut agris,

Ad vomitum cauti sapius illa vocant.

Mense unum quovis vomitum pluresque requirunt,

Præservativum pharmacon illud habent.

Quid sentis? quot eris recte valiturus in annos.

Si vel quottidie bisve semelve vomas?

8. Quando tibi gravis est spatianti urina, repente

Vesicam in mediis exonerato viis.

Fœmina casta licet videar, vel honesta puella,

Non tamen inceptum destituatur opus.

Magna pudoris erit, sed major habenda salutis

Cura, bonum fragile est corporis ipsa salus.

Exiguo perdunt, quod vix reparabitur ullo

Tempore, qui curam non habuere sui.

9. Si qua tuos humeros vestis tibi contegit, illam

Neglige, res cura non eget ille tua.

Quin etiam ne se toga cruribus implicet, atque

Impediat gressus, detineatve tuos:

Disjicienda utrinque manu est, à parte videri

Corpus ut excellens anteriore queat.

Quæque tegenda toga fuerant, thorace tegantur

Et caligis: illud quis neget esse satis?

Talia delectant castas spectacula matres.

Virgineoque solent illa placere choro.

Scilicet aspiciant quam sis bene juncus, & quam

Constringant ventrem vincula firma tuum.

Protinus ergo tui captæ accendentur amore,

Fœmineus quavis arte movetur amor.

10. Inque via si quis tibi dixerit ore salutem,

Sive tibi notus, sive alienus erit,

Non ego responsum facili te reddere voce,

Si mea iusta putas pondus habere, velim.

Ora salutantis prius inspice, & excute solers,

Qua tibi sit blandum mente locutus, Ave.

Et nisi sit dignus responso visus, abito,

Et tacitum gratæ claudito vocis iter.

Ipse prior nullos etiam salvere jubebis,

Taurinumque oculis usque tuere tuis.

11. Namque vagi de te minuetur opinio vulgi,
Si te conspicient cuilibet ore loqui:
Atque tibi stultæ crimen levitatis inurent,
Cum fueris nuper creditus esse gravis:
Inde tuo certe nimium decedet honori,
Et tua majestas damna dolenda feret.

12. Si tamen ulla domus steterit pro limine virgo,
Præ reliquis cujus forma placere queat:
Lumina mox in eam cum blando conjice risu:
Nil refert quod non est bene nota tibi.
Inde adeas rectâ (pudor omnis inutilis hic est)
Curaque sit blando molliter ore loqui.
Omnia quæ risum moveant narranda putato,
Nil tibi inurbanum, nil tibi turpe fuit.
Turpe nihil rerum genitrix natura creavit,
Ipse sibi quædam turpia fingit homo.
Tetrica si semper Stoicorum dogmata narres,
Ridiculus dominæ non pores esse tuæ.
Sperne severorum decreta austera Catonum,
Zenonis rigidi dura statuta fuge.
Blanda Cynædorum magis est tibi congrua secta,
Et, Cynici molles quæ docuere, tene.
Cum bene colloquii fuerit finita voluptas,
Iamque paras cœpta rursus abire via:
Tum tua virgineo circunda brachia collo,
Osculaque amplexus inter amica rape.
Si negat amplexus atque oscula blanda petenti,
Coge vel invitam reddere utrumque tibi.
Si fugiet, sequitor, prensamque amplectitor illam:
Diffimulet quamvis, victa libenter erit.
Et loquitor blandum, dominamque subinde vocato,
Ne tuus erga illam diffimuletur amor.
Turba tuos coram videant lususque jocosque,
Ut quam sis possit cernere bellus homo.
Hunc quoque servabis morem, quæcunque puella
Obvia per mediam sit tibi facta viam:
Inde tuam minui gravitatem credere stultum est,
Nec tibi qui vitio vertat id ullus erit.
Obvia sed virgo si te prior ipsa saluter,
Ut referas grates non reor esse tuum.

Esse putato malam quæcunque videbit amice,
Quæque tibi blando non negat ore loqui.
13. Vita tibi quamquam simplex & rustica cordi est,
Eque tua laudem simplicitate petis:
Sint tamen elato tua pectora turgida fastu,
Luminaque excelsio tolle supercilio.
Qui nimis abjecto est animo fractoque, videtur
Ingenii dotes non bene nosse sui,
Mox & in exiguo contemptus habetur honore,
Qui poterat summum clarus habere locum.
Quantus quisque sibi est, aliis quoq; tantus habetur;
Sub pedibus, qui se non levat ipse, jacet.
Cede igitur nulli, sperne omnes, respice nullum,
Cunctaque duc animis inferiora tuis.
14. Si tibi quis magnis occurreret honoribus auctus,
Quem celebret toto cognita fama polo:
Sive regat iustis subjectam legibus urbem,
Et bonus imperii non leve gestet onus:
Sive rudem doceat divina oracula plebem,
Lucidaque ad cœli sidera monstret iter:
Seu vitam prudens alioqui degat honestam,
Et sit virtutis nomine clarus homo:
Ne subeat flavos animo nudare capillos,
Inque tuis maneat fixa tiara comis.
Nos sumus ex limo facti telluris eodem,
Materia est cunctis una eademque viris,
Divitibus vitæ non est prolixior usus,
Quam quos pauperies imperiosa premit.
Non magis excelsis Clotho justissima parcit,
Parcere quam spretis pauperibusque solet.
Hæc moveant aliquo ne quem digueris honore:
In simili cuncti conditione sumus.
Deque via nulli cedas quicunque sit unquam,
Imo occurrentes cedere coge tibi.
15. Cum socio latam spatiahere sorte per urbem.
Et via communis una duobus erit:
Sive sit æqualis, seu dignior esse putetur,
Tu dextrum studeas obtinuisse latus.
Si tamen immundo fuerit via lubrica corno,
Nequaquam tibi mos iste tenendus erit.

Ingrediere viam quæ mundior esse videtur,
In medio comitem nil nocet ire luto.
Hoc tibi quid prosit, facile cognoveris ipse,
Si tua vel modicum mens rationis habet.
16. Forsan erit vacuas crepitus mittendus in auras,
Qui ventrem miseris torserat ante modis :
Quandocunque libet dimitte, & ubique locorum
Quod natura facit, non reor esse malum.
Qui male moratum te ideo contenderit, illi
Reddere responsum tale repente potes ;
Quatuor ex vento veniunt in ventre retento,
Vertigo capitis, colica, spasmus, hydrops.
Hanc tibi doctrinam medicorum regula tradit,
Regula civili firma tenenda viro.
Claudius edicto ructus crepitusque teneris
Damna valetudo ne ferat inde, vetat.
Pro te próque tuis faciunt hæc moribus, atque
His te tutari non sine laude potes.
17. Florida cum viridis calcatis gramina campi,
Sermonem est aliquo longa terenda via,
Ergo aliquis comitum de magnis dicere rebus,
De pacis pulchra commoditate volet :
Aut veterum antiquos mores, vitamque virorum,
Ex aliqua doctus proferet historia :
Hoc tu propositum mox interrompe, loquendo
Frivola, & in media sistere voce jube.
Prisca juvent alios antiquis gesta diebus,
Dicito, me nostri temporis acta juvant.
Vina vetusta quidem, veteresque probantur amici,
Et vetus in prisco quæ fuit orbe fides :
Non tamen antiqua quodcunque se origine jactat,
Omne ego crediderim protinus esse bonum.
De rebus nostris nostraque ætate loquamur,
Quidque boni præsens cuilibet hora ferat.
Hoc dicto, lepidas sociis proponere nugas
Incipe, quas risum posse movere putes.
Plurima de dulci conficta loquaris amica,
Blanditias quoties dixerit illa tibi.
Verba juvant austera parum, jocularia profer,
Sæpius & multum turpia laudis habent.

Moribus ô juvenis discas præsentibus uti,
 Si qua tibi est sociis cura placere tuis.
 Deposito loquitor quævis obscæna pudore,
 Parvi animi signum creditur esse pudor,
 Hunc adolescentes morem plerique sequuntur,
 Conventus quorum tempora nostra vident :
 Ut nihil in medium dicant de rebus honestis,
 Nescia sed potius verba pudoris ament.
 Quod faciunt omnes, cuivis fecisse decorum est,
 Et minus est fallax quæ bene trita via est.
 Tu quoque consuetum sectare per omnia morem,
 Et loquitor cunctis quod placuisse queat.
 Vana locuturus, semper quod dicat habebit,
 In nugisque loquax quilibet esse potest.
 18. Si tamen in promptu nihil est quod dicere possis,
 (Hoc equidem raro posse venire putem)
 Suaviter irride quicquid tum dixerit alter,
 Despiciens quæ sunt non bene nota tibi.

CAP. VII.

*De adoratione mensæ ante cœnam,
 & aliis ministeriis.*

Sed modo cæruleas declinat Phœbus ad undas,
 Ut gelido fessos æquore mergat equos,
 Sumendæque horam reor haud procul abfore cœnæ,
 Utque domus repetas limina tempus erit.
 Colloquium valeat, vacuæ quod detrahit alvo.
 Nil facit ad rigidam concio longa famem.
 1. Non tamen ut nimium properes volo; nil nisi cer-
 Consilio facias, incipiasque nihil. (to
 Ultra præscriptam si forte emanseris horam,
 Non res illa sua commoditate caret.
 Forsitan interea dum tu tua munia differs,
 Cuncta domi pro te qui parer alter erit.
 Alter erit mensam qui mappis instruat, & qui
 Obsequium domino deferat omne tuo.
 Hoc potes invisum pacto vitare laborem,
 Quem semper quavis, qui sapit, arte fugit.

- Si te cogatur pater expectare vel hospes,
Certa tibi utilitas, & decus illud erit.
Utilitas, patrii quia signa videbis amoris,
Nec dubiam cernes hospitis esse fidem.
Sed decus egregium est, quod ab hospite, sive parente,
Tale nihil merito tantus habetur honos.
At vel inhumanus pater est, vel perfidus hospes,
Si dum, per campos tu spatiaris, edant.
2. Quando domum venies, si nondum mensa parata
Et tu sternendi tempus adesse scies: (est,
Injussus minime sternes, quia nescio simplex,
Si facias, dici qua ratione queas.
3. Non juvet ut sapiens videre vel aptus agendis
Rebus, nec virtus proderit ulla tibi:
Simplicitas prodest, hæc te tutabitur omni
Tempore, quantumvis feceris omne malum:
Et quia ad officium quodvis credêris ineptus,
Nulla injungetur res facienda tibi.
Qui sua prudenter vitare incommoda novit,
Quidque sibi profit, qui videt, ille sapit.
Sape suas qui divitias jactavit, iniquo
Factus raptori præda pudenda fuit.
Ast in delitiis & tura pace quievit,
Qui bene quas habuit dissimulavit opes.
Interitum multis virtus jactata paravit:
Quis vocat ignavos ad fera bella viros?
Ut foret in tuto Chironis alumnus Achilles,
Virtutem sumpta texerat ille colo.
Quid Laërtiades? simulato nonne furore
Aspera conatus bella cavere fuit?
Tu quoque si quicquam virtutis habebis & artis,
Omnibus id studeas dissimulare modis.
Magna vel invitum tentare negotia cogent,
Si te aliquid dominus posse paterve sciet.
4. Orbibus injectis mensas onerare, vel ullo
Pane, supervacuum, ni jubearis, erit.
Non reor esse tuum cura vigilante videre
Singula; vel quo sint scamna locata modo.
5. Nil opus est duram pani præcidere crustam,
Quem domini mensæ ponere in orbe paras.

Omnia damna cave : sed circumcidere panem,
Damna ferat domino vix reparanda tuo.

6. Quod fueris jussus tantum, nihil amplius unquam
Perficias : res est pernicioſa labor.

Quem famulum domini fecit fortuna ſuperbi,
Heu miſer, heu quantum cogitur ille pari ?

Quicquid agit, ſcelus eſt, dominus niſi juſſerit ipſe,
Mox gravis eſt culpa poena parata levi.

Ergo aliquis dominum ne ſtulto offenderet auſu,
Conſilio ſapiens hoc prius uſus erat.

Sumpſit agendorum ſchedulam bene providus ante,
Servitii domino quàm daret ille fidem.

Hanc legit acceptam memoriq; in mente recondit,
Muneraque officii percipit inde ſui.

Nec facile obtineas opus aggrediatur ut ullum,
Quin oculis lectam conſulat ante ſchedam.

Et quod agendarum non cernit in ordine rerum
Expreſſum, officii non putat eſſe ſui.

Forte erat à domino ſtammæ extinguerè juſſus :
Cœperat accenſam ſtamma cremare domum :

Perlegit ille ſuas lento prius ordine chartas,
Quàm peragat domini juſſa ſevera ſui.

Hoc ſequitur multis factum memorabile cauſis,
Et quid agas, quovis tempore certus eris.

Multa prius monui, ſumendi prandia tempus
Cum foret : hæc iſto mente revolve loco.

Non opus eſt eadem ſæpe inculcare docendo,
Tempora inutiliter ne precioſa teram.

Difficilis nulli noſtra eſt doctrina volenti
Dirigere ad vitam dogmata noſtra ſuam.

Multi etiam norunt, quæ tradimus, abſque magiſtro,
Ingenii tanta dexteritate valent.

7. Cum tuus ad menſam dominuſve paterve ſedebit,
Et reliquam ſecum juſſerit eſſe domum :

Continuo menſæ primam citus arripe ſedem,
Ne miſer extremo conſtituare loco.

Sæpe miniſterium quodvis cogetur obire,
Tardus in extrema qui ſtatione ſedet.

Surge puer, reſeraque fores venientibus, audit,
Quis veniat nobis hoſpes, & unde, vid e

Et modo, fer panem, modo, fer nova fercula mensæ,
Vox erit, & pleno vina refusa cado.
Fecerit ingratum canis importunus odorem,
Protinus ille foras ejiciendus erit.
Post etiam admitti rursus mandabit eundem,
Cum vires aliqua fregerit ira mora.
Talia in extremis veniunt facienda sedenti.
Hunc alii cedas me monitore locum.
8. Sin fueris jussus mensis astare minister,
Dum reliqui carpunt quos cupiere cibos :
Signa, quod invitus facias, manifesta relinquant,
Taliaque iratus verba referre potes :
Cur ego præ reliquis tanta gravitate laborum
Obruor infelix, servitioque premor ?
Quin aliis eadem facienda negotia mandas ?
Quo jure immunes hi tibi semper erunt ?
Scilicet ut sepem calcat, qua prona, viator.
Dum graviter duro sub pede pressa gemat :
Sic valido firmæ cui non sunt corpore vires,
Spretus humi domino sub meliore jacer.
Quoque magis cedit, mage cedere cogitur usque,
Nec datur oppressum posse levare caput.
Forsthan efficies tam grandia verba perorans,
Officium ut dominus nolit habere tuum.
Esse voluptati creder, si latus obibis,
Teque sibi famulum semper habere voler.
9. Si vero institerit, parendum censeo tandem,
Verbera ne scapulis ingerat ille tuis.
Simplicitas stulta est omnem fugienda per artem,
Quæ male moratis verbera dura parit.
10. Vt docui supra, denuda corporis artus,
Sic opus ad quodvis aptior esse potes.
Sive cibos sola est sumptura domestica turba,
Sive aliquis vestris ædibus hospes erit :
Omnia tu solito pro more putabis agenda,
Et memor usque tuæ simplicitatis eris.
Tempore cur ullo civilior esse labores,
Quam mea te facili carmine Musa docet ?
Seu fueris solus, seu multis junctus amicis,
Est eadem vitæ norma tenenda tibi.

Omnibus in rebus nullum discrimen habeto,
Quod decet hic, nusquam non decuisse potest.

CAP. VIII.

De ministerio mensa in cœna.

1. **C**onvivas domino si præcipiente vocasti,
Esse hilares sumpto quos volet ille mero,
More tuo officium te promptus ad omne parabis
Simplicitasque tui regula moris erit.
Tum tibi quæ nuper præscripsimus omnia serva,
Verba tamen dictis addere pauca juvat.
2. Tam placide in mensa, sic diximus ante, locabis
Fercula, quæ plena jam nova lance feries :
Ut calidum partes jus disjiciatur in omnes,
Atque in eo panes ipsaque mensa fluant.
3. Nec tibi diffuso conspergere jure sedentes
Turpe puta, quamvis turpe putare queas.
Fors & erunt qui se disperso jure perungi
Sæpe, rei visa commoditate, volent.
Quippe dapes multo condivit aromate Lixa,
Gratus odor cerebro est ille, saporque gulæ.
Hinc perfusa trahet gratum quoque vestis odorem.
Qualis in apposito paulo erat ante cibo.
Res ea convivis non est ingrata futura,
Et poterunt memores inde manere tui.
Si simulant animo factum hoc se ferre benigno,
Suaviter ut risu concutire tuum est.
Hæc etiam hospitibus risum ratione movebis,
Proque tua laudem rusticitate feres.
Hoc tamen offendi si facto intelligis ullum,
Inque oculis iræ nuncia signa vides :
Est satis ut paucis purges tua crimina verbis :
Fervida dat verbis mollibus ira locum.
Sæpe quis invitus (sic sunt mortalia) peccat,
Et miser est culpæ nescius ipse suæ.
Admonitus tandem dolet, & peccasse fatetur :
Hac veniam admissi criminis arte meret.
Te quoque, crede mihi, venia dignabitur hospes.
Conspiciens te non sponte fuisse malum.

Aut potius verbis ultro insectare severis,

Quos tua non placide crimina ferre vides.

Cur etenim stulti sibi non voluere cavere ?

Hæc sit in illorum culpa regeſta caput.

4. Inde ubi ſtas, vigili cœnantes lumine ſerva,

Vt videas quantum quiſque edat atque bibat.

Nec te diſſimules hoc obſervare, ſed omnes

Effice convivæ quid ſpeculere ſciant.

Res ea fert ſecum non paucula commoda, tuque

Vtilis hoc domino more ferere tuo.

Afficietur enim conviva pudore, minusque

Ac alias avido cõteret ore cibi.

5. Nulla verendarum tibi ſit reverentia matrum,

Nulla puellarum cura, nec ulla virum

Dices & facies ſemper quæcunque placebunt,

Et ſaltem ſatis eſt illa placere tibi.

Si culpant alii, tua te mens conſcia laudet,

Laus ea præ reliquis ſufficit una tibi.

6. Si quis pauca tibi facienda negotia mandat,

Vel rogat, & dominus non erit ille tuus :

An ſibi te ſamulum conduxerit ille, require,

Vel, faciat, tibi quæ præcipit, ipſe, jube.

Si tamen illa tuus dominuſve parensve jubebunt,

Vix poterit verbis talibus eſſe locus.

Juſſa quidem te facturum dic eſſe, ſed illic

Lentus es, & nimium ne properare velis.

Nequid dum nimium properas incautus omittas,

Aut ne quid pecces præcipitanter agens.

Sed torvum videas, ut, quod non ſponte ſequaris,

Exprimat haud dubias vultus in ore notas.

7. Forſitan & lychnum muncitore videbis egentem,

Clarius ut lumen præbeat ille ſuum,

Stulte, quid hunc adeo properes emungere, ſi non

Id jubeat dominus terve quaterve tuus ?

Emungens tandem ſi forte extinxeſ, euge,

Res à te nimium geſta decenter erit.

8. Id quoque civile eſt ut denſum aſcendere fumum

Luminis extincti ſemper in alta ſinas.

Si tamen emungens extingui forte vereris,

Quod metuas domini jurgia ſæva tui ;

Fumus ut alta petat lychni nihilominus ater,
 Hoc alia effectum callidus arte dabis.
 Luminis ad terram subsectas abjice partes,
 Fumidus ex illis surget in alta vapor.
 Cur pede conculces, si non jubearis ab ullo?
 Imo quid & jussus moriger esse velis?
 Quin potius forfex studio linguatur aperta,
 Quæ tibi erat brevior facta favilla facis.
 Inde per exiguam fumus petit æthera rimam,
 Ille novo toram suffit odore domum.
 Vix equidem credo gravidis odor ille puellis
 Scilicet optatam ferre putatur opem.
 Hospitibus certo gratum tu crede futurum,
 Fœmineoque nihil posse nocere gregi.
 At si diversum quisquam defenderit, idque
 Institerit firma velle probare fide:
 Propositique sui testes produxerit, acri
 Ingenio quondam qui viguere viros:
 (Nam fœtum gravidæ conceptum matris in alvo
 Plinius ex illo dixit odore mori)
 Protinus hunc magno victum clamore probabis
 Turpiter à vero dissona verba loqui.
 Nec pudeat coram tota confundere mensa,
 Ultimaque hæc dictis addere verba tuis:
 Liberius bone vir mihi pauca ignosce loquenti,
 Debueras linguæ parcior esse tuæ.
 Vir malus est famam qui per mendaciâ quærit,
 Gloria laudandis non venit inde viris.
 Non equidem memini recolens, quod Plinius ullo
 Verba, sui oblitus, dixerat illa loco.
 Unde etenim novisse queat? sed dixerit, esto:
 Non tamen est dictis semper habenda fides.
 Plurima læturis auctor scripta ille reliquit,
 Congrua quæ vero non satis esse liquet.
 Hæc ubi protuleris, rerum credere peritus,
 Scriptaque magnorum pervoluisse virum.
 9. Evacuata alio jam repleturus laccho
 Pocula, porrecta corripe tota manu,
 Corripe tota manu, vinumque infunde repente,
 Largiter ut summi plena sit ora scyphi.

Atque ideo summam replebis pocula ad oram,

Ne te infundendi sæpe fatiget onus,

Sique manu tremula reddens perfuderis ullum,

Quid refert? vinum cui nocuisse queat?

Vel prius è cyatho profundere paucula terræ,

Non equidem magnum crimen habere putem.

10. Sin nimis impletum cratæra imponere mensæ

Non libet, & domini jurgia sæva times :

Pauxillum immisso poteris prius inde labello

Sorbere, & domino tradere deinde tuo,

Vel, quod crediderim civilius esse, lagenæ

Reddito, mensuram quod superare vides.

Si quid enim fundo calicis residabit in imo,

Quod credi mundum non satis esse queat :

Mox tibi totius diffusum in vina lagenæ,

Non poterit vires jam retinere suas.

11. Diversi generis, nec nata in montibus iisdem

Pocula, convivis proposita esse vides.

Non opus est curis angi pallentibus, ut quo

Singula sint teneas vasa replenda mero.

Quod propius positum te cernis, id arripe, & inde

Ordine posthabito pocula quæque reple.

Quid nocet omnigenum Bacchi miscere liquorem?

Omne merum tellus una eademque dedit.

Vinorum virtus omnis cogetur in unum,

Si bene miscueris vina vetusta novis.

Et solidam laudem virtus unita reportat,

Quæ nisi juncta foret nil valitura fuit.

Si tuus ille novus mos esse videbitur ulli,

Huic dare responsum tale paratus eris,

Num tibi Præoniæ non est mos cognitus artis?

Nec quid agant medici, docta caterva, tenes?

Sollicitis raro patientibus ulla propinant

Pharmaca, quin docta sint bene mixta manu.

Misceri varias si non foret utile partes,

Non puto quod tantis mos foret ille viris.

12. Est eadem ratio servanda in potibus illis,

Quos coquit in variis Saxonis oralocis.

Optimus ad nostras Hamburgo mittitur oras,

Qui gratus gustu est, & bene corpus alit.

Inferior paulo est, tamen haud spernenda Breana,
Hannovera ex undis potio cocta tuis.

Mumma quoque antiqui prisca Brunonis ab urbe,
Et bonus Embeca potus ab urbe venit.

Quolibet inter se nullo discrimine misce,
Omnia sunt uni debita pocla gulæ.

13. Cum tibi dat vacuum quisquam cratera, petitque
Repleri, tali te ratione geres.

Si quid adhuc fundo superesse videbis in imo,
Mox eporandum noveris esse tibi.

14. Deque suo si quis cyathos tibi forte propinat,
Et jubet ut secum paucula vina bibas :

Aut te velle neges, aut exhausto receptum,
Atque adeo ut maneat guttula nulla super.

Inde alio reple tibi pocula tradita vino,
Atque recens domino redde repleta suo.

15. Non ego te capitis jubeo nudare capillos,
Cum bibis alterius tradita vina manu.

Vel satis est digitis saltem terigisse duobus,
Pilea, quæ capitis sunt tegumenta tui.

Vel detracta manu lente, post terga relinque,
Ut te jacturum qui videt esse putet.

16. Cumque tuo stabis studiose munere fungens,
Ut repleas vacuos pocula sicca scyphos :

Quam bene moratum poterunt te dicere cuncti,
Si cadat è digitis amphora fracta tuis !

Si dominus rapidam fuerit commotus ad iram,
Lenibus hunc verbis conciliare potes.

Istius ebrietas mea causa est criminis, inque,
Peccato veniam protinus ille dabit.

17. Si quem stare vides vino cratera vacantem,
Quem conviva negat quilibet esse suum :

Forſitan hunc aliquis tam pocula multa petosus,
Seposuit, metuens ebrietate capi :

(Non decet ad mensam vacuos astare culillos,
Exhaustis requiem nec decet esse scyphis)

Tu rape, & impletum mox cui vis cunque propina,
Sic reſcit in ſeriem protinus ille ſuam.

Nec tamen occultis ſine fraudibus egeris illud,
Nam decus eſt teſtis fallere poſſe dolis.

Tu tua replebis Cereali pocula Zytho,
 Qualem in Saxonia gens celebrata coquit.
 At aliis Bacchum & Cerealia munera misce:
 Plus bene commistis sæpe valoris inest.
 Sic potes incautis imponere, ut ebria fiant
 Turba, sed interea sobrius ipse manes.
 18. Vel si convivas non est tibi fallere cordi,
 Ebibe cum summa pocula cuncta fide.
 Hac prior evades reliquis arte ebrius, & sic
 Hospitibus melius ridiculo esse potes.
 Exemploque tuo cunctos hortaberis, ultro
 Vina ut certatim largius ipsa bibant.
 Mox etenim lætum te ridiculumque videntes,
 Esse etiam læti ridiculique volent.

C A P. I X.

*Quomodo à cæna convivis ministranda pocula, & quibus
 eadem technis abigendi.*

1. **F**idus in officio ne non videare minister,
 Sedulus, ut potent fortiter, auctor eris.
 Nec prius ire domum quenquam patiare vocatum,
 Quam multa titubent ebrietate pedes.
 Et dominus quamvis tuus haud vetet ire volentes,
 Tu tamen id fieri quam potes usque vera.
 2. Pocula nec cuiquam volo te replere petenti,
 Quin penitus videas evacuata mero.
 Ebibe fac versum, dicas, vina addere vinis
 Stultus ego officii non reor esse mei.
 Curego dissimulem, quod tu tibi parcere tentas?
 An me iustitiæ non meminisse putas?
 Iustius egregiis vini potoribus ullum
 Haud hominum in terris arbitror esse genus.
 Hanc ego iustitiam quoque conservare laboro,
 Nec vetus in rapidos fama eat illa notos.
 Hospitibus cunctis me convenit esse fidelem,
 Quo bene commissum munus obire queam.
 Sic loquere, & quamvis precibus te mille rogarit,
 Non tamen infundes ni prius ebiberit.

Semper

Semper & id vigili faciendum ducito cura,
 Forſan & hic aliquid quod tibi proſit erit.
 Nam conviva domum quando bene potus abibit,
 Lumina jucundi plena ſoporis habens,
 Tu quoque temperius poteris tua corpora ſomno
 Reddere, qui nimium mane relictus erat.
 Attenuant juvenum vigilatæ corpora noctes,
 Naſo, gravis blandi doctor amoris, ait.
 At requies laſſos nocturna laboribus artus
 Recreat, & dulci membra ſopore levat.
 Hanc ergo ad metam toto contendito curſu,
 Convivas potos ut removeſcere queas.
 3. Incidit hic vigili quod erit tibi mente notandum,
 Et bona pars veræ ſimplicitatis erit.
 Bina ſedere vides convivia in ædibus iſſdem,
 Nec ſimiles vitæ conditione viros?
 Forſitan hic ſtupidi potat ſæx infima vulgi,
 Vulgi, quod tantum commoda ventris amat.
 Aſt illic hominum non magna caterva bonorum
 Conſidet, & luſu tempora longa terit.
 Et tibi conceſſa eſt vinorum plena poteſtas,
 Totaque cum clave eſt credita cella tibi.
 Optima contemptæ reſerabis dolia turbæ,
 Vina bonis promens deteriora viris.
 Nec levis eſt ratio, cur non depromere quiſquam
 Debeat eximiis fortia vina viris.
 Egregios homines, qui magna negotia tractant,
 Quoſque vagum merito vulgus honore colit;
 Non decet inſana nimis ebrietate gravari,
 Ne poti, quod non conveniebat, agant.
 Ebrieras victos ſibi ſubjicit improba ſenſus,
 Seque velut dominam mentis in arce locat.
 Et vitium tanto ſceleratiuſ eſſe putatur,
 Quanto qui peccat major habetur homo.
 Ne videare igitur tam magni criminis autor,
 Quæ bona ſunt illis tradere vina cave.
 Quid? quod & in longum ſtudio producere tempus
 Colloquii longi mutua verba ſolent.
 Interea vino videas moderatiuſ uti,
 Colloquiumque illis dulciuſ eſſe mero,

Sic etiam in multam traherent convivium noctem,
Immemores propriæ testæ subire domus,
Non potes huic alia morbo ratione mederi,
(Difficili tristis cura adhibenda malo est)
Pocula quam cautus si quæ sunt vilia promas,
Quæque putes nullo posse placere modo,
Non equidem longo mansuros tempore credam,
Nequitia offensos, prome maligne, tua,
Nam neque pro vili nummos exponere vappa,
Nec stomachum ingrato lacerare acore volent.
Quisque suas igitur sapiens properabit ad ædes,
Ut sua jam dulci membra sopore lever.
Vivit adhuc fama Xantippe Socratis uxor :
Quam meruit famam moribus illa suis !
Fortè domum paucos convivas ille vocarat,
Artibus eximios ingenioque viros.
Colloquium gravibus doctum de rebus habebant,
Tingentes variis seria dicta jocis.
Cumque diu tererent nocturnis tempora nugis,
Res ea Xantippæ non ita grata fuit.
Colloquio tandem quò finem imponeret isti,
Consilium cerebri protulit omne sui.
Jurgia convivis, convivia multa marito
Fecit, & in rixas lingua disertæ fuit.
Sed sua contemni cum jurgia seque videret,
Omnia tentandum credidit esse sibi.
Et veniens, solita mensam subvertit in ira,
Convivasque suos jussit abire domum.
Hoc ego te facinus quoque jam tentare juberem,
Si nimis hos videas velle sedere diu.
Sed reor illorum te majestate moveri,
Atque minus facinus tale placere tibi.
Ergo potes vino melius remove maligno,
Ut cupiant ultro quisque redire domum.
4. Profuerit forsan quoque sæpe monere morantes,
Quem teneant cœli frigida plaustra locum,
Et quota jam noctis properans exiverit hora,
Unde sibi somni tempus adesse sciant.
5. Nec pudeat vana cessantes fallere lingua,
Colloquia & structis rumpere longa dolis.

Vix semel ediderit cantum cristata volucris,
 Principium seræ noctis adesse notans:
 Tu tamen, à medio nocturna recedere cœlo
 Sidera, & occiduas tendere. finge, ad aquas.
 6 Aut potius clarè, quid enim malus esse vereris?
 Dic, repetant lecti limina quisque sui.
 Ne tibi vel domino jam pergant esse molesti,
 Indultum levibus plus satis esse jocos.
 7. Rustica vel ratio si non placet ista fugandi,
 Quos virtute graves conspicias esse viros:
 Quantumcunque volent, spatium concede sedendi,
 Ut quod agendum illis cunque videtur agant:
 Sed procul inde abiens sapientem desere cœtum:
 Aptior ingenio est stulta caterva tuo.
 Hic audire jocos & delectantia verba,
 Quodque bibas avido gutture, ferre potes.
 Interea soli sedeant famuloque carentes
 In tenebris tetrici, turba odiosa, senes.
 Vinaque non illis sitientibus ulla propines,
 Hinc videant curæ se minus esse tibi.
 Quid facient, adeo se spretos esse videntes?
 Quisque volet tuguri recta subire sui.
 8. At reliquos melius tractare intende bibones,
 Qui minimum rectæ mentis habere student.
 Immunes etenim cum sint à rebus agendis,
 Cur studeant avidam fræno inhibere gulam?
 Parva viris etiam sapientia sufficit illis,
 Exiguumque boni cordis habere sat est.
 Impliciti magnis nullo sunt tempore rebus,
 Curasque ex animo deposuere suo.
 Non sunt solliciti de prole & conjugalendis,
 Nec magnas animus querere ferveret opes.
 Consilium saltem referunt huc pectoris omne,
 Ut semper lætis mentibus esse queant.
 Ut bona vina bibant, ut Bacchanalia vivant,
 Ut vario lusu tempora cuncta terant,
 His bona vina viris, his præstantissima profer,
 Sint licet in multis illa repôsta seris.
 Assidua ebrietas tales delectat, & illis
 Quantumvis fortis potio nulla nocet.

Hunc hominum ut possis rabidorum augere furorem
 Ingenii profer consilium omne tui.
 Et calcar nimium per se currentibus adde,
 Quaqua abeunt ultro, currere coge, via.
 Largius ut potent, sapidissima vina propina,
 Quæ vetera & multi roboris esse scies.
 Temperius potû victi cogentur abire, &
 Temperius somno corpora plena dabunt.

C A P. X.

*De convivarum à cæna confabulationibus, altercationibus,
 & rixis.*

CUM bene erunt poti, variis de rebus habebunt
 Colloquia, & pro se quisque disertus erit.
 Tunc nova gestarum poteris miracula rerum
 Percipere, & cunctis gesta probanda modis.
 1. Hic referet qualis fuerit puerilibus annis,
 Quam fuerit lusus promptus ad omne genus.
 Qualis in exultans equitarit arundine longa,
 Qualiaque in ficto bella pararit equo.
 2. Ille suos quondam juvenis narrabit amores,
 Quæ dederit blando verba puella sono:
 Successus referet rerum casusque suarum,
 Quam fuerit felix, quamque in amore potens.
 Sæpius ex imo suspiria pectore ducet,
 Cum memor istius prosperitatis erit.
 Dulcia præteritæ reminiscens tempora vitæ,
 O gemitus quales corde dolente dabit!
 3. Contra alius fuerit sua qui mala plurima narret,
 Quæ quondam insano cæcus amore tulit.
 Qualiter in media tulerit fera frigora flamma,
 Qualiter & pluvias vicerit atque nives.
 Quod voti nullo sit factus tempore compos,
 Et nihil impensas, nil valuisse preces.
 4. Non deerit charam qui laudibus ornet amicam,
 Et vaga per cæli sidera voce ferat.
 Ille puellares auro cernere capillos
 Dicer, & auricomi vincere fila croci.

Non

Non secus ac stellas oculos rutilare coruscas,
Idaliæ quales credimus esse dex.
Os bene compositum, malas faciemque rotundam,
Dulciaque à roseis oscula raptâ labris.
Candori mixtum testabitur esse ruborem,
Ceu sint purpureis lilia mixta rosis.
Et teretes referet digitos, teretesque papillas,
Cruraque Sithonia candidiora nive.
5. Ast alii hinc aliud pro tempore quisque loquentur,
Quisque status dicet pro ratione sui.
Prælia narrabit Mavortius horrida miles,
Venator celeres laudat amatque canes.
Commemorat pingues qui gaudet frugibus agros:
Lanigero opilio de grege multius erit.
Navita de ventis, de fluctibus æquoris, illis
Qui non viderunt æquora, multa refert.
Quisque suis de rebus habet quæ plurima dicat,
Quæ nova grata tuis auribus esse queant.
6. Crimina transactæ multi recitare juventæ,
Et sibi ab his laudem quærere sæpe solent.
Sæpe ego nequitiam vitæ jactare prioris
Audivi emeritos, nec puduisse, senes.
Illa bonos doceant exempla senilia mores,
Et puer à senibus discere multa potest.
7. Tu patulas adhibe tantum dicentibus aures,
Singulaque attento pectore verba nota.
Tum si te quisquam conviva vocaverit ad se
Forte, quod officiis indiget ille tuis:
Exhausta ut repleas infuso pocula Baccho,
Vel facias aliud quod tibi mandat opus:
Dissimula vocem te percepisse vocantis,
Ingratoque aures obstrue utrasque sono.
Hoc quoque Sirenum cantus fugiturus Ulysses
Fecit, & evasit perfida tela necis.
Ille vitæ cera sociorum callidus aures,
Carmina ne possent per scelerata capi.
Sic tu, ne quò non libuit cogaris abire,
Dulceque colloquium linquere, surdus eris.
8. At si non poteris salvo differre pudore
Amplius, & crebris vocibus ille vocat,

Et

Et tibi adhuc cordi est nugas audire loquentum,
Hac reor id facile est obtinuisse via.

Tempus ut expectet modicum conviva preceris,
Difficilis precibus non erit ille tuis.

Mox te venturum tamen affirmare memento,
Quando habeat finem fabula cœpta suum.

Non adeo importunus erit, quin pauca roganti
Concedi saltem tempora posse putet.

9. Cum gravis ebrietas cerebri penetralia sacra
Irrumpens, summa fixerit arce pedem,

Cumque triumpharit jam de ratione fugata,
Mensque erit è folio præcipitata suo:

Grandia de magnis surgent certamina rebus,
Differet & variis lingua diserta modis.

Afferet hic, animas post tristitia vivere fata,
Nec cum terrigeno corpore posse mori,

Sed mutare locum, & nova corpora rursus inire,
Atque hominis fieri quæ fuit antè fera.

At res hæc aliis absurda videbitur esse:

Dogmata non cunctis Pythagorea placent.

Invenias, qui totam animam cum corpore credant
Concidere, ut rapido cum perit igne calor.

Hic quoque qui contra pugnent reperire licebit.

Quique negent istam vituperentque fidem.

10 Deque alio multi referent miracula mundo,
Qui procul à nostri sit situs axe poli.

Hic homines dicent cum dentibus ora canina
Pandere, & humana pellere carne famem.

Diversum statuent alii, nec posse putabunt
Naturam rerum talia monstra pati.

Quisque suis pro viribus adferet argumenta,
Quique velit victus cedere, nullus erit.

11. Concipiunt multi vanas pro regibus iras,
Et gravibus verbis prælia magna gerunt.

Hosque Duces cœlo supremis laudibus æquant,
Ætheriæque domos hos super astra levant.

Ad Stygias illos detrudunt usque paludes,
Usque adeo lingua vituperante premunt.

Hos alii contra contraria sensa tenebunt,
Deque suo nolent cedere proposito.

Hi quoque culpabunt quos laudavere priores,
Quosque solent illi vituperare, colent.

12. Nonnulli facient discrimina longa dierum,
His erit hic ater, candidus alter erit.

Sed contra invenias, ea qui discrimina tollant,
Inque pari ponant conditione dies.

13. Quilibet adducet quæ se novisse putabit,
Notitiamque horum solus habere volet.

Non feret hoc alter, sed & ipse peritus haberi
Multarum rerum consiliique volet.

Hinc, quascunque theses dabit ipsa occasio præsens,
Arisipient, & lis luctaque grandis erit.

14. Forsan & a verbis venietur ad arma cruenta,
Proque argumentis ensis acutus erit.

Hic verus haudquaquam Dialectica sufficit, illa
Non docuit tali dicta probare modo.

Surgat Aristoteles aliquis, Logicamque recusat,
Monstræt ut ex quo sit ducta machæra loco.

15. Tu parti alterutri succurrere fortiter insta,
Consensuque tuo prælia cœpta juva,

In medium audacter prodi, positoque timore
Deprome arbitrii libera sensa tui.

Vince tuo strepitu cunctos, clamoreque vince,
Stentoreumque imo pectore rumpe sonum.

16. Fortis es, & claris, MENTIRIS, dicito verbis,
Verba loqui si quem non ita firma putas.

Cuncti obmutescant, intentique ora tenebunt
Protinus ad vocis fulmina tanta tuæ.

Et simul ingenium foelix, animique vigorem
Mirati tacita laude per astra ferent.

Hinc tu nobilis es magnoque in honore futurus,
Multisque ingenii nomine charus eris.

Quem tamen argueras mendacia vana loquutum,
Illius insidias me monitore cave.

Namque solent aliqui faciei impingere pugnum,
Si tibi mentitos esse probare velis.

C A P. XI.

*Quomodo peracta cœna convivæ dimittendi, Quid agendum
antequam cubitum eas : & Epilogus libri.*

1. **S**i nimis extendent in multam ludicra noctem
Prælia, res non est illa ferenda tibi.
Fraudibus instructum multis decet esse dolisque,
Consultum rebus qui volet esse suis.
Nil tibi totius profunt convivia noctis,
Impediunt somnum turpiter illa tuum.
Ergo opus ingenio est, testæ quò callidus arte
Quemque suæ jubeas limen adire domus.
Ante, quibus possis sapiens rationibus uti,
Diximus : hîc illas quid renovare veret?
2. Fors aliquis quota sit convivæ rogaverit hora,
Tū percontanti dicere vera cave.
Vix decimam cantu cristatus prodidit ales,
Tū dic bis sextam jam sonuisse diu.
Sæpius hoc etiam facies cum nemo rogarit,
Commoda quo somni tempora scire queant.
3. Si nihil horarum cursu noctisque moventur,
Nec tua te quicquam verba dolosa juvant :
Tunc non immerito manifesta dicere voce,
Ut tandem redeant ad sua quisque, potes.
Et licet à domino non sis hoc dicere jussus,
Ingratum domino non tamen esse putem,
Diceret ipse eadem, salvo si posset honore:
Turpe quod est illi, te decuisse potest.
4. Quam primum incipient abituri surgere poti,
Ne mora sit, clausas pande repente fores.
Pande fores, monstraque viam surgentibus ultro,
Atque hac ad vestros est iter, inque, lares.
5. Cumque tuo domino convivæ, sive parenti,
Iam blæsum dicent accipientque Vale;
Tū pete consueti penetralia chara cubilis,
Et recrea dulci membra sopore tua.
Ipse tuus dominus (per te licet) ostia claudat,
Occlusas ades si volet esse suas.

Ipseque

- Ipseque candelas extinguat, sopiat ignes;
Postremus cubitum (sic Cato mandat) eat.
6. Vel tu candelam (consultius arbitror illud)
Dormitum quando cœperis ire, cape.
Ne miser in tenebris offendas crura pedesve.
Improba nox secum multa pericla trahit.
Per tenebras melius densas herus ire valebit;
Ædis notitiam totius ille tenet.
7. Solus in obscuris sua vestimenta tenebris
Exuat, officio non eget ille tuo.
Tu face nocturnam tibi ne res ulla quietem
Impediat, rapidis passibus hora fugit.
Si sapis ergo tuis in tempore prospice rebus,
Deque alio nunquam cura sit ulla tibi.
Et licet hi mores minus esse putentur honesti,
His tamen utilitas moribus ampla subest.
8. Tollere de mensa cyathos & pocula differ,
Mane eadem melius tollere tempus erit.
Omnia si tollas, & protinus omnia purges,
Utilitas quæso quæ venit inde tibi?
Signa relinquantur manifesta videntibus, illo
Symposium minime triste fuisse loco.
Gaudia sic animis spectantum hesternæ recurrent;
Lætitiæ memorem, quæ fuit, esse juvat.
9. Imo aliud dicam, tu rectis auribus asta,
Sis memor ut vites omne laboris onus.
Mane vel ad mediam volo te requiescere lucem,
Ne minuat cerebrum nox vigilata tuum.
Tunc quoque de blando nolim te surgere lecto,
Quin pater aut dominus terque quaterque vocent.
Interea famulæ collectæ poteria tollent,
Inque suum referent pocula quæque locum.
Quæque tibi fuerant peragenda negotia, pro te
Efficient, & tu postea liber eris.
10. Cum bene dormieris, vinumque eviceris omne,
Surgito, sed medium Sole tenente diem.
Tradidimus supra præcepta salubria, surgens
Qualibus ornatus moribus esse queas.
Omnia tu semper serves, & ubique memento,
Singula ne sit opus dicta novare mihi.

11. Sunt etiam vino qui delectentur adusto,
Hac sibi restitui se ratione putant.
Hoc & tu facies, nisi mos tibi displicet iste,
Nam mala sunt aliis ejicienda malis.
12. Multa docendus eras, simplex ut in omnibus esses,
Sed propero, & rebus vincor ab ipse meis.
Ipse tuo ingenio quantum potes utere, & ista
Dicta potes factis exuperare tuis.
Paucula percurro saltem, ne longius ipsa
Iliade, urgenti singula, surgat opus.
Paucula sufficient, ipso quia doctus ab usu
Ipse potes monitis addere multa meis,
Singula coner enim libro comprehendere in uno,
Vix istum caperet maxima terra librum.
Opprimerer tanto miser ipse labore, meique
Ingenii vires exuperaret onus.
Imperium siquidem stolidorum nulla coerces
Meta, & ineptorum regia sine caret.
Aspicias oculis totum vigilantibus orbem,
Quodque hominum toto vivit in orbe genus.
Invenies semper mores & ubique pudendos,
Hei mihi barbaries non habet illa modum.
Non pudet effœtam committere facta senectam
Turpia, nec canos dedecorare suos.
Illa nimis docili nocitura exempla juventæ
Præbet, & ad vitium prævia monstrat iter.
Et juvenes (ævi tanta est petulantia nostri)
Vivere laudandum turpiter esse putant.
Quis pueros meliora sequi, vitamque priorem
Delerere, & mores excoluisse docet?
Non vir, non mulier, meminisse videntur honoris,
Omnia deposito quisque pudore facit.
Virginibus quondam laudi pudibunda dabantur
Lumina, virtuti cum suus esset honos.
Nec nisi pauca loqui casto sermone solebant,
Indicium casti pectoris illud erat.
Nunc decus est oculos temere quocunque vagari
Virginis, & rectas non tenuisse vias.
Nunc decus est, verbis illas petulantibus uti:
Rusticaque est, blando quæ nequit ore loqui.

Quid memorem magnos homines, rerumq; potitos,
Imperium in reliquum qui rude vulgus habent?
Oblii decoris sine more loquuntur aguntque,
Quæ præceps animi cunque libido juber.
Quique graves regni manibus moderantur habenas,
Quæ prohibere aliis cuncta decebat, agunt.
Ingredere inflatas monstrosis fastibus aulas,
Atque ducum celsas, atria longa, domos,
Protinus occurrent in primo limine multi,
Quos nihil humanæ mentis habere putes.
Ebrietas illic & turpis vita ferarum
Visitur, imperium crapula scæda tenet.
Non alibi pejus malesuada superbia regnat,
Quæ mores hominum non finit esse bonos.
Talia subjectum sequitur vestigia vulgus,
Ut docilis quævis ad mala turba sumus.
Plura queri morum de rusticitate volebam,
Dicta sed hæc isto sufficit esse loco.
Rustica nam verbis me turba rogantibus urget,
Perficere inceptum quod mihi restat opus.

FINIS LIBRI PRIMI.

LIB.

LIBER SECVNDVS.

CAPUT I.

Quomodo se gerere debeat ab alio invitatus, quibus moribus convivium accedat, & mensa accumbat.



Astenus edocui qua simplicitate vocatos
Abs te convivas exhilarare queas :
Sed tanquam famulum, cui non est plena
potestas,

Et qui sub domini cogitur esse manu.

Qua ratione tuo invitatos nomine tractes,

Alter hic extremo fine libellus habet.

Iam, si forte alio fueris conviva vocatus,

Discito queis illic moribus esse queas.

1. Principio ex puero quæres non pauca vocante,

Quos vocet, & quæ sit causa quod ille vocet.

Cur alium dominus non miserit ipse ministrum,

Unde tibi major surgere possit honos.

Denique quas carnes, quos pisces emerit hospes,

Et quanto dandos emerit ære cibos.

Quas epulas coquus, & quæ condimenta pararit,

Quove queas avidam pellere pane famem.

Qualia sit promus venienti vina daturus,

Quæ conviva domum pemmata quisque ferat.

An quoque ducendæ post fercula sumpta choreæ,

Ecqua sit ad tales virgo vocata dapes.

2. Symposii tandem socios epulasque paratas

Si spes est animo posse placere tuo :

Tempore venturum iusto promittito sancte,

Sic ubi jam fuerint singula nota tibi.

3. Si tamen observas convivia ad illa vocandos

Esse aliquos, odium qui meruere tuum :

Non ego te jubeo temere promittere quicquam,

Conveniens hominum non genus omne tibi est,

Non sedeas rigidus inter conviva Catones,

Qui graviter tantum verba severa crepant.

Ergo

Ergo alios manda vocet ad convivia, qui sint
Moribus & vitæ congrua turba tuæ.

Fercula præcipies etiam meliora parari,
Si minus illa tuæ sint placitura gulæ.

4. Cuncta sed ut possis melius retinere fideli
Mente, culinari quæ parat arte coquus;

Poste paratorum comedendorumque libellum,
Qui moneat quales det tibi lixa cibos:

Hinc præscire potes, quid edas, quid stare relinquo;
Cui vino serves queis epulisque locum.

5. Prolatum è pera schedulam quoque sæpe revolves,
Quæque dedit releges fercula, quæque dabit.

Tum si quid coctum tu legeris esse, nec illud
Allatum mensæ videris esse tuæ:

(Forsthan hoc aliis hospes vel lixa reservat,
Tempore quos parvo velle venire sciat)

Protinus accendi non est tibi dedecus ira,
Nec volo te bilem dissimulare tuam.

Non impune tibi fallax illuserit hospes,
Ut vacuo expectans sederis ore diu.

Semper enim ventura tibi meliora putabas
Fercula, sed falsum turpiter esse vides.

Quid dubitas clara ferri tibi, voce jubere,
Inscriptum schedulæ quod legis esse tuæ?

Illæ etenim toti facta est injuria mensæ,
Nec tibi jam soli fraus ea structa fuit.

Pro reliquis etiam, licet id non jusserit ullus,
Te refer hospitibus talia verba loqui.

Sic prius instructus tandem convivia adibis,
Expectata diu cum brevis hora vocat.

6. Mox ubi non procul est ad cœnam tempus cundi,
In te non aliquam convenit esse moram.

Neglige vicinum, qui est invitatus eodem,
Quippe viam solus tu referre potes.

Neglige cuncta domi, & properatis gressibus ito,
Neu sis postremus, primus adesse velis.

7. Quam primum irrueris alienas hospes in ædes,
Neglige de fausta multa salute loqui.

Sed pete fumantem pede non tardante culinam,
Quæque coquant illic fercula lauta vide.

Nec mora, quæ cupidis minuuntur dentibus, escas
Posce dari ; res est imperiosa fames.
Moxque repleta mero spumanti pocula posce,
Sic falle ingrata tædia longa moræ.
Ut quando venient reliqui, sis potus abunde,
Et facias lepidò plurima verba joco.
Sic hilarem cuncti te dicent esse : meretur
Ebrietas nostro tempore laude vehi.
8. Cum fueris solus, nec adhuc venêre sodales,
Quid facias, monitus accipe mente meos.
Incipe Stentorea mox carmen amabile voce,
Deque boni vini laudibus illud erit.
Vox ea per totam sonet exaudita plateam,
Hæc faciet socios mox ut habere queas.
Namque ubi clamores arrectis auribus illos
Accipient, cœnæ tempus adesse scient.
Protinus accurrent, rebusque domoque relictis,
Et lætis tecum mentibus esse volent.
9. Vel tibi si non est cordi properare vocato,
Ultimus extremo visque venire loco :
Usque maneto domi, donec te nuncius alter
Oret, & ad cœnam lætus adesse velis.
Tunc dic venturum, sed longo tempore differ,
Nec tandem nisi sis sæpe rogatus eas.
Totâ domus cœnam propter te differat unum ;
Gloria nequaquam est hæc fugienda tibi.
Magnarum credent tibi magna negotia rerum
Esse data à magnis perficienda viris.
10. At si crediderint oneratum rebus agendis,
Teque ideo nullo posse venire modo :
Et coquus in patinam lautas jam miserit escas,
Quas volet hospitibus fercula grata dari:
Forfan & in mensa famulus jam cuncta locarit,
Incipiantque ipsas tangere quisque dapes:
Tuque vides veniens escas modò carpere cunctos,
Sessuroque tibi vix superesse locum :
Objurgandus erit tibi verbis acribus hospes,
Se sciat ut magnum posthabuisse virum.
Sentiat ille tuam cunctis præsentibus iram :
Non ignominia est tanta ferenda tibi.

Talibus

Talibus ecquid eram venerandus honoribus? inque.

Ecquid erat ratio talis habenda mei?

Sed sine me (quid enim mihi profuit esse vocatum?)

Vivite, non vobis jam gravis hospes ero.

Ista loquens gestum tibi sume volentis abire,

Teque tuam simula velle redire domum.

Protinus occurreret blandis sermonibus hospes,

Et supplex partes ille precantis ager.

11. Tunc ubi blandiloquo te multa rogaverit ore,

Placatus tandem discubiturus eas.

Tum reliqui assurgent venienti forsitan omnes,

Ut tibi cum magno detur honore locus.

Tu primam quasi sis dignissimus arripe sedem.

Quam tibi non digno nemo daturus erat.

12. At si non cernis venienti assurgere quenquam,

Sessuroque tibi nullus habetur honos;

Tuque aliquem superesse locum conspexeris ipse:

(Servatur magno forsitan ille viro)

Hunc tibi, ne sedeas extremo sine, capeffe.

Qui prior advenit, dignior ille fuit.

Serius adveniens malè confidet, aut malè cœnat,

Dicitur: id vero verius esse puta.

13. Per mensam pedibus scandens subtiliter ito,

Si tibi per scamnum cedere nemo volet.

Commaculare luto mensam, mappamve, quadrasve,

Nil nocet, & culpa res caret illa tua.

Frangere vitra & calices, vino perfundito mensas,

Et cadat è proprio versa patella loco.

Vel pedibus vestes macula per scamna sedentum,

Id fieri summo jure videtur opus.

Cur etenim tibi nolebant hanc cedere sedem

Tum vacuam, & qua vix dignior alter erat?

Ergo quod hoc mensam pacto maculâris & ipsos,

Hæc sit in illorum culpa relata caput.

14. Ante lavare manus quàm sacra accumbere men-

Nescio quo multos more solere vides. (sc,

Frigida nil homini prodest è fontibus unda,

Sed cur non profit causa ferenda mihi est.

Sæva reluctantur ferventi frigora cordi:

Principium vivi corda caloris habent.

Inque manus veniunt occulti ex corde meatus,

Per totum sparsi qui tibi corpus eunt.

Stultus in algentem digitos si miseris undam,

Tum manus in gelida frigida fiet aqua:

Inde retrò curret paulatim in pectora frigus,

Ah nimium cordi frigora dura nocent!

Frigora nativos extinguunt sava calores,

Hoc homines multi jam periere modo.

Tam subeunda tibi sunt magna pericula vitæ,

Frigus & à manibus cordis ad ima redit.

Hinc ubi jam multos in aqua te laveris annos,

Adveniet propero tarda senecta pede.

Illa tuos quando victrix invaserit artus,

Deficient vitæ flamina rupta tuæ.

Has causas illi qui te mirabitur adfer,

Quod non pro solito more lavare velis.

15. Sin vero adfueris præscripto tempore cœnæ,

Convivasque alios velle lavare vides:

Primus in appositas reliquis cunctantibus undas

Irrue, scedatas primus inunge manus.

Quisquis ibi fuerit majori dignus honore,

Quid noceat post te quod lavet ille manus?

Scilicet ipse etiam convivia ad illa vocatus,

Et domino acceptus scilicet hospes eras.

16. Nec solum digitos, sed & os faciemque lavabis,

Nec tibi erit longas neçtere turpe moras.

Cumque satis longo lavisti tempore, & ipsam;

Conspicis immundam sufficienter aquam:

Tunc aliis cedas, ut & ipsi utantur eadem,

Totaque cum manibus si liber ora lavent.

Tuquet tibi interea de prima prospice sede.

Hinc te qui jubeat surgere nullus erit.

17. Et qualis jaceat positus circumspice panis,

Hic illo melior sæpius esse solet.

Est qui vel sacram superet nigredine terram;

Vestphalici talem vidimus esse soli.

Est alius diversus ab hoc nitidissimus; illum

Sithonias credam vincere posse nives.

Hinc tibi dum reliqui cunctantur prospice cautus,

Ne sit opus nigro pane fugare famem.

Surripias

Surripias furtim tibi qui bonus esse videtur,
 Surreptumque tuo callidus abde sinu.
 Postea cum fuerit partes distractus in omnes
 Panis, frumenti qui melioris erat;
 Cogentur reliqui vilem quoque sumere panem,
 Si nondum fuerit dura levata fames.
 Tum tibi, non aliis poteris producere rursus,
 In gremio furtim quem prius abdideras.
 Viderit hoc aliquis factum laudabile, certe
 Ille tuis censor moribus æquus erit.
 Consilium prudens simul admirabitur, & te
 Festore non modicum dicet habere salis.
 Et fortasse tuam quandoque imitabitur artem,
 Factus ab exemplo doctior ille tuo.

CAP. II.

Quos in edendo mores & gestus observare convivia debeat.

1. **F**ercula quàmprimùm mensæ imponentur opima,
 Tu rapidam patina primus inunge manum.
 Quod tibi cunque placet, rapias; ita diximus ante;
 Cur aliquid frustra me docuisse sinas?
 Omnia dicta tibi, quæ diximus antè, potato,
 Nil moveat quo sint singula dicta loco.
2. Et quascunque dapes in mensam miserit hospes,
 Quantumvis gustus judicet esse bonos:
 Invenias aliquid quod culpes semper in illis,
 Quodque velis verbis vituperare tuis.
 Hoc nimis est falsum, dices, nimis, illud adustum,
 Hoc tibi acetosum, dulce sed illud erit.
 Idque palàm jubeo clara te dicere voce.
 Percipere ut facili quilibet aure queat.
 Sic etenim falso confundes ora pudore,
 Solliciti frustra per tua verba coqui.
 Hac potes urbani nomen ratione mereri,
 Nomen id, ô felix, quisquis habere potest!
3. Quando tacent epulis intenti suavibus omnes,
 Non hominis tota vox sonat ulla domo:

- Plurima te lingua jubeo garrere loquaci,
Illaque quæ risum promereantur erunt.
Non decet ad mensam mutis residere labellis,
Omnibus in precio qui volet esse, virum.
4. Inde vora semper, quantæ sunt corpore vires.
Hoc ad symposium sine vocatus eras.
Ingere multa vorax avidis sine more modoque
Faucibus, & largo viscera tende cibo.
5. Si calet esca nimis quam dextera misit in ora,
Disimula quantum dissimulare potes.
Et lapidi permitte alios impingere eidem,
Ne solus damnum ludibriumque feras.
6. Extrahere urentem rursus de faucibus escam,
Et patinæ extractam reddere fortè queas.
Non ramen hîc ausim facinus te tale docere:
Ah pudet, ah nimium rusticitatis habet.
7. At tibi ne sit opus rursus comburere linguam,
Id fugies tali callidus arte malum.
Ore tuo calidas afflabis fortiter escas:
Spiritus ardorem temperat ille cibi.
Nullius est usus nimis insufflare modestè:
Quas etenim vires lenior aura ferat?
Flaturus totas vento distendito buccas,
Difficilis quasi sit buccina flanda tibi.
Hinc, velut Æolius mittit sua flamina carcer,
Collecta in calidos flamina mitte cibos.
Magno cum sonitu prorumpant fortiter aux,
Non secus ac flammæ Sicelis Ætna vomit.
8. O mihi quàm placeas, si convertaris ad illum
Qui tibi vicinus contiguusque sedet!
Illius in vultum volo te spirare calorem,
Et calido totas spargere jure genas.
Protinus applaudent alii, factumque probabunt,
Atque jocum talem sæpe videre volent.
9. Quod comitatur herum, non sit sine laude carellus,
Delicium domini qui solet esse sui.
Tu quoque vicinas conviva vocatus ad ædes,
Usque canem, dominum qui comitetur, habe.
Proximus ille tibi scamno consadat eodem,
Illi etiam è patinis optima quæque dato.

Quis conviva illum detrudere sedibus aufit ?

Nam dominum secum qui tueatur habet.

10. Dentibus exiguam juvet indulgere quietem,

Delitias faciat protinus ille tibi.

Ora tibi exerta lambat bene pinguis lingua,

In nova mergendas fercula deinde manus.

11. Atque tuo pulices animalia iniqua catello,

Qualibet arte potens insidiisque cape.

In medium profer captos, ut in orbe locati

Crimine supplicium quod meruere luant.

12. Cum comedis, quantum potesingere fanticibus una,

Ut bene distendas oris utrumque latus.

Non secus ac plenas distendit flamine buccas

Utriculo carmen pastor agreste canens.

13. Nec decet in patina quicquam superesse relictum,

Omnia vult vobis quæ dedit hospes edi.

Rumpendi potius subeas discrimina ventris,

Quam super ex epulis vel minimum esse sinas.

14. Tum si non poteris stomacho transmittere tritum

Dentibus, & longa est arida lingua sibi,

Oris adhuc plenis cavitatibus, utere potu :

Ut cibus in ventrem disfluat, ille facit.

15. In calicem tenues ex ore emittere micæ,

Nil, agreste licet quis putet esse, nocet.

Nam cur non liceat dapibus confundere potum ?

Illa hominum vitam sed bene juncta fovent.

Ipsa jubet jungi potum natura cibumque,

Et res alterius altera poscit opem.

16. Ossaque reliquiasque & quæ tibi cunq; videntur

Esse tuæ lautæ non satis apta gulæ,

Abjice sub mensam, quo sint alimenta catellis :

His quoque quo vivant convenit esse cibum.

Sed sua, gaudentes præda, dum prandia sument,

Non puto quod pacis fœdera sancta colent.

Prælia sub mensa visu jucunda movebunt,

Et sibi erit visus quisque tulisse parum.

Forsan & arripient convivas mordicus ipsos,

Hic levis in tantis motibus error erit.

Suaviter ista videns risu quatere, tumultus
Auctor enim tanti causaque solus eras.

C A P. III.

*Qui mores post primum missum in mensa
sint servandi.*

1. **C**UM bene de primo complêris viscera misso,
Zona relaxari (diximus antè) potest,
Ventriculum pacto cibus hoc descendet in imum,
Et fieri melius coctio justa potest.
Promptior accipiet nova denique fercula venter,
Qui nimium vinclis antè ligatus erat.
2. Jamque puer quadras pinguedine colliget unctas:
Ille novis dapibus semper habetur honos.
Hic propera, & primus reliquis cunctantibus orbem
In patinam celeri conjice ritè manu.
Cur tamen hoc deceat, promptum est mihi dicere
Accipe; non levis est illa putanda tibi. (causam:
Si patiare viros aliqua gravitate colendos,
Orbiculum primo deposuisse loco:
Inde tuum superinjicias (heu dedecus ingens!)
Magnorum quadras opprimeret ille virum.
An miser ignoras quòd rustica turba potentum
Sub pedibus semper pressa jàcere solet?
Ergo tuam quadram quoque, ne videre superbus,
Primus in allatam conjicies patinam.
3. Alterius quadram, quantovis dignus honore
Ille fuit, non sit tollere cura tibi.
Quisquis erit, quando sibi cunque videbitur, orbem
Conjicere in discum si volet ipse potest.
4. Ast ubi reddentur quadrae pro more recentes,
Qui rapiat digitis tu quoque primus eris.
Si puer in primis tibi non adjecerit ullam,
Nil vetat extensa corripuisse manu.
5. Matronas aliqui tanto dignantur honore,
Dent ut eis primas virginibusque quadras.
Tu cave ne faxis, si quid mea dogmata curas,
Sique tibi salvum vis decus esse tuum.

Ipse

Ipse hominum mores qui sint hoc tempore nosti.
 Uttere præfenti qui sapias ergo foro.
 Quæ facis, accipiunt in partem cuncta sinistram,
 Proposito quamvis feceris illa bono.
 Sic quoque si fueris aliquo dignatus honore
 Matronas celebres, virgineumque chorum.
 Protinus à quibus id factum culpetur habebis,
 Cuncta latens hominum pectora virus habent.
 Nec facili credas laturos mente maritos,
 Quæ facis : attento lumine cuncta notant.
 Accensumque novo te pectus amore putabunt,
 Officium ex illo fonte scatere tuum.
 Heu fuge Zelotypi bilemque odiumque mariti,
 Qui te suspectum nomine amoris habet.
 Res mala suspicio est, rerumque magistra malarum,
 Immeritis fraudem sæpe necemque struit.
 Parce tibi vitæque tuæ, ne captus in ulla
 Infelix maneat suspicione diu.
 6. Si post sublato mora sit prolixior orbes,
 Nec cupido adfertur protinus esca recens :
 Non patiere diu dentes ventremque vacare,
 Si nondum fueris plenus, ut esse voles.
 Accipe de dapibus non segnis rursus eisdem,
 Jam manducatum de quibus antè fuit.
 Hisque perunge novos reliquis cessantibus orbes
 Et solus nullo jam comedente vora.
 Scilicet in mensa non est pudor utilis ullus :
 Qui negat hoc, sanis sensibus ille caret.
 7. Cum fuerint tandem nova reddita fercula mensæ,
 In nova festinam fercula mitte manum.
 Antè tamen mappa maculatam tergere quadram
 Quantivis precii mappa sit illa, decet.
 Scilicet hos mappis mensæ velantur ob usus,
 Possit ut orbiculum tergere quisque suum.
 Utque manus multa pinguedine ubique fluentes
 Mundare & digitos ora que tota queas.
 Hac tibi dicta semel, semper reperenda memento,
 Cum nondum fuerit pulsa molesta fames.
 8. Vel si præ reliquis non nil venerandis habebis,
 Inque tibi mensa primus habetur locus;

Sic ut cogantur reliqui expectare morantem ,

In patina donec sit tua prima manus :

Tunc epulas multo contingere tempore differ,

Id majestatem promoveret usque tuam.

Qua ratione notam fugias levitatis ineptæ,

Si mox conjicias fercula in ipsa manum :

Fortè minore queas attingere cuncta periclo ,

Si non tam magno clarus honore fores.

Non igitur nisi sis iterumque, iterumq; rogatus,

Fercula protensa carpito lauta manu.

9. Interea tempus consumito multa loquendo,

Vel cane, vel risum qualibet arte move.

Vel facias quadra ludos, vel denique cultro,

Sunt minuenda aliquo rædia longa modo.

Dum facis hæc, spectent alii, quia tangere nemo

Audiat appositas te remorante dapes.

10. Nec tibi turpe puta mento jam fulcra labanti]

Auxiliatrices supposuisse manus.

Molliter in mensa cubito vel utroque, vel uno

Nitere; res non est illa pudenda tibi.

Si tamen hunc morem pulchrum non esse putabis,

In gremio geminas ritè reconde manus.

Inde potes rursus depromere, quando videtur

Iam discerpendi tempus adesse cibi.

11. Quando epulas tandem fuerit tibi tangere visum,

Optima quæ in disco videris esse , rape.

Carnibus assatos vitulinis eripe renes;

Hos reor ad stomachum posse quadrare tuum.

Sed de pisce lupo caudam laudare gulones,

De barbone caput dulce putare solent.

Primus es, illa tibi rapere est concessa potestas ,

Protinus & quadra rapta locare tua.

Solus habe, solus retine, solusque vorato,

Nec tibi vicini cura sit ulla tui.

12. Quod si culter hebes, damnum tibi ferre putabis,

Quod facere officium non queat ille suum.

At vidi solitos duris illidere saxi ,

Ne promptus nimis ad fercula cuncta foret :

Imò acies serræ faciem dentesque referret :

Nec caret hæc usu callida rechina suo.

Nimirum

Nimirum affatus si quando apponitur anser,

Anser qui pingui visitur esse cute :

Tunc te pellicula bona pars male scissa sequetur ;

Hanc in deliciis vulgus habere solet.

Præstat id officium culter serratus, & idem

Excusat, si quid criminis illud erit.

13. Commodius sumptas venter quo digerat escas,

Pocula sunt semper continuanda tibi.

Cumque alius digitis bibiturus pocula sumpsit,

Tu pete, vix credo quod neget ille tibi.

Si negat, & sitiens prius exhaurire parabit,

Tu rape vicini pocula ab ore tui.

14. Quæ simul ac nactus fueris, retinere memento ;

Quis novit quando sint reditura tibi ?

Tunc licet & sitiant alii, moneantque frementes,

Ut bibere atque aliis tradere pocula velis :

Nil moveare tamen, sed tu sitientibus illis,

Quando tibi visum est, suaviter usque bibe.

15. Solus & altrifonis imple clamoribus ædes ;

Pocula facundos reddere plena solent.

Verberet hospitibus patulas vox nullius aures

Quàm tua, nil alios dicere posse sines.

Solus clamores, & pocula solus habeto.

Et memores, satis ut sis in utroque frequens,

16. Cumq; bibes, nares emungere, tergere labra,

Res minor est quam quæ sit facienda tibi.

Cur tibi res aliquam creet ista levicula curam ?

Non nisi permagnæ sit tibi cura rei.

Omnia quæ ventrem spectare scies ad eundem,

Cur detergendo dissociare velis ?

Seu caro, seu potus fuerit, seu panis, adépse,

Per stomachum vadunt omnia, perque gulam:

17. Si tamen omnino tergenda putaveris ora,

Serviat officio candida mappa tuo.

Illa tui excipiat mox excrementa cerebri,

Et mundet rostri pingua labra tui.

18. Interulæ manicam quoq; protraxisse, quibusdam,

Atque in ea nares tergere & ora, placet.

Talia si pulchrum sectari exempla videtur,

Non ego, qui licitum non putet illud, ere.

19. Pocula vicino, quamvis non postulet ille,
 Propones, potu cum recreatus eris.
 Ne tibi fortè obstant edere optima quæque volenti,
 Neu faciant ne sit libera dextra tibi.
 Inde queunt promptè recipi cum postulat usus,
 Urque mero fauces œsophagumque riges.
20. Si tamen & vicinus eandem noverit artem,
 Ut tibi proponat pocula molesta sibi:
 Tunc vel festiva te voce sitire negato,
 Atque illi placida pocula redde manu.
 Vel potius totas effunde furoris habenas,
 Profer & irato grandia verba sono.
 Cur mihi proponis tua pocula non sitienti?
 Cur non illa eadem te magis antelocas?
 An mihi rem gratam facturum te esse putasti,
 Impediat nostram si scyphus ille manum?
 His quoque si verbis convitia turpia junges,
 Efficies ne quid postea tale feras.
 Nulla tamen mora sit, potare subinde decorum est,
 Temperat & sumptos potio crebra cibos.
21. Cum reliqui cessant, cessantes graviter urge,
 Sobrius ut cœna surgere nemo queat.
 Exemplum de te capiant, tu prævius ibis,
 Et primus reliquos ebrius inter eris.
 Tum quoque si quicquam deliqueris ebrietate,
 Ignosci citius commodiusque potest.

C A P. I V.

De modestia edendi & bibendi.

- V**Idi ego qui nollent (non est mos ille proban-
 Hospitis immunes testa subire sui. (dus)
 Quisque igitur secum spumantia vina ferebant,
 Optima iudicio vina putata suo.
 Hic quod erat rapidi natum per littora Rheni:
 Ille jugis genitum Francica terra tuis.
 Pannoniis alii sub collibus orta ferebant,
 Quæque aliis alio nata fuerè loco.
1. Quid mihi de tali videatur more, requiris?
 Non ego, qui fieri talia laudet, ero,

Nulla

Nulla feres : si me, parsurus sumptibus, audis :

Quæ tibi poturo vina det hospes, habet.

Si tamen ulla tuo fers consulturus honori,

Ære tibi nimio non ea stare velim.

Quæque vel in tota vilissima noveris urbe,

Convivis reliquis illa daturus, emas.

2. Cum tamen in mensam veniant quæ quisq; fere-

In primis quæ sint optima vina, vide. (bat,

Inde scyphum magnum, plenum post terga repones :

Postea tu solus cum libet inde bibes.

Nam ne non ad te redeant ea vina timendum est :

Hoc bene vitabis præveniesque malum.

3. Omnibus hinc reliquis ut lætior esse puteris,

Plurima quæ risum promereantur age.

Incipe præcelsa lætissima cantica voce,

Deque tuo longum carmen amore refer.

Quatuor humores nostri sunt corporis, illos

Affectu vario corda ciere ferunt.

Ignavos, tristes, austeros, terrea bilis :

Igneæ, commotos esse furore, facit.

Quid tibi multa levi & fatuo de phlegmate dicam?

Optimus est sanguis, lætitiæque dator.

Ergo sanguineus credaris ut esse, subinde

Cantillans vocem tolle per astra tuam.

De choreis loquitor, de vinis, deque puellis,

Blanditias profer delitiasque meras.

4. Si tibi de magno quisquam cratère propinat,

Cum bibit ille, calix mox rapiendus erit.

Nil referre puta, quod nondum porrigit ille,

Et quod adhuc illinc plus bibiturus erat.

Qui dedit absque mora, est bis donavisse putandus,

Vicino dices, ni bibat ille, tuo.

5. Cum fueris tandem nactus cratèra bibendi,

Quos bene servabis, tres tibi pono modos.

Cum te destituet malefidus anhelitus oris,

Cessandi primum tempus adesse putem.

Ni malis auram, cyatho nec ab ore remoto,

Ducere, quod fieri non sine laude solet.

Inde oculos quando replet lachrymabilis humor,

Luminibusque fluit plurima gutta tuis,

Hoc tibi cessandi signum queat esse secundum,

In vitio, si quis antè remittit, erit.

Tertia signa tibi quæ sunt certissima pandam,

Illa scias nullo fallere posse modo.

Cum vacua exhausto jam pocula tota Lyxo

Videris, à cupidis faucibus illa move.

Non ego sum, vacuo qui de cratere bibendum,

Pannonico ex auro sit licet ille, putet.

6. Quiq; tibi est magno vacuatus cantharus haustu,

In mediam mensam projiciendus erit :

Ut tuus aspiciat Bacchi vicinus inanem,

Utque eadem post te nôrit agenda sibi.

Ni facias, levibus videas certamina causis

Surgere, quæ forti sint dirimenda manu.

Non etenim credent te respondisse bibendo,

Ni videant oculis pocula versa suis.

7. Hinc epulis iterum manus injiciatur opimis,

Atque iterum è patinis optima quæque rape.

Quippe tibi dulces & Bacchi munera pascunt,

Sumpta per alternas corpora nostra vices.

8. Cumq; voras, magnas facies è panibus offas,

Has sentire tuo scilicet ore potes :

Atque avium pullis est esca terenda minutim,

Nelzant teneram grandia frustra gulam.

Fortibus illa viris metuenda pericula non sunt,

Qui crassum firmo tegmine guttur habent.

9. Apposito frustum scindens de pane, caveto

Scindere qua reliquos parte scidisse vides.

Sed latus oppositum cultro pete, dulcior illinc

Forsthan avelli crusta resecta queat.

10. Inde tibi longas scindes bene providus offas,

Quas capias tota contineasq; manu.

Has in-aromatici pinguedine tingere juris,

Extremo saltem sine, decere putem,

Intinctumq; avido morfu prærodere panem :

Ille gulæ ingratus non solet esse sapor.

Iamq; iterum morsas iterumque intingere partes,

Non sine magno usu, non sine laude potes.

11. Ore loqui pleno, si rerum ira postulet usus,

Non vero : quin potius suasor & auctor ero.

Res habet illa suum, facias modò sapius, usum,
 Certior exemplo, quid iuuet, esse potes.
 Eloquium toto notum est Demosthenis orbe,
 Gloria Cecropii qui fuit una soli.
 Illius astricta retinebant vincula linguam,
 Verba foro posset quò minus apta loqui.
 Ergo animum varias celerem vertebat ad artes,
 Vincula quò linguæ solveret ille suæ.
 Saxa loquens blando prudenter in ore rotabat
 Parvula, ad infani littora curva freti.
 Pugna vero duplex. Linguæ retinacula contra,
 Quod voluit, bellum parvula saxa gerunt:
 Promptius ut saxis aliquando ex ore remotis,
 Sensa animi posset libera lingua loqui.
 At strepitus contra vocem intendebat & æstus,
 Quæque sonant rabido murmura clara mari:
 Disceret ut populi clamantis ferre tumultus,
 Concio clamoso si sit habenda foro.
 Non ita stultus eris, tu commodioribus uti
 Artibus, admonitus per mea iussa, potes.
 Pro rigidis carnem volvens panemque lapillis,
 Institues pleno quælibet ore loqui.
 Atque tuo strepitu clamores vince bibentum,
 Murmura ferventis vicit ut ille freti.
 12 Cumq; ferè satur es, reliquorum attendito mores,
 Non isti poteras antè vacare rei.
 Excipitoq; levi dicta & facta omnia risu,
 Dissona si qua tuis moribus esse vides.
 Carpe libens quæcunq; potes, pete scommate cun-
 Aut etiam ficto crimine quenque grava. (Etos,
 13. Alterius culter jaceat si fortè supinus,
 Et cœlos acies spectet, & astra poli:
 Huic illide tui ferrara manubria cultri,
 Dignus erit magnis risibus ille jocus.
 Quidam in eo numerant quot passibus incluta Roma
 Distet ab hinc, & tot verbera congeminant.
 Hunc equidẽ morem non improbo: tu quoq; eundem
 Ritè sequens, plausu laudeq; dignus eris.
 Non tamen, erga alios licet hunc servare sit æquum,
 Ut facias eadem tu mihi, suasor ero.

Forſan enim grates alioquin ipſe rependam,
Et quæ ſint meritis præmia digna tuis.

C A P. V.

*De Voracitate, Riſu, Vomitu in menſa, & de aliis
Civilitatibus.*

PLurima ſunt quæ te poſſint convincere agreſſem
In cœna, & mores non didiciſſe graves.

Cura ſed immenſos ſecum trahat illa labores,
Singula ſi mihi ſint hoc recitanda loco.

Non mihi Naſonis ſi ſint in carmina vires,

Omnia pro merito commemorare queam.

Pauca tamen, (quamvis me jam ſis doctior ipſo)

Quæ facias, iſta parte docere liber.

Nec te pœniteat mihi tempora pauca dediſſe.

Fortè ferant ingens tempora pauca lucrum.

Diſce puer mores ex me, juveneſque virique

Diſcite, non tardis paſſibus hora fugit.

1. Plena per inſtructas evertere pocula menſas,

Omnia quo Bacchi merſa liquore ſuant:

Obtinuit longæ jam conſuetudinis uſus,

Atque ideo nullum crimen habere poteſt.

2. Vidi etiam quando læti voluère videri

Jam juvenes, animos exhilarante mero.

Quod leviter peterent incautos pane ſodales.

Carneque quam plena corripuere manu.

Talibus exhilarant juvenilia pectora ludis,

Quoque ſuum poſſint fallere tempus, habent.

Vidi eadem ſimili nuper ratione parantes

Maturos annis conſilioque ſenes.

Quid faciant juvenes, cum talia grandior ætas

Turpia ſympoſiis non putet eſſe ſuis?

Non equidem ſenibus leges temerarius auſim

Dicere: ſponte ſenes quod decet illud agunt,

Vos pueri & juvenes inter convivia, geſtus

Qui deceant, ex me diſcite, quique minus.

3. Panis habet duplicem, res eſt notiſſima, cruſtam,

Alteraque ex illis purior eſſe ſolet.

Inferior

Inferior cinere est & tosta plena farina,
 Hæc nihil optati crusta saporis habet.
 Quæ te igitur moneo, tu mente notata fideli
 Exequere, & prudens esse ferêris homo.
 Scinde tibi totis de panibus undique crustam,
 Quam cinere & nigra labe carere vides.
 Dicitur illa etiam prohibere à fluctibus alvum,
 Et nimium laxi sistere ventris opus.
 Sin tamen hanc solam discindere fortè verabit
 (Quem tibi non magnum convenit esse) pudor,
 Legitimoque voles panem de more secare,
 Corticis ut pariter partem utriusque feras:
 Non veto, sed nostris si præbes versibus aures,
 Qui tibi erunt certi facta ad honesta duces:
 Cuncta simul nulla defecta parte vorabis,
 Et cinerem & pani quicquid adhæret edes.
 Ingluviam cineres quoque cum carbonibus expient,
 Omnia quæ pani defecuisse nocet.
 Vestigal siquidem est ægris mortalibus ingens,
 Non malè quæ sitis parcere posse bonis.
 Si tamen hoc nolis, proprio quod parta labore
 Non comedas, alio fercula dante tibi:
 Quid dubitas? facile est aliena vivere quadra;
 Prodigus hoc pacto quilibet esse potest.
 Si quid habet sordis panis, quod lādere dentes,
 Aut sapidum linguæ non satis esse queat:
 Mox rescinde bonam crasso cum cortice partem,
 Illa dari canibus præda resecta potest:
 Istibus aut crebris rescia, cultroque reducto,
 Dissiliant crustæ frusta minuta procul,
 Insiliantque oculis vicina in parte sedentium;
 Scilicet hoc parvæ non erit artis opus.
 4. Sæpe natans epulas commendat Amygdala dulcis,
 Zaccharaque Attraxis æmula facta favis.
 Lance vel in summa butyri nobilis humor
 Visitur, aut durum quæ tulit uva pedem;
 Aut aliud lautas per se, quod condiat escas,
 In parinis summo jure natære solet:
 Hæc ego conspiciens discum converro per omnem;
 Sic mea me genitrix sueta docere fuit;

Inque

Inque avidum mitte suavissima pemmata ventrem,
Nec tamen hinc unquam damna vel ulla tuli.

Si nihil hos credes mores tibi posse nocere,
Exemplum docilis sæpe imitare meum.

5 Accidit interdum, sumptis cum carnibus ossa,
Non bene in incautam missa fuisse gulam :

Illa solent motos gingiva elidere dentes,

Aut patulum obstructæ claudere faucis iter.

Quid facis ? an nondum tanto obuius ire periculo

Incipis ? an vitæ non tibi cura tuæ est ?

Pande tui rictum labiis cedentibus oris,

Aufer & inserta, quæ nocuere, manu.

Aut super appositum diductis dentibus orbem,

Leniter è mediis faucibus ossa cadant.

Vituperent alii, sed te fecisse necesse est :

Qui nocet, ah non est utilis ille pudor.

6 Nunc etiam quando sumpta recreatus es esca,

Arripe porrecta pocula plena manu.

Pocula quæ sumes aperi, teque ante locato,

Hæc quoque res aliquid cur celebretur habet.

Nam vapor ex illis exhalat inutilis omnis,

Qui poterat cerebro durus obesse tuo.

Inde super Cyathum suprema parte patentem,

Plurima quid noceat verba subinde loqui ?

Forsthan obtineas faciens ut pocula nemo

Appetat, & solus quæ placuere bibas.

7. Incipe nunc hilari testari gaudia fronte,

Gaudia quæ tacito pectore clausa tegis.

Mens hilaris multo gaudet se prodere risu,

(Nil hilari melius pectore mundus habet.)

Ergo perpetuo risu semperque studebis,

Sive labris sumes pocula, sive dapes.

Sæpe ita ridebis, quo pleno ex ore resultent

In patinam sumpti frustula multa cibi.

Exiliant potius, quàm duræ illapsa trachæ

Aeris obturent ingredientis iter.

Certior ad subitam vix est tibi semita mortem,

Claudere quam attracto guttur inane cibo.

8 Sed propè tempus adest sumptæ post fercula cœnæ,

Quo famulus mensas exonerare volet :

Sique

Sique famem nondum placato ventre fugasti,
Iam properans tardæ damna repende moræ.
Visceraque ingesto reple potuque ciboque,
Dum licet; haud semper copia talis erit.
Sic bibe, sic cœna, simul ut potusq; saturq;
Efficiare, quies nulla sit antè tibi.
9 Et si singultus tum cœperis edere crebros,
Non dubia hæc vomitum signa præire solent.
Nil novitate rei turbêre, nec esse putato
Turpe, sed obstantes surgere coge tibi:
Ej ce, digressus paulum, quodcunque gravabat:
Ad mensam ablatis dentibus inde redi.
10 Cumque reversus eris, ventrem jam denuo reple,
Ut nova jam vacuum repleat esca locum.
Non bene ferre potest rerum natura creatrix,
Corpore, sub cœlo, qui vacet, esse locum.
At si non poteris vomiturus surgere cœna,
Sub mensam lepidum protinus abde caput.
Hic stomachus reddat quantum volet absq; pudore,
Id gratum canibus lingere munus erit.
Quid moror? in medias audacter projice mensas,
Quod tibi ventriculum triste gravabit onus.
Nullus erit, vel in ipsa vomas si fercula, dignum
Qui venia facinus non putet esse tuum.
Nec vomitus illi turpes posse esse videntur,
Cui laudem ingluvies ebrietasque parit.
Immò etiam multis nullus conviva probatur,
Quin potum certis se probet esse notis.
Omne feres igitur punctum, si tempore cœnæ
Ebrius, ex nimia sedulitate vomas.
Hospitibus gratum facies dominoque vocanti,
Symposiique decus totius unus eris.
Quippe tuo vomitu bona vina fuisse probabis,
Quæ dedis hospitibus qui dedit illa suis.
Materiam quoq; de qua mane loquantur habebunt,
Et tu potiores nobilis inter eris.

C A P. VI.

*De lotionē manuum à cœna, de mensis secundis, & quid apud
virgines deceat.*

1. **P**ostquam epulis exempta fames, mappæq; remo-

Pura ad tingendas ponitur unda manus. (12,

Pigritia est vitium : ne sis piger, arripe pelvim

Primus, & hac palmas primus utraq; lava.

Hinc os & faciem quando tibi tempore visum est,

Et nares largo rore rigabis aqua.

Inde lavaturis concède sodalibus undam,

Quæ satis est manibus sordida facta tuis.

Et post te matrona lavet, quantumlibet illa

Clara sit, & post te virgo colenda lavet.

Pura tuas sordes felicius abluet unda.

Quam quæ jam multa est sordida facta manu.

2. Invenias adeo quosdam tamen esse modestos,

Ut nullam tangant ni jubeantur aquam.

Vel certè expectent, donec reliqui prius omnes

Abluerint, ut se deinde lavare queant.

Hos tu conspiciens securos, nilque timentes,

Affuso liquidæ fonte rigabis aqua.

In faciemque haustum manibus de fonte liquorem,

Inque oculos sparges largiter, inque caput.

Id precium nimio meruisse pudore videntur,

Idque sua stulti pro pietate ferant.

Nuper id in cœtu quidam tentabat honesto,

Sed misero cœptum non bene cessit opus.

Namque ubi matronas perfundere rore parabat,

Fœminea tulit id praveniente manu.

Lumina vix poterant undis oppleta tueri,

Barbaque suffusis tota fluebat aquis.

Ah pudet, & victum succumbere pœnitet : ergo

Concipit ingenti pectore majus opus.

Malluvium digitis correptum verrit, & undas

Fortiter in medium dissipat ille gregem.

Tum verò exoritur risusque jocusque sedentium.

Et plaudunt manibus fœmina virque suis.

3. Est quoque cum nemo palmas intingere primus
Sustinet, atque alium quisque lavare jubet.
Hęc morum gravitas convivis addit honorem;
Pompa de cet magni nominis illa viros.
Tu nimis illa diu differri balnea cernens,
Materiam solidæ laudis adeptus eris.
Mox, siquidem nemo digitos putat esse lavandos,
E medio tolli præcipe rursus aquam.
Namque quid incassum fluviatilis occupet unda,
Qui proprius vino debuit esse, locum?
4. Penamata jam venient mensis allata secundis,
Tu celer hoc, ne sis fortè secundus, ages.
Optima quæque potes bellaria sumere primus:
Ultimus in patina, deteriora feres.
5. Verte tuo arbitrio patinas, & singula verte,
Quæque tibi arident absque pudore rape.
Omnibus esse putas naturam rebus eandem?
Falleris, hæc illa plus bonitatis habet.
Indita nec frustra rerum discrimina nostris,
Nec sine consilio, mentibus esse putem.
Sed magis ingentes rerum pater altus ob usus
Contulit hæc hominum munera magna gregi.
Scilicet ut possit discernere quisque quid ipsi
Conveniat, vel quæ non placitura putet.
Utere judicio (nihil imprudenter agendum est.)
Et citus è patinis optima quæque rape.
6. Nil opus est pomis abscindere velle putamen:
Cur quid agas, quod non esse necesse putes?
Et stomachum, melius sumptas quò concoquat escas,
Cortice cum viridi poma comesta juvant.
Sique diu fueris purgando cuncta moratus,
Interea arboreæ diripientur opes,
Cumque voles iterum patinis immittere palmas,
Nil tibi quod palmis diripiatur erit.
Dum superesse vides aliquid, cessare caveto;
Non poteris tales semper habere cibos.
Fercula de mensa nec convenit illa remitti,
Namque suas sperni crederet hospes opes.
Pemmata nec dederat rursum quæ tolleret hospes,
Sed posita, ut saltem quisque voraret, erant.

- 7 Quod si cum satur es bellaria lauta supersunt,
Illa potes manica condita ferre domum.
Si tibi sunt nati, genitor gratissimus illis,
Hæc, venies, tecum munera grata ferens.
Sin minus: ipse domi quæ tecum rapta tulisti,
Visceribus mittes fercula laura tuis.
8 Dente nuces aperi, nisi mavis frangere cultrum,
Damnaq; prudenti non patienda pati.
Vidi homines uno pugnæ qui grandibus ictu
Impositas mensæ comminuere nuces:
Cuncta resultrabant per totas pocula mensas,
Multaque fracta suum non tenuere merum.
Horum ego tum vires hominum mirabar, & illos
Eximie fortes rebar habere manus.
Qui pedibus possent calcatas frangere vidi:
Nucleus ut dura colligeretur humo.
Quæ tibi cunq; libet sequitor, modo parcere cultro,
Triste aliquod damnum ne ferat ille, queas.
9 Vicinumq; tuum cortex est ante locandus,
Nec dolus ille sua commoditate caret.
Hac ratione tuo quia succurretur honori,
Machinaque ingluviem contegit illa tuam.
Namque vorax aliis minus esse videberis hospes,
Et cupidæ leges dicere posse gulæ.
10 Forsan & occurrent tibi, fortiter inter edendum,
Quæ videas stomacho non placitura tuo.
Sive sit infectum fœda putredine malum,
Seu pyra vermiculis pervia, sive nuces.
Protinus illa tuo vicino porrige amicè,
Fallor? an hæc alio doctus es ante loco?
11 His epulis quando factum satis esse putabis,
Incipies alio lætior esse modo.
Tum si forte tuo lateri sit proxima virgo,
Virgo verecundo lumine blanda tuens:
Multa protervus ages, & multa loquere protervus.
Ludus enim ætati convenit ille tux.
Nec melius quicquam te commendare puellis
Credito, quam semper verba jocosa loqui.
12 Tange etiam partes quas gaudet fœmina tangi,
Inque sinu tepido virginis abde manus.

Tange

- Tange puellares digito petulante papillas,
 Blandaue virgineis oscula fige genis.
 13 Quòd si gemma tibi digitos exornat, & aurum
 Aut torques collum circuit unca tuum,
 Aut si fila tuam prætexunt serica vestem,
 Si quid erit quo te posse placere putes :
 Id quocunque modo potes ostentare, subinde
 Ostentes, mirè complaceasque tibi.
 Illa tui magno mox corripietur amore,
 Et tua perpetuò scilicet esse volet,
 Splendidiore leves capiuntur veste puellæ,
 Virgineusque auro conciliatur amor.
 14 Tu quoq; nonnunquam gemitu fatearis amorem,
 Et loquitur nutu pectoris ima tui.
 Utque sui verò te norit amore teneri,
 Virgineum duro clam pede tange pedem.
 15 Sæpe propinabis temere non parva puellæ
 Pocula ; quæ magni pignus amoris erunt.
 Inde vel invitam tibi respondere bibendo,
 Cogge minis : certè gratus amator eris.
 16 Summa sit ista : tibi sit nulla modestia curæ,
 Et tibi quod pulchrum cunque videtur, agas.
 Ebrietas facinus quodcunque excusat, & inter
 Pocula quantumvis turpia facta decent.

CAP. VII.

*De clamoribus & tumultibus à cæna ; de digressu, & de
 pactione crastina cæna.*

- S**ed quid ages, quando tenera cum virgine mater
 Fida suæ repetit notaque testæ domus ?
 Est alia tempus tibi jam ratione terendum,
 Ne tibi symposium tædia longa ferat.
 1 Ergo aliquis tacito fuerit sermone loquutus,
 Testæque vicino dixerit ulla suo:
 Tu patulas aures submissis arrige dictis,
 Ut clam quæ loquitur verba notare queas.
 Forfan enim de te quæ pauca loquatur habebit,
 Quæ potes adventu rumpere verba tuo.

Quicquid

Quicquid erit, turbes, quid enim sua murmura ce-
Deque suis inter pocula rebus agunt? (Iant?)

2. Denique quicquid agent alii, quæcunq; loquentur,
His ego te mixtum semper adesse velim.

Invenias semper quod agas in rebus eisdem,
Et quæ verba queas non sine laude loqui.

3. Vel si nullus erit qui grandia verba loquatur,
Tu poteris solus grandia verba loqui.

Stentoreo solus magnum clamore tonabis,
Possit ut exemplum quisque videre tuum.

Non tibi defuerint quæ possint plurima dici,
Si modo facundis vocibus esse velis.

4. Prolixa est series absentium rodere vitam,
Hoc opus ebrietas non finit esse scelus.

Si tamen hæc turpis tibi consuetudo placebit,
Vix ego discipulum te rear esse meum.

Et puto quod possis sceleratos inter haberi,
Quos procul à nostro convenit ire libro.

5. Vel tua transactæ petulantia facta juventæ,
Et scelera & clara crimina voce refer.

Invenias multos captare hoc nomine laudem,
Vita quod ipsorum flagitiosa fuit.

6. Sin pudet hoc (quanquam te vix pudor addecer
Accipe quo mora sit longa terenda modo. (ullus)

Grandia de minimis moveas certamina rebus,
Si modo qui tecum disputet ullus erit.

Quod tibi dogma placet magno clamore ruere:
Inferior causa es, voce supremus eris.

Utere voce tua, ne præ clamoribus istis
Exaudire aliquis verba sua ipse queat.

7. A quoquam monitus lingua moderatius uti,
Utque loqui saltem verba minora velis:

Fortius emittes claram de gutture vocem;
Liber es; & certe libera lingua tua est.

7. Semper item (quamvis quæ sunt falsissima dicas)
Propositum firma mente tuere tuum.

Cede manus victas nulli, succumbito nulli,
Te præter nullum vera fatere loqui.

At tibi si nolet tuus adversarius usquam
Cedere, iudicio stare voletque suo:

Hanc ignominiam non arbitror esse ferendam ;
Si vir es, horrendas audiat ille minas.
Iratu mensa surges, iratus abibis,
Nec dices cuiquam cum fugis inde, Vale.
Scilicet incuties hac omnibus arte timorem,
Ut te victorem semper abire sinant.
9 Vel quæ non poteris clamosa voce tueri,
Pugnaci tibi sunt illa tuenda manu :
Educto gladio Majorque Minorque probetur ,
Et dubiis fiat dura per arma fides.
Argumenta potest ensis quoque solvere strictus ,
Quæque volant tota pocula jacta domo.
10 Si nil tale liber, nec sunt tamen otia cordi,
Otia symposio non satis apta putem :
Symbolon educto mensis incidito cultro ,
Exprimat aut nomen litera scripta tuum.
Sic memori te nulla dies unquam eximet ævo,
Teque scient illo quisque fuisse loco.
Vel pinge arrepto turpem carbone figuram ;
Ingenii signum grande sit illa tui.
11 Nec tamen interea studium cadat omne bibendi,
Sed pede festino progrediatur opus.
Pocula cum bibulo vacuasti gutture, quæ mox
Tradere vicino te jubet ordo tuo :
Ante manu tota circum deterge decenter,
Qua tibi sunt labiis pocula tacta tuis.
Namque manus certè scædato mundior ore est,
Sæpius in pura qui pe lavatur aqua.
12 Sæpe etiam spumæ nubes supereminet, illam
Discuties digitis providus ante tuis.
Inde vel ipse bibes quantum tibi cunque libebit,
Vel modò vicino pocula plena dabis.
Inque oculos raptam vicini mittere spumam,
Si liber, haud equidem qui veter illud ero.
Proficies aliquid certè, risumque movebis
Omnibus, aut, ira qui moveatur, erit.
Insufflant aliqui plenis spiramine buccis
Pocula, nec ratio displicet illa mihi.
Pestiferum renovant stridentes æra venti,
Quando cident toto prælia dura polo.

- Et tuus inflati purgabit anhelitus oris,
Quod tua non deceat pocula, si quid erit.
Dumque animam cyathis inflas, simul injice spu-
Quid magis hoc facto te decuisse queat? (tum.
13. Srenua cum fuerit potatio fortiter, uno
Quæ veniunt haustu pocula cuncta bibe.
Peccatum est etenim fieri per plura, quod uno
Absolvi poterat commodiore modo.
Rursus & epotum te coram ponere vitrum,
Impletum vino rursus ubi illud erit:
Atque propinanti his respondere licebit,
Id quoque damna tibi non ita magna dabit.
Nam citius potus fies, citiusque redibis
Insana titubans ebrietate domum.
14. Ire domum nunquam libeat, quin hora secunda
Jam mediam noctem præterisse notet:
Et licet observes, dormire quod expetat hospes,
Nequaquam tamen ut dormiat ille fines.
Imo etiam si te per sacra deosque rogarit,
Digneris tandem potus abire, nega.
15. Iam quoque si quenquam dormitum abiisse re-
Quod vino victas cesserit ille manus, (scisses,
Protinus è lecto convivium in ipsa reduces
Invitum, nudo sit licet ille pede.
Tum primum incipies Bacchi gustare liquorem,
Atque mero sensus exhilarare tuos.
16. Pocula jam demum franges, frangesq; fenestras,
Sic quod postridie persoluator erit.
Hinc tua ut in fractis ponatur imago fenestris
Effice, nobilibus mos placet ille viris.
Sic tua qui vitris inscripta insignia cernet,
Nobilibus genitum te quoque credet avis.
17. Scamna per & mensas saltabis fortiter, imo
Omnia robusta vertito scamna manu.
Denique disjectis fornacem frangito scamnis,
Ante tibi gratum non sit abire domum.
18. Hoc tamen inprimis volo te meminisse, prius-
Inde tui repetas frigida testæ laris; (quam
Fœdera cum potis nova cautus inibis amicis,
Fœdera visceribus nil nocitura tuis.

A quibus ad cœnam cras inviteris optimam,
 Nec te venturum, quando vocâre, nega.
 His ego nonnunquam quoque callidus artibus usus.
 Ad non speratas advocor ipse dapes.
 Quando tuis tandem vivemus in ædibus ? inquam,
 Quando erit ut nobis sit tua aperta domus ?
 Protinus ille mihi dicit cogente pudore,
 Tempore quo libitum sit tibi cunque veni.
 Si tibi sic visum est, venias cras tempore cœnæ;
 Pro tibi erit censu cœna parata meo.
 Mox te polliceor venturum, & dejero sancte,
 Me bene promissam fallere nolle fidem.
 Hos sequitor mores, & sæpe vocaberis hospes :
 Sic potes ad lautas sæpe venire dapes.
 19. Arte tamen si quis quoque te tentârit eadem,
 Promittes temere, me monitore, nihil.
 Esse vocaturum; cùm debeat ille venire,
 Dicito, sed, fieri jam bene posse, nega.
 Publica jam mihi sunt commissa negotia, & illis
 Implicitus multis forte diebus ero.
 Vel refer uxorem jam non satis esse paratam,
 Quod cubet ægroto morbida facta toro.
 Iamque Machaonia spectatus in arte Galenus,
 Supposuit medica clysmata lenta manu.
 Et modo laxata non segniter egerit alvo.
 Spero brevi sanam ceu fuit ante fore.
 Post ubi erit visum mihi, teque aliosque vocabo,
 Exhilaraturus pectora vestra mero.

CAP. VIII.

*Quomodo à cœna ebrius se domum conferat, quid in via &
 domi tumultuum ante fornum exciet, & quomodo
 se postridie gerat.*

1. **O**mnibus ex animi voto sic ordine gestis,
 Incipe, congeminans júbila, abire domum.
 Nil opus est isthic hominum valedicere cuiquam,
 Nec grates verbis reddere velle diu.
 Scilicet invitum retinere diutius hospes,
 Si bene te potum senserit ire, volet ?

- 2 Nec precio quæras quanto potaveris, illud
Mane potest hospes commemorare tibi.
Si quid habere voler, te deinde vel ipse monebit,
Tu reticens tugurii tecta subito tui.
- 3 Horrisonoque omnes turba clamore plateas,
Ut te convivam quisque fuisse sciat.
Vicinum patitor nullum dormire, sed omnes
Ob strepitum facias evigilare tuum:
Huic maledic, illum petulanter ad arma lacesse,
Si modò quid toto pectore cordis habes.
Offensas veteres, veteresque ab origine rixas,
Cura sit ut renoves cum bene potus eris.
- 4 Cum veniet tandem ut tua verba superba retundat,
Mox tibi festina est arripienda fuga:
Ne nimis incidat magno tibi vulnere venam:
Ex illo in dubium vita venire queat:
Deliquiumque animi, vena cum sanguis aperta
Elicitur, rarò non solet inde sequi.
- 5 Non ego vituperem sera qui nocte fenestras,
Ut minuant, saxis stipitibusque petunt.
Tu quoque nonnunquam facies ea, namq; bibaci
Ebrietas homini cuncta licere facit.
Nec tamen hoc facinus committere sobrius ausis;
Qui facit, à nostro sit procul ille libro.
Talia si patrans vigiles exciveris urbis,
Qui te concludant carcere, magnus eris.
Tutus ab insidiis inimici in carcere deges,
Et tuus hunc hostis nolet adire locum.
Ignivomi deges illic quoque solis ab astu
Liber, & a pluvia Sithoniave nive.
- 6 At si tam fueris felix ut nemo sequatur,
Nec tua te quisquam facta patrare veter:
Tandem ubi fecisti mala plurima, perque plateas
Omnia turbasti jam satis, ito domum.
- 7 Janua nunc quanto tua sit pulsanda tumultu
Accipe, quo conjux excipienda modo.
Principio tanto pulsare fragore memento,
Ut tonitru, quisquis percipit, esse puter.
Nec requies, donec pulsando fracta fatiscat
Janua, pulsanti quæ tibi dura fuit.

- 8 Tum si forte tibi venienti occurrerit uxor,
 Ut referet clausas officiosa fores :
 Excipiatq; suum blando sermone maritum,
 Quem plenum multo sentiet esse mero :
 Huic tu sublata colaphos impingito dextra,
 Nec quicquam pugnosc non meruisse iuver.
 Verbaque verberibus superingere grandia duris,
 Discat ut ad nutus esse parata tuos.
 Nux, asinus, mulier, cum tristitia verbera cessant,
 Nil faciunt recte, mobile vulgus ait.
 Ergo tua ut recte faciat quæ præcipis uxor,
 Nimirum plagis erudienda venit.
 Mos tamen immanes magis ille decere Cyclopas,
 Barbara quos aluit Sicelîs ora, queat.
 Qui male consortem thalami, nil tale merentem
 Tractat, & hoc fortis iudicat esse viri :
 Hunc ego præscriptas à me transcendere metas,
 Inque scelestorum partibus esse putem.
 9 Non ibis cubitum, quin te veniente resurgat
 A vix incepto tota sopore domus.
 Acribus hic verbis erit objurgandus, at ille
 Verberibus sævis accipiendus erit.
 Quicquid in immenso peccavit quilibet anno,
 Cum fueris potus cuilibet objicies.
 Ut te ceu dominum timeant, venerentur, honorent,
 Et verbum trepidant oris ad omne tui.
 10 Inde tua in dulcem declines lumina somnum,
 Quando tibi est adeo res bene gesta domi.
 Quamq; volens longo securus tempore stertens,
 Sic tamen ut lectus præmia digna ferat.
 Ne famula desit, quod ei sit mane lavandum,
 Mercedem gratis ne ferat illa suam.
 11 Atque ubi jam tepidis è plumis mane resurges,
 Phœbo per medias axis eunte vias,
 Poculaq; ingesti fuerint concocta liquoris,
 Sumpta tibi hesternæ pocula plena die.
 Mox repetes fidos quos noras ante sodales,
 Dum ventant vacuæ prandia danda gula.
 Interea vario tempus sermone teretis :
 (Crapula per lepidos discutienda jocos.)

Tu quoque cunctorum quo promerere favorem,
Ingenii vires experiere tui.

Cuncta memor repetes hesternæ gesta diei,
Quæque apud insanum dicta fuere merum.

Si nimia turpes aliqui ebrietate fuere,
Maneque dedecoris non meminere sui :

Tu quoniam fido sub pectore cuncta notasti,
Illicet in lucem cuncta referre velis :

Quæ reperens multis risum, sed pluribus iram,
Ut variant animi sæpe, movere potes.

12. Nec tibi turpe putes inter jactare sodales,
Hauferis à sumpto pocula quanta cibo :

Quodque domum nimia caput ebrietate gravatum,
Vix fuerint apti nocte referre pedes.

Nec tamen impunes alios abiisse, sed omnes
In tua dic victas jura dedisse manus,

Victorique tibi palmam cecidisse bibendi,
Quid dubitas ? magnum laus ea pondus habet.

13. Aut media surgens somno jam luce, vel anie,
Mox tibi quod comedas quærito, quodque bibas.

Ante tamen vinum porabis cautus adustum,
Inde fugit capitis, diluiturque dolor.

Hoc poto, sumptoque cibo, requiesce parumper,
Prandia dum conjux sedula lauta paret.

Tunc tibi de grata surgendi erit hora quiete,
Ut recrees sumpra corpus inane dape.

Appositisque tibi dapibus, Benedicite, conjunx,
Fœminei moris quod solet esse, leget.

Quamque insanus heri fueris, quam mentis egenus,
Quam non constiterint linguaque mensque tibi.

Quam mala sis illi, quam detestanda locutus,
Texet prolixam forsitan historiam.

Hoc à te fractum quoque commemorabit, & illud,
Illa futura satis concio longa tibi est.

14. Cum te res tandem tales audire pigebit,
Talia ne pergat dicere verba, jube.

Si paret, satis est : at si parere recusat,
Et perget gestas res memorare tuas ;

Corripe mox quæcunque tibi furor arma ministrat,
Illaque in uxoris mitte vibrata caput.

Illa procul dubio præstare silentia discet,
 Nec tibi erit rixis inde molesta suis.
 Plura ego te, si non fieret mora longa, docerem,
 Sed puto quòd per te multa videre queas.
 Nostra tibi exemplum saltem generale figurant
 Carmina, nec studium scribere cuncta fuit.
 Ipse tibi finges exempla salubria morum
 Plurima, simplicibus non reprobanda viris.

CAP. IX.

*Quomodo conviva abs te invitati excipiendi, tractandi,
 & denique dimittendi.*

- T**U quoque convivas aliquos quandoque vocato,
 Ne videare rux sordidus esse domi.
 Neve tibi possint odiosè dicere, semper
 Alterius siccas pocula, nemo tua.
1. Quosque tui invitas causa simulator honoris,
 Ut veniant, nimium velle rogare cave.
 Interea securus abi, nil anxius ullo
 Nomine, nec quenquam velle venire puta.
 2. Tum siqui venient, quos non speraveris, illos
 Protinus hoc jubeas rursus abire modo:
 Fortassis verum est à me vos esse vocatos,
 Attamen id certo non scio: potus eram.
 Pocula si vobis inter sum pauca locutus,
 Scribenda in liquido nonne fuere mero?
 - Qui memor est nimium compotor displicet, atque
 Dicto joco nullum pondus habere decet.
 3. Vel sic excuses, ut honoris verba fuisse
 Illa, nec ex animo dicta fuisse, probes.
 Vtilis hæc vulgo sententia fertur, honoris
 Verba sub integro judice nulla ligant.
 4. Vel male conveniens tempus dic esse, quòd agro
 Corpore, vix etiam languida membra trahas.
 Pocula me nimis torquent hesternæ dolore,
 Quæ cerebrum fumis involuere meum.
 5. Omnis in uxorem poterit quoque culpa reponi,
 Quæ miserum juris te vetet esse tui.

Ergo abeant, & te præsens in tempus omittant,
Atque velint alio tempore adesse, roga.
Nec tamen id semper facies, aliquando receptis,
Quos invitaras, fercula pauca dabis.

6 Illa tamen nimio ne forte paraveris ære,
Res siquidem damno non caret illa, cave.
Cur facias ullos aliorum nomine sumptus?
Qui tibi quid cupiat reddere rarus erit.

7 At si sponte sua cœnandi tempore nondum
Adfuerint, nemo vocandus erit.

Per famulum quenquam multumque diuque roga-
Ut tandem oratus sæpe venire velit? (res,
Non placet ut tanto quenquam digneris honore,
Et modo consilii causa sit illa mei.

Qui venit oratus, sibi vult ut gratia cedat
Magna, quod ad sordes venerit ille tuas.
Officiumq; ingens tibi vult præstare videri;
Gratias sic facti parva futura tui est.

8 Nec quenquam expectes qui justo tempore adesse
Negligit, emanat tempus in omne licet.
Tu citus ad mensam re cum sonat hora locabis,
Quodque tibi conjux sedula coxit, edes.

Serius adveniens sedeat male, vel male cœnet,
Et fieri summo talia jure sciat.

Cur etenim certo fatuus neglexit adesse
Tempore? quod damnum fecit, id ipse feret.

9 Vel conclude fores, præscripta ubi transit hora,
Ne serus veniens introiisse queat.

Clausaque pulsanti referetur janua nulli,
Exclusus poterit rursus abire domum.

10 Ast intromissis nec aquam manus unde lavetur,
Nec quibus insideant scamna parata dabis.

Credibile est lavisse domi, & sedisse, prius quam
Testa foret tuguri tempus adire tui.

11 Verre pavementum, cunctos ubi cernis adesse;
Ne non purgatum forsitan esse putent.

12 Denique quicquid erat convivia ad illa parandum,
Tempore quo cunctos cernis adesse para.

Non de convivis tibi cura sit ulla locandis,

Sed jubeas sedes ut sibi quisque legant.

Atque

- Atque ita nil fuerit de te quod jure queratur,
 Qui putat indignum se tenuisse locum.
- 13 Fercula quæ ponis ne non sint grata vocatis
 Hospitibus, magnis laudibus illa vehas:
 Commemores quanto pretio sint empta, vel unde
 Et quanto veniant illa labore tibi,
 Qualiter & quantas sint omnia cotta per artes,
 Magnifica solers singula voce refer.
 Quoque magis laudes, & sis acceptior, adde,
 Vix alium tali posse parare modo.
 Grator hospitibus gustuque suavior esca,
 Laudibus his abs te quæ celebratur, erit.
- 14 Nec tamen ut carpant epulas hortaberis ullos:
 Qui sensere famem nil monitoris egent.
 Qui nihil esuriunt, illos hortabere frustra,
 Plenus enim venter fercula nulla capit.
- 15 Nec præpone dapes aliis, satis esse superque
 Iudico, te exemplo quemque monere tuo.
 Largiter ipse vora, dentesque intende labori,
 Hæc reprimat sævam sola medela famem.
 Qui nihil hac ut edant ipsi ratione moventur,
 Hos vacuo semper ventre sedere sine.
- 16 Si tamē est animus quicquam præponere cuiquā,
 Non temere id, stultus ne videaris, ages.
 Quæ dare vis aliis degusta providus ante
 Quam tibi dilecto porrigis illa viro.
 Hoc potes ignotum deprendere more saporem,
 An bonus in danda parte sit anne malus.
- 17 Nil opus est quadras adferre subinde recentes,
 Quando novi veniunt fercula missa cibi.
 Quas habuere prius vertant, aut denique tergant
 Mappa, quæ mensam non nimis alba tegit.
 Cur nimio famulam patiare labore gravari,
 Quo lavet infectas illa subinde quadras?
- 18 Cum saturi fuerint, mensæq; epulæq; remotæ,
 Fortiter ut potent fortia vina, jube.
 Si nimis esse tibi segnes tardique videntur,
 Fortiter in segnes utere jure tuo,
 Coge vel invitos ut inania pocula vertant,
 Tu quoque qui vertat pocula primus es

- Ebrius hinc cuicumque voles intendito litem,
Magnaue Stentorea jurgia voce move.
Et bene pulsatos Lapitharum more bibones,
Si mala reddiderint verba, remitte domum.
Namque tua concessa domi est tibi summa potestas,
Et tibi quod visum est canque, patrare licet.
Non equidem credo mox ad te velle reverri,
Qui semel incursum sustinuere tuum.
19. Si tamen ipse tibi metuens pulsare vereris,
Quos numero & manibus vincere posse vides,
Scommata convivas in quoslibet aspera mittas,
Et tacitum lingua virus habente petes.
20. Sique tuis sentis offendi moribus ullos,
Hos exire tua coge repente domo.
Cur etenim tristi turbent convivia vultu,
Qui nequeunt hilari fronte videre jocos?
21. Cum reliquis vives genialiter atque benigne,
Sobrius at ne quis possit abire, vide.
Atque fores forti munitas obice claudes
Et famulum, clausas qui tibi seruet, habe.
Emittes nullum, quamvis sit maxima causa
Emitte cur se postulet ille foras.
Hoc reor efficies parvo facilique labore,
Ne libeat cuicumque saepe redire tibi.
22. Matula sub mensam ponatur maxima, in illam
Quicquid opus fuerit reddere quisque potest.
Exonerent in eam, si res ita postuler, alvum:
Gratus erit teneris naribus inde vapor.
Cumque per effractam fuerint effusa fenestram,
Quæ tenuit fundo matula plena suo,
Vina tua ex illa potent infusa sodales;
Hos aliquis lantos dixerit esse viros.
23. Atque ita per totam noctem potate sedentes,
Ut cubitum tali tempore nullus eat.
Lucifer oceanum surgens ubi liquerat altum,
Tunc discessuris pande repente fores.
Ire domum melius poterunt tunc absque lucerna,
Cum præbere facem cœperit orta dies.
24. Per lucem dormi cum cætera turba laborat,
Sub noctem victo vina sopore petas.

Sic ubi divitiis alii partisque fruuntur,

Tu mendicantū de grege frater eris.

Quid tibi cum curis & sollicitudine Plati?

Unica sit laute vivere cura tibi.

Attenuat fragiles hominum labor improbus artus,

Et misera curæ pectora clade premunt.

Nec tamen attingunt finem sudore petitum,

Qui nimias avida mente sequuntur opes.

Dii faciant habeam quod vitæ postulat usus,

Curaque de reliquo non erit ulla mihi:

Divitiæ, & magni quos vulgus quærit honores,

Exitio dominis sæpe fuere suis.

Qui sapiis ergo, tuis, donec potes, utere rebus,

Atque tuum corpus suaviter inde fove.

FINIS LIBRI SECUNDI.

L I B E R T E R T I U S.

C A P. I.

*De ordine hujus libri, moribus in honesto convivio,
edendis offis & cancris.*



Ux tibi scripta dedi libris præcepta duobꝫ
 Hastenus, ingenio nil nocitura rudi,
 Temporibus certis legiq; astricta videri,
 Nec satis esse loco cuilibet apta, queant.
 Nunc igitur tandē metis egressus iniquis,
 Æquora per vento liberiore ferar.
 Huc ades ô Bingi, Phœbo gratissime Bingi,
 Auspice quo populis ista legenda damus.
 Huc ades, & mecum bonus hunc decurre laborem,
 Tu mihi Pegasii numinis instar habes.
 Tu potes & vento mea tendere vela secundo.
 O saltem ingenio perge favere meo.
 Hoc ego pauca loco præcepta prioribus addam,
 Simplicibus quæ sint non fugienda viris.
 Sed mihi servandi ratio jam non erit ulla
 Ordinis, ad leges nil facit ille meas.
 Singula quo cæcus dabit imperus ordine dicam,
 Quæ supra longum commemorare fuit.
 Præbe iterum cupidas monitis sapientibus aures,
 Quisquis es antiquæ simplicitatis amans.
 Accipe degendæ quæ norma sit optima vitæ,
 Non nimis hac fieri doctus in arte potes.
 Multa etiam morum præscripta exempla videbis,
 Quæ brevīs hic summo fine libellus habet.
 Omnia te poterunt rudiorem reddere, si vis
 Omnia non animo deficiente sequi.
 1. Non eadem tamen esse ætatibus apta quibusvis
 Arbitror, arbitrio dispice cuncta tuo,
 Quæ tibi convenient, hinc, cum res poscet, & illinc
 Accipiens, apta moribus ipse tuis.
 Nilque tua referre putes, quo nomine, quas sint
 Præscripta ob causas singula, quove loco.

Quicquid

Quicquid erit quod posse tuis prodesse putabis
Moribus, ad vitæ commoda flecte tuæ.

2 Nil opus est alio cui subjiçiare magistro:
Te sequere, & parvo tempore doctor eris.

Iudicio stes ipse tuo, quia crimine ab omni
Excusatus eris simplicitate tua.

Quisquis ad alterius placitum vult vivere demens,
Est miser, & vitæ nescius ipse suæ.

3 Forſitan ad cœnam venies novus hospes eandem,
Cum claris magnæ laudis honore viris;

Iamque paratus erit locus in quo fercula ſumas,
Lauraque propositis menſa onerata cibis:

Nulla ſit ullius reverentia, non pudor ullus,
Crassus es, & loquitur quæ tibi cunque placent.

Protinus & vanum de pectore pone timorem,
Carpe cibos, avida pocula ſume manu.

Cœlicaque argutis pulſa clamoribus aſtra,
Quodque tibi pulchrum cunque videtur age,

Scilicet ad menſas, interque calentia nullum
Vina verecundis moribus eſſe decet.

4. Inde ubi ſermones alii conferre benignos
Suaviter, & lætis mentibus eſſe volent:

Incipe de gravibus graviter contendere rebus,
Magnaque ſublata prælia voce move.

Hæc tibi magnificum res conciliabit honorem,
Mox & ob ingenium laude vehere tuum.

Atque aliis ſapiens præ mille videberis unus,
Vix alia fieri clarior arte queas.

Sic etenim vino linguam faciente diſertam,
Gratia dicenti major ineſſe ſolet.

5. Jure coquus pingui perſuſas adferet offas,
Quæ poterunt ſtomacho ſorie placere tuo:

Arripe quod glabrum cochleare tibi eſſe videtur,
Iuraque mitte avidam primus in illa manu.

Moxque tuum eſuriens offis ira pinguibus imple,
Ut capere ulterius nil cochleare queat.

Quod tibi ſufficiat potes uno haurire labore:
Cur opus id demens sæpe iterare velis?

Quæ ſimul hauſiſti, ſimulingere faucibus, atque
Tende tui buccas oris utraq; cibo.

6. Inde tamen falsas minus esse ubi senseris offas,
Id potes hac solers arte levare malum.
Vel totum apposito cochleare intinge salino,
Cum madidis plenum panibus illud erit.
Vel celerem protende manum, positoque timore
Urbanus digitis accipe quinque salem.
Namque malum certe quævis habet esca saporem,
Quæ sale rancorem non patiente caret.
7. Sunt in delitiis cancri: si forsan & illos
Apponi mensæ, te comedente, vides:
Exiguos aliis sine tu tenerosque placere,
Plus siquidem magni, quod comedatur, habent.
Non tamen esse bonos magnos reputaveris omnes.
Hoc signum fallax sæpius esse solet.
Ergo bonos melius ne non dignoscere possis,
Hanc tibi, quæ minime regula fallit, habe:
8. Inspice, sub cauda quibus ova latere videbis,
illos ingenuè dixeris esse probos.
Hos retinens comedas: ubi si non videris ova,
Tunc tibi suspectos protinus esse velim.
Suspectosque tibi vicino appone sodali,
Quodque tuo stomacho non placet, ille voret.
Vel mox inspectos in lancem rejice, ut illinc
Arripias alium qui tibi cunque placet.
Nec retine quenquam nisi qui bonus esse videtur,
Multaque sub cauda qui gerit ova sua.
9. Utque vores totos subito non suadeo cancos,
Res nimium longam posceret illa moram.
Sufficiet medium cancrorum exugere ventrem.
Et quæ sub tergo testa repanda tegit.
Interea in mensa volo te seponere chelas
Et quæ de trunco cauda revulsa fuit.
Sic ubi jam nulli reliquis in lance supersunt,
Quas comedas chelas solus habere potes.
Hac aliis plures unus ratione vorabis,
Consilium ingenii non rudis illud erit.
Has expectantes ideo dixere, quod illas
Non, nisi cum reliquis nil modo restet, edant.
Hoc nuper quendam vidi quoque posse, sed unus
Qui mores illos non bene ferret, erat.

Ille, ut erat lepidus, factisque facetus & ore,
Vicino infidias non sine fraude struit.

Seponique ab eo cancerorum brachia cernens,
Protinus extensa corripit illa manu.

Et, quapropter, ait, non vescere partibus illis?
Has ego præcipuas rusticus esse putem.

Non equidem soleo contemnere brachia cancri:
Si tibi non visum est frangere, cede mihi.

Dixit, & extemplo prædam confregit, & edit,
Vicinoque nihil reddidit inde suo.

10. Tutius est igitur oculis imponere peram.

Vna cum caudis brachia rapta suis.

Sic rapiet nemo, sed tu tibi solus habebis,
Atque domi, & quando cunque libebit, edes.

11. Nec solum cancos sed quæ tibi cunq; placebunt,
Vñbus ut serves illa memento tuis.

Si tuus id fieri non approbet invidus hospes,
Munera in aspectum curferat illa tuum?

Quis sapiens chari munus contemnat amici,
Quod facilis prompta porriget ille manu?

Nulla meam subeat tam magna superbia mentem,
Quæ jubeat chari spernere dona viri.

Quin potius grato gaudens ego pectore sumam,
Quæ quocunque mihi sumere jure licet.

CAP. II.

*De egrogis bibendi rationibus, & de moribus
in discessu observandis.*

1. SÆpe suis hospes convivis vina propinat,
Qualia de propria vinea vite dedit.

Si minus hæc sentis generoso è palmite nata,
Atque ideo linguæ non placitura tua:

Protinus ingratum tolli tristemque liquorem,
Vinaque proponi nobiliora jube.

Quas etenim grates ulli pro munere dicas,
Si data sint gratis vina bibenda tibi?

Sin volet expensis solvi data pocula nummis,
Vina soluturo cur meliora neget?

An tibi quæ magnis sudoribus æra parasti,
Acquiritæ malis artibus esse puras ?
2. Si tamen ipse ullos ad prandia forte vocasti,
Sive domus ultro recta adiere tux :
Callidus his quæ sint vilissima vina propina,
Quæque nihil grati sumpta saporis habent.
Forſan erunt etiam promi meliora petentes :
Sed cave, morigerum talibus esse nocet.
Quis ſcit an & pretio perſolvere pocula juſto ,
An potius gratis vina bibiſſe velint ?
Magna rei vilis non eſt jactura, poteſque
Exigui citius vincere damna mali.
Da meliora, bibent nimium ſine fine modoque,
Tenuia da, cupient quiſque redire domum.
3. Pocula ſi cuiquam ſitiens non parva propinas ,
Quanta ſitim poterant pellere ſumpta bovi.
Ille tibi potans uno reſpondeat haſtu,
Ceſſanti requiem non dabis ante viro.
Si negat eſſe ſibi tantas in pocula vires,
Ut valeat tantos evacuare ſcyphos :
Multa reſuſanti pugnando fortius inſta,
Et poteris voti compos abire tui.
Sin minus , & nullis clamoribus ille movetur,
Propoſitique tenax manſerit uſque ſui ,
Arripe de media ſpumantia pocula menſa,
Inque reſuſantis tota reſunde ſinum.
Credede mihi poſthac tali diſcrimine cautus
Redditus, admonitus non ita durus erit.
His ego me nuper quoque ſum rationibus ultus,
Sumere vicino vina negante meo.
Et retuli viridem merita pro laude coronam,
Illa meæ merces ruſſicitatis erat.
4. Poſt ubi jam cerebri ſacram conſcenderit arcem,
Quem genuit vini portio larga, vapor,
Linguaque jam blæſis titubaverit ebria verbis,
Perdideritque ſuum mens ſuperata locum :
Tempus erit, lætam ridens exporrigere frontem,
Et tua non dubiis gaudia prode notis.
Nec mora, de ſamia quæ ſinxit pocula gleba,
Qui celerem docta circinat arte rotam:

Aut potius fragili confecta poteria vitro,
 Latifico sitiens arripe plena mero.
 Illaque cum vino pariter spumante propina,
 Quem responsurum noveris esse, viro.
 Poculaque ipsa simul cum vino, attrita vorato
 Dentibus, inque avidam merge minuta gulam.
 Non equidem humana ratione carentia vidi
 Bruta, nec audiui tale patrasse scelus.
 Sed tamen (ò mores, ò tempora scæda) quibusdam
 Mos placet, & magni nominis, ille, viris.
 Tu nihil indignum, nihil illaudabile crede,
 Illicitumque tuis moribus esse nihil,
 Quæ fecisse alios audiveris, omnia tenta,
 Si modò magnificum nomen habere cupis.
 Si tamen hæc alios immania facta videbis,
 Barbarico faciles pectore nolle sequi.
 Non volo te cœpta victum desistere causa,
 Imo aliud, lætus quo videaris, ages.
 Pocula tum lato tibi posce capacia fundo,
 Illaque vicino præbibe plena tuo.
 Nec tibi dulce puta tantum vulgaribus uti,
 Ante tibi sano qui placuera, scyphis.
 Vasa tibi mensis prius inconsueta require,
 Quæ credes siccam posse rigare gulam.
 Malluvium primo vinis undantibus imple,
 Proximus impletum est evacuare labor.
 Inde domum vigili totam circumspice cura,
 Plurima vasa solet dives habere domus.
 Non aberunt illic ollæ, sartago, lebetes,
 Non aberunt situlæ, cacabus, urna, cadus.
 Invenies illic carchesia, cymbia, & obbas,
 Vasaque quæ dominus multa beatus habet.
 Quæcunque invenies, cæcis educta latebris
 Profer, & ex illis Bacchica vina bibe.
 Si nihil est aliud calicis quod præbeat usum,
 Excipiat fustum matula scæda merum.
 Non tamen inde mihi vinum furiose propines,
 Delicias poteris solus habere tuas.
 6. Nullus erit potor qui respondere bibendo,
 Quod nimium vini sumpserit ante, volet ?

Fortiter insulta victis, victoria certe
Egregia est pulchro parva labore tibi.
Non tamen hac plenum referes ratione triumphum,
Ni fueris majus fortiter ausus opus.
Sume infundibulum, (piger ah piger illa docere,
Heu quam barbariem secula nostra ferunt!)
Id super ora loca victorum plena virorum,
Qui nequeunt propria pocla levare manu.
Vinaque in illorum generosa infunde palatum,
Ultima Dramatii scena sit illa tui.
7. Denique cum ventrem dapibus recreaveris, atque
Expleris sumpto viscera laxa mero :
Non ego magnificis grates te dicere verbis,
Sed jubeo saltem cum libet ire domum.
8. Ante tamen, stomachum bilemque, movere vocanti,
Quam fugias, ista callidis arte potes.
Multaque de dapibus, deque hospite multa quereris,
Quod dederit lauros non satis ille cibos.
Insimula promum, quod non bona vina bibenti
Prompserit, aut aliud quicquid habere potes.
Austero placuisse tibi nihil innue vultu,
Et fistas ire præfer in ore notas.
Dic: Ego tractatum multo me lautius iri
Credideram, sed cur spes mea falsa fuit ?
Nonne fuit satius nunquam venisse vocatum,
Si me splendidius non habiturus eras ?
Cuncta joco quamvisingas, tamen illa severa,
Ceu verissima sint, omnia fronte refer.
Sic rapida frustra commotum bile relinque,
Atque domum gestis tam bene rebus abi.
9. Verum ubi postridie rursum conveneris ipsum,
Sit labor iratum conciliare virum.
Imo potes lepidis etiam bene ludere verbis,
Et facinus risu purificare tuum.
Objice quod tanta sine causa exarserit ira,
Omniaque illa jocum dicta fuisse proba.
Quid faciet? neque enim poterit damnare jocaturus,
Si modo non nimium barbarus esse volet.
Et tibi mox illa rursum placabitur hora,
Atque quod ante fuit, summus amicus erit.

Forfan

Forſan & ad cœnæ te fercula grata vocabit,
Protinus ingenii captus amore tui.

C A P. III.

De scommatis ſpargendis & ferendis, crepitu, ſcreatu, reſponſione ad interrogata, & inſpectione alienarum literarum.

1. **S**unt quibus hæc animi videatur ſumma volu-
Scommata mordaci ſpargere falſa joco. (ptas,
Ergo ſolent dictis aliorum carpere mores,
Se lepidosque illis artibus eſſe putant.
Non equidem, ſi quis naſo ſuſpendat acuto
Vicinos, ideo vituperare velim.
2. Te tamen admoneam, ſi quis te ludere verbis
Incipiat, vultu ne patiente ſeras.
Prode tuam ſignis minime fallentibus iram,
Credere mihi iratum ludere nemo vult.
3. Si nihil ira juvat, nec adhuc tibi parcitur, illa
Vexanti ut referas verba paratus habe:
Cum genitor ſtultum meus olim vellet habere,
Quo tereret longa tædia lenta moræ:
Me ſibi gignebat natum, curasque dolenti
Diſcutere, & fatui juffit obire vicem.
Tu quoque ſi verbis tanta eſt vexare voluptas,
Qui tua ferre queant scommata, gigne tibi.
Talia vociferans, vexantùm verba retundes,
Atque ab eis alio tempore rurus eris.
4. Si tamen expoſitis te quiſquam ludere nummis
Cœperit, haud ægrè te decet illa pati.
Accipe quicquid erit, nil rejice, qualibet ex re
Proveniens lucri portio grata venit.
5. Tu tamen hanc aliis quoque diſce docentibus ar-
Ut bene pro verbis reddere verba queas. (tem
Quosque tibi facti ſociabis fœdere fratres,
Non bene vexatos nullus abire ſines.
Pollicitis cupidas lactabis inanibus aures,
Multaque de rebus vana loquere tuis.
Nec ſamen uſque adeo ſimplex evaſeris unquam,
Ut tibi ſit cordi ſolvere velle fidem,

Regibus

Regibus adsimilis promittens multa fuisti?
 Solvere promissum, est desipientis opus.
 Si tamen in gravibus libuit tibi fallere rebus,
 Non scelus id nostro carmine doctus eras.
 6. Quando tibi sedes homines datur inter honestos,
 Fœmineumve tegis virgineumve latus:
 Ventris onus tacitos sine clam prorumpere ventos,
 Mox hominum nares ille subibit odor.
 Protinus ut culpæ ne suspicione graveris,
 Quis novus, exclama, fœtor? & unde venit?
 Insimula teneras sublata voce puellas,
 Oraque mox calidi plena ruboris erunt.
 Ista solent crimen comitari signa fatentes,
 Ingenuusque reas arguit esse pudor.
 Vel baculo parvum, si præsto est, pelle catellum,
 Suffructus culpam pestiferi ille ferat.
 Sic tibi fama tuæ plene constabit honoris,
 Quasque alii pœnas non meruere luente.
 Et simul ingratum nares patientur odorem,
 Illius ignotus sed tamen auctor eris.
 7. Sæpe etiâ illapsus gravis est pulmonibus humor,
 Crapula quem potuit gignere sive gelu.
 Hunc homines aliqui quando eduxere screantes,
 Jamque super linguam plurimus ille jaeet,
 Turpiter impuro prius ore diuque volutant,
 Quam spuerè, & fœdo pure carere, velint,
 Quos tamen accipiant ex illo nescio fructus,
 Sed mire factum tale decere scio.
 Et scio quod multis moveatur nausea, & illa
 Sufficiens ratio cur imiteris erit.
 Me quoque si facias illud præsentè, profecto,
 Res mihi nulla quidem gratior esse queat.
 Os tamen ut semper, votis ardentibus optem,
 Impuro plenum sit tibi pure tuum.
 8. A genitore aliquid dominove rogaberis inter,
 Sive alius, qui te plurima quærat, erit:
 Non nisi post longo responde tempore, quando
 Terque parens inter, terque rogarit herus.
 Tum velut ex alto revocatus denique somno,
 Sed vix proposito congrua verba refer.

Qui cito responder, neque recte expenderit ante
 Omnia, desipiens esse putatur homo.
 9. Aut ubi de certis animus fert paucula rebus
 Dicere, quid deceat te meminisse velim.
 Non volo simpliciter, nimium breviterq; loquaris.
 Copia verborum plenior apta tibi.
 Ne non Rhetorica videaris in arte peritus,
 De nihili rebus te volo multa loqui.
 Principio prolixo, ambagibus utere longis,
 His auditor enim conciliandus erit.
 Si nihil est apte pro re quod dicere possis,
 Nil refert, quamvis accipe materiam.
 Romanas acies, partosque labore triumphos
 Commemora, & prisca nomina clara viros,
 Hannibalis pugnas & Punica praelia narra,
 Vel quo sint olim Pergama capta dolo.
 Cœlica vel longis sermonibus astra recense,
 Et mundi & rerum quæ sit origo, refer.
 His patulas postquam dictis calfeceris aures,
 Rem tibi nunc ipsam dicere tempus erit.
 Ausus erit si quis te interpellare loquentem,
 Audiat is linguæ iurgia multa tuæ.
 Nil pudet, exclames, o morum ignare bonorum?
 Nil pudet? & magnos sic venerare viros?
 Dic ubi, qui tandem sic te docuere Magistri,
 Ut rumpas nugis verba aliena tuis?
 Hæc tibi non parvos ratione parabis honores,
 Gloriaque hoc pacto magna futura tua est.
 10. Si quis erit missas sibi qui legat ore tabellas,
 Quæque legit non vult omnibus esse palam:
 Tum quocunque modo clam te conjunge legenti.
 Sique potes, tacita tu quoque mente lege.
 Fecit idem quondam dilectus Ephæstio regi,
 Qui Macedum magno pectore rexit opes.
 Nec tamen ille suo, licet omnia legerat unâ,
 Propterea charus desit esse duci.
 Nec puto quod quisquam vitio tibi vertere possit,
 Quod sine lecta oculis scripta aliena tuis.
 Esse scelus multi crimenque immane putarunt,
 Non ego tam duri nominis auctor ero.

Et video certe clarorum exempla virorum,
 Crimine quæ factum tale carere probant.
 Nonne vir eximius, patriæque insignis amator
 Tullius Aufonia consul in urbe fuit?
 Ille suis certe non paucula scripsit amicis,
 Quæ divulgari non decuisse putes.
 Attamen illius nullo prohibente leguntur
 Litterulæ, & nullus qui stomachetur adest,
 Et cur quæ nostro scribuntur tempore, eodem
 Non licet pacto scripta minora legi?

C A P, IV.

*Quomodo te geras alienas ades aut hypocaustum ingrediens.
 De versicoloribus, & dissectis vestibus, ornatu barba,
 usu chartarum & librorum, excipiendis amicis, deque aliis
 civilitatibus.*

1. **I**Nvenias adeo quos gloria vexet inanis,
 Ut nihil in vita non sapienter agant.
 Hi subeunt nunquam noti sibi testa sodalis,
 Quin digitis pulsant leniter ante fores,
 Et pateant cunctis licet ingredientibus ades,
 Intrandum subito non tamen esse putant.
 Scilicet incautum strepitu placet antè monere,
 Ne testum faciens inveniatur opus.
 Hoc bene morari facientes esse videntur,
 Forsan & ille aliquid mos rationis haber.
 Tu tamen antiquum fortè accessurus amicum,
 Compositis nimium moribus esse cave.
 Irrue sed potius qua janua prima patescit,
 Ut tibi amicitia nomine cuncta licent.
 Forsitan invenies quod cerni nolit agentem,
 Si tacitus patulas ingrediêre fores.
 Id tibi materiam risus dabit, inde jocique,
 Scilicet & fueris charior ipse viro.
2. Frigidus in calidum quando venies hypocaustum,
 Sive illic notus sive alienus eris,
 Protinus ad furnum frigus accurre, moxque
 Calfaciasque manus calfaciasque pedes.

Et

Et pedibus laxam frigentibus exue pellem,

Qua malè pes contra frigora tutus erat.

Dempta pelle pedes argentes recreet ignis,

Rectius & citius discutit inde gelu.

3. Si libet exutas caligas appendere ibidem,

Non voto : nec fructus res habet illa nihil.

Sæpius est tetris infectus odoribus aër,

Tum cerebri crasin turbat iniquus odor.

At nova suspensis caligis fragrantia surgens,

- Foetori veteri non sinet esse locum.

Illaque depulso nares foetore subibit,

Qui cerebri cellis ante molestus erat.

Aëris hac vitium corrupti tollitur arte,

Et novus hic recte temperat illud odor.

4. Displiceas aliis, minimum referre putato,

Omnibus in mundo nemo placere potest.

Omnibus in mundo cum possit nemo placere,

Ut nulli placeas cura sit una tibi.

Cur studeas aliis nequicquam velle placere ?

Non satis ingenio res quadrat illa tuo.

Invita nihil est fas attentare Minerva,

Quodque nequit fieri non voluisse decet.

5. Post ubi de furno te causa recedere coget

Ardua, consilii percipe verba mei.

Tutus ut à sævæ serveris frigore bruxæ,

'Aque gelu teneros quo tueare pedes :

Imposito laxas distendito stramine pelles,

Non male subjecto stramine planta calet.

Ni tamen emineat longe, possitque videri,

Quid pedibus stramen supposuisse juvet ?

Proderit exemplum reliquis, quicumque timebunt

Frigora, nec pauci qui te imitentur erunt.

6. Tene tua quisquam de rusticitate monere

Ausit, & in mores mittere scommata tuos ?

Non ego, si fueris convivia talia passus,

Te reputem fortis pectus habere viri.

Si nihil est quod agas, & sumere tela vetaris,

(Dura ego te certe sumere tela velim)

Quid dubitas rabidam prorumpere lassus in iram ?

Hoc tibi si telum desit, inermis eris.

Quisquis

Quisquis erit verbis abs te repressus amaris,
Si qua fides, posthac non erit ille dicax.

Nuper ego vetui te scommata ferre jocosque,
Seria nunc idem te quoque ferre veto.

7. Quæ tibi sunt vestes vario distingue colore
Quod varium est, oculis gratius esse solet.

Gaudet enim variis natura coloribus ipsa,
Naturæ dubitas tu documenta sequi ?

Qui duce natura vivit, bene vivit, & illum
Dixerit à recta nullus abesse via.

Hanc tibi in hac etiam proponito parte sequendam,
Illa quid addeceat monstrat ubique tibi.

Aspice sub densis cœlestem nubibus arcum,
Diverso radios ille colore notat.

Aspice plantarum formas, pennasque volucrum,
Aspice quas gemmas India dives habet.

Omnia multiplici cernes variata colore,
Quæ natura parens ingeniosa creat.

In varias partes quoque vestimenta secare
Nescio quid nostro tempore laudis habet.

Id vel ut inprimis, si quid mea dogmata curas,
Ut facias, istis versibus auctor ero.

Truncus iners, caudex, & vilis habebere vappa,
Ni bene dissecta femina veste tegas.

Si verò miserè partes laceraveris omnes,
Ut nihil integrum corpore penè geras :

Nobilium poteris de posteritate videri,
Editus, & magni nomen habere viri.

Aut certe pugnax reputabere Martis alumnus,
Turba regi sectis vestibus illa solet.

8. Quacunque ingrederis, facies austera notetur,
Et tetrico priscos vince rigore sophos.

Ridebis nunquam, nisi cum ratis obruta fluctu
Æquoris in mediis mersa resedit aquis.

Qui te cunque videt, magnarum indagine rerum
Implicitum, curas pectore ferre putent.

Sic tibi quicquid ages, magno tribuetur honori,
Et laudem tanta de gravitate feres.

9. Publica tractantur quandoque negotia, & illic
Conveniunt juvenes, conveniuntque viri.

Tunc

Tunc aliquis missas excelsa voce tabellas,
Audiat ut populi concio tota, legit.
Tu quoque non aberis rerum studiole novarum,
Ad te pertineat res licet illa nihil.
Et, siquidem nihil est quod sit tibi discere gratum,
Mox aliis dempto fine molestus eris.
Ede aliquos ludos, strepitusque procaciter ede,
Atque tua totum vincito voce gregem.
Impedias alios, ea sit tibi summa voluptas,
Ne memori quicquam mente notare queant.
10. Hinc quoque materiam captandæ laudis habebis,
Si teget obductas hispida barba genas.
Longa sit enascens labio mystacula summo,
Oris quò rictum totius illa tegat.
Crede mihi, multum tibi res ea conferet usum,
Consilio nunquam falsus es antè meo.
Forsitán illapsas habeant tua pocula sordes;
Quò lateant, oculos effugiantque tuos:
Crinibus exceptas illas descendere in alvum
Cum tibi potando non patièrè mero.
Atque per objectam colabis pocula barbam,
Per tua quò Bacchus purior ora fluat.
Deinde tuos scabra turpes fuligine dentes,
Sæpe adeo risus dedecorare queat.
Sed tua protectos prohibebit barba videri,
Pendula de summo quæ tibi nata labro est.
11. De gravibus quando visum tibi dicere rebus;
Barba tibi laudem conciliare potest.
Hanc digitis graviter propexam in pectora mulce,
Nec nisi post longam subijce verba moram.
Hæc tibi majestas in magnum cedit honorem,
Ut gravis & prudens esse feraris homo.
12. Paucula quæ scribis docto missurus amico,
Quisquis is est, animi nuncia verba tui:
Quid noceat puras atro perfundere chartas?
Scriptæque diversis permaculare notis?
Qui nimis exacta describit singula cura,
Nescius est artem dissimulare suam.
Ars lateat: signo quæ si mihi proditur uno,
Non ero qui scriptis ausit habere fidem.

Imo etiam memori melius quo mente notari,
 illita quæ chartæ verba fuere, queant:
 Proderit haud raro variis distinguere signis,
 Et maculis totos condecorare libros.
 Illud idem facias quando tibi pauca legentur,
 Sive tuus codex sive alienus erit.
 13 Cum tibi longinquis venit hospes amicus ab oris,
 Et subit hospitii limina nota tui:
 Illius adventum læto te cernere vultu,
 Si sapias, emissa prodere voce cave.
 Nam tibi se gratum si senserit esse, redibit
 Sæpius, & damno res erit illa tibi.
 Attamen exceptum largo potabis Iaccho,
 Dum potus nomen nesciat ille suum.
 Non potes antiquum melius tractare sodalem,
 Qam nimio plenus quod vomat ille mero.
 Quando suas tandem remeare parabit ad ædes,
 Forteque jam valido cinxerit ense latus:
 Non tibi tum placeat dimittere multa rogantem,
 Eque virum media coge redire via.
 Atque vel invitum retine, multumque propina,
 Illud inextincti pignus amoris erit.
 14 Quæ deceant lectos gratumque cubile petentem,
 Hoc etiam libro multa docendus eras.
 Illa sed exactis si persequar omnia verbis,
 Quis mihi scribenti singula finis erit?
 Esse tui similis semperque & ubique memento,
 Regulaque hæc vitæ sufficit una tuæ.
 Impedias alios strepitu dormire volentes,
 Quando tibi somno membra levare grave est.
 Quoque potes ludens aliis magis esse molestus,
 Hoc potior factis gloria parta venit.
 Calceus exempto teneras pede lædere nares,
 Putridus ut tristi fœtet odore, solet.
 Ille odor in cerebri penetralia sacra receptus,
 Hei mihi quas turbas, quàm mala multa ciet!
 O procul invisam cautus seponito pellem,
 Si sapias, à lecto stet procul illa tuo.
 Calceus alterius jaceat tuus ante cubile
 Fœtidus, hoc operam sedulus usque dabis.

Impleat alterius tam grata fragrantia nasum,
 Ne tibi sit magni causa parata mali.
 Plura loqui tecum de rusticitate volebam,
 O monitis semper dedita turba meis:
 Lumina sed video tua victa sopore gravari,
 Fessaque jam longa membra labare mora.
 Eia age jucundo recrea tua corpora somno,
 Et bene deposito sterte diuque metu.
 Clarorum interea tibi scribam exempla virorum,
 Quæ tibi sint vitæ regula certa tuæ.
 Hinc potes evigilans quæcunque decere putabis
 Sumere, ne frustra scripta fuisse querar.
 Nec, reor, hoc ullum facinus tibi carmine prodam,
 Utile quod nequeat moribus esse tuis.

C A P. V.

Aliquot exempla commemorat civilitatum in mensa.

I. **N**uper erat juvenis peregrè conviva vocatus.
 (Nupserat ingenuo pulchra puella viro)
 Induit ergo pedes laxis peronibus, illi
 Sordibus immundi (quid nocet illud?) erant.
 Aptat item plantæ tinctum ferrugine calcar,
 Quò citius tardum currere cogat equum.
 Et tamen hospitii serus desertur ad ædes,
 Nam sonipes uno poplite claudus erat.
 Ut venit, ecce dapes cunctas videt esse paratas,
 Convivamque suo quenque sedere loco.
 Festinans igitur calcaria demere plantis,
 Et pedibus pelles, immemor ille fuit.
 Cumque suis ocreis ad mensam accurrit, & ecce
 Virgo assessuro cedit honesta locum.
 Ad latus ingenuæ sic proximus ille puellæ
 Confidet, haud talem dignus habere locum.
 Protinus offertur pinguis gallina sedenti,
 Quam juvenis docta disleceit ille manu.
 Non bene erat certa versatus in arte secandi,
 Nec quid agat certum, nec quid omitrat, habet.
 Audet, & acceptæ geminas cum cruribus alas
 Desecat, à quadra ne revolare queat,

Præpositurus erat truncum tibi candida virgo,
Hei mihi, sub mensam trunca cadedat avis.
Ille rubens ignominia, se incurvat ut illam
Quærat, & è dura tollere possit humo.
Tum miser ingentem crepitum perterritus edit:
Ut nimium toto corpore curvus erat.
Oræque non parvo confusus honesta pudore,
Posthabitis epulis aufugiturus erat.
Ferreæ sed mensæ prendunt calcaria mappam,
Atque illam secum quâ fugit ille trahunt.
Pocula nonne putas illum evertisse dapesque,
Quæque dabant mensæ lumina clara faces?
Mensa etiam juveni fugienti obstabat ibidem,
Multa tenens vario vitra parata mero.
Hanc quoque, præcipiti dum concitus impete fer-
Vertit, & ad terram pocula fracta cadunt. (tur,
Obvius in mediis foribus tum forte minister,
Qui ferat in mensam fercula grata, venit.
Ut ruit hic cursu furioso, impingit in illum,
Et facit effundi quas tulit ille dapes.
Hoc auctus claudum conscendit honore caballum,
Et repetit patriæ limina nota suæ.
Sed licet hinc specimen vitæ sit sumere promptum,
Quæque tibi prosint discere multa queas:
Non tamen hunc juvenem numerare in agrestibus
Ut magis infelix quam rudis ille fuit. (ausim,
2. Contrigit hinc alio quoque tempore, ut hospes a-
Symposium charis forte celebre daret. (micis
Hic quoque convivis digestis ordine, sedit
Nobilis urbano foemina juncta viro.
Ille caput piscis, Carpam dixere Cupedes,
Matronæ digna cum gravitate dedit.
Illa datam retinet quasi sit dignissima partem,
Et decerpta ab ea quæ placuere vorat.
Scrutari totum caput, & discerpere frustim
Negligit, id forsan non ita docta fuit.
Et nimius labor est ex arte resolvere cuncta,
Et pretium tanti vile laboris habet.
Ergo sub mensam totum caput abjicit illa,
Ut rapidi carpant dilacerentque canes.

Ille suæ tantam vicinæ simplicitatem
Conspiciens, æquo pectore ferre nequit.
Sed caput abjectum de terra tollit, & inde
Ad dominam verbis acribus usus ait:
Non pudet ô mulier facinus committere tantum?
Non ita simplicibus moribus esse pudet?
Hoc caput appositum magni tibi nomine honoris,
Non ut sub mensam projiceretur, erat.
Si tibi non libuit frustim discerpere, nobis
Reddendum nostra pro pietate fuit.
Reddidit illa nihil, tantum confusa pudore,
Condidit in tacito lumen utrunque sinu.
Dic uter urbanus fuerit magis, æque duobus
Utrum laude vehas vituperesve, refer.
3. Magnifica illustris quandoq; ad prandia princeps
Nominis à clari cive vocatus erat;
Vadit, & excipitur veniens regalibus escis,
Omnia ceu magni principis aula nirent.
Carnibus appositis, pisces quoque lixa marinos
Adjicit, & varii fercula multa cibi.
Hic domino civis gratum facturus, utraque
E patinis piscem corripit ipse manu.
Hunc positurus erat generosi in principis orbe,
Sed prius infaultis excidit è digitis.
Excipit è digitis mox crepida nigra cadentem,
Crepida quæ civis texerat alta pedem.
Protinus hinc tollens, in principis orbe reponit,
Verbaque peccato subjicit ista suo.
Sume tamen princeps, quid enim cecidisse noceret?
Nil mea cœnosæ crepida labis habet.
Quid dubitas? famulus purgavit ab omnibus illam
Sordibus, & pedibus subdidit inde meis.
Sic ait, & dominum verbis instantibus urget,
Lætus ut appositas carpat edarque dapes.
4. Forte vir eximix magno cum principe famæ,
Sedit ad instructas hospes in arce dapes.
Huic non exiguum princeps habiturus honorem,
Paucula de lauta frustula carne dabat.
Nec mora; porrectam digitis vult prendere partem
Ille vir, & minimum visus agrestis erat.

Sed male dum retinet capiens à principe carnos,
Protinus in vino pocula plena cadunt.
At miser ut raptò parat hinc educere cultro,
Est manus officio non satis apta suo.
Sed tremir, & cyathum plenum jam carne meroque
Vertit, ut in mensa vina caroque fluant.
Purpureoque viri malæ rubuere colore,
Illa verecundi signa pudoris erant.
Ille quidem superis magis adversantibus usus,
Quam stupida ductus simplicitate fuit.
Tu tamen hinc morum sumes exempla bonorum,
Quæ referens simplex esse rudisque queas,
Quæque miser fecit fortuna falsus iniqua,
Hæc abs te fieri semper & arte velim.
Hoc tua majorerit, quam tu arte merebere laudem,
Quæ veniunt casu, laude vacare solent.
5 Vidialium cujus culter cum scinderet assam,
Noluit officium promptus obire suum.
Protinus ille sua veritus ne parte careret,
Hac ratione, diu præmeditatus, agit.
Arripit è medio partem quæ maxima disco,
Quamque putat ventri posse placere suo.
Subque suo raptam carnem, sine more, lacerto,
Firmius ut posset continuisse, locat.
Inde manu frustum robusta grande revellit,
Et lacerat digitis viscera tosta suis.
Namque suum cultro non efficiente laborem,
Mox obit illius dextera prompta vicem.
Inde tamen reliquam patinæ non reddere partem
Negligit, ægestis ne videatur homo.
Imo aliis etiam carnes præponit easdem,
Suaviter ut reliqui, quæ laceravit, edant.
Nec tamen hoc temere factum me fingere credas;
Præmia sunt nugis nulla parata meis.
Nec tu posse putes tam barbara scribere quenquam,
Quin faciant scriptis facta pudenda fidem.
Turpia lurcones inter quia plura geruntur,
Quam recitet numeris Pieris ulla suis.
6 Cum domino servus mensa residebat eadem,
Hospes in ignota factus uterque domo.

Et simul eximii capiebant fercula cives,
Qui caput & domini totius urbis erant.
Dumque diu mensas attingere quisque moratur,
Et renuit primus carpere quisque dapes:
Quisque suos vultus vicini ad lumina torquet,
Quod reliquis nemo dignior esse velit.
Iamdudum stomachus servum esurisque laceffunt,
Fercula quo rapidas mittat in ipsa manus.
Fas mihi jejuni ventris placare larratus,
Quos fero jam longo tempore inanis, ait.
Dicit, & è patina quæ pars est optima tollit:
Inque sua raptam, se locat ante, quadra.
Erubuit dominus peccantis nomine servi,
Quod rudis, & tanta simplicitate foret.
Signaque dat tacito nequicquam plurima nutu,
Addit & obscuro paucula verba sono.
Scilicet ut disco raptas modo redderet escas,
Atque aliis primum cederet ante locum.
Servus ubi domini nutantia lumina vidit,
Ambiguus nutu quid velit ille sedet.
Iamque bolum pleno magnum volvebat in ore,
Os simul ingestum vix capiebat onus.
Evomit assumptas igitur male territus escas,
Hanc domini mentem credidit esse sui.
At domino vultu nutus repetente minaci,
Ambiguo sensu rursus, ut ante, sedet.
Tum reliquas carnes quas sumpserat ante, sub ipsam
Corripiens mensam dejicit ille manu.
Quippe videns dominum nutu sibi multa loquentē,
Et reliquos positis abstinuisse cibis:
Fercula letali putat esse infecta veneno,
Quæ fuerint subitam sumpta datura necem.
7 Rusticus urbanum convenit amicus amicū,
Cui prope cognato sanguine junctus erat.
Hospitis adventu civis lætatus, opimas
Sollicite docta præparat arte dapes.
Vicinosque vocat, pariter quos sumere cœnam.
Atque animos vinis exhilarare jubet.
Conveniunt, capiuntque locum se quisq; decentem,
Occupat extremum rusticus ille locum.

Nec mora, de corio cultellum promit acutum,
Ille sed hesterno pane refertus erat.
Vidit, & admovit labiis, sputoque rigavit,
Hæc sordes gladii molliit arte sua.
Molliit, abstergit mappa, solitumque nitorem
Reddidit, ad quadram deposuitque suam.
Hospes honoratas multis proponere paries
Incipit, atque cibos carpere quæque jubet.
Protinus in patina testos pinguedine renes
Rusticus, esurie jam stimulante, videt.
Arripit, arreptos coram se collocat, & mox
Totos adjuncto pane vorare parat.
Aspicit hunc hospes, tacitoque pudore rubescens,
Leniter in risum voce solutus ait:
Redde precor disce raptam modo patrue partem,
Redde, nec ad stomachum congruit illa tuum.
Hancque tibi melius quæ convenit accipe carnem,
Si bene consultum me tibi velle putas.
Rusticus hæc contra: vanas modo ponito curas;
Non soleo hos illis præposuisse cibos.
Quas mihi cunque dapes fors prima objecerit, illas
Objicio duræ pharmaca certa fami.
His quoque nil melius poni mihi partibus optem,
Et bona ventriculo est quælibet esca meo.
Sic ait, & renes cunctis ridentibus, ore
Devorat, & patitur nil tamen inde mali.
8. Cum dominis alius mensa confederat hospes,
Non satis hoc visus dignus honore sibi,
Vnus erat gnarus carnes in frustra secandi,
(Crede mihi non est illud inertis opus)
Ille rapit reliquo vulsos à corpore renes,
Et dat honorato (res decet illa) viro,
Hic tamen hoc tanto se non dignatur honore,
Donaque vicino porrigit ista suo.
Atque ita jam multi sibi proposuere vicissim,
Qui renes vellet mandere nullus erat.
Hospitis ad quadram tandem venire, sed ille
Non putat hæc aliquo dona carere dolo.
Et mihi cur placeat si displicet omnibus? inquit.
Cur ego, quæ cuncti damna timetis, amem?

Dixit,

Dixit, & iratus medias projecit in ædes,
 Ut canibus rapidis præda petita foret.
 9. Acta cano, veniam da turpiter acta canenti,
 Fas mihi sit crasso crassa referre modo.
 Vir generosus erat, claraque propagine natus,
 Consilio nomen judicioque premo.
 Ille suis meruit comitumque ducumque favorem
 Moribus. & gestu ridiculisque jocis.
 Ingenium propter ludi ad genus omne paratum,
 Principibus gratus cœperat esse viris.
 Cuncta igitur quando sua seque placere videbat,
 Omnia quæ risum promereantur agit.
 Denique jam mediam jussus conscendere mensam,
 In medio posita mox sterit ille mora.
 Sollicite spectant omnes, quos edere ludos,
 Quæ joca, quo risu spargere digna velit.
 Ille diu tacitus cunctis spectantibus astat,
 Quodque erat orsurus præmeditatur opus.
 Detectis natibus tandem, positoque pudore,
 Egerit impuri stercora ventris onus.
 Exoritur plausus manuum, risusque videntum,
 Non alio poterat gratior esse modo.
 Mille igitur meritis retulit pro munere nummos.
 Posthabiti merces illa pudoris erat.
 I nunc, & vitæ nimium studiosus honestæ,
 Præmia barbaricis moribus esse, nega.

CAP. VI.

*Alia exempla civilitatum in evacuatione vesicæ, vomitus,
 & aliis morum elegantis.*

1. **I**mproba cœnantes urina potentius urget,
 Nestitur appositis cum mora longa cibis.
 Tunc aliqui longo (tanta est reverentia multis)
 Tempore vesicæ triste morantur onus.
 Heu fatui qui non rationem habuere salutis,
 Sed cumulant culpa damna pudenda sua.
 Tu potius stultum sapiens depone pudorem,
 Et potior vitæ sit tibi curatæ.

Surge vel in medio protrahere tempore cœnæ,
Rupturasque uterum dejice tutus aquas.
Sique tibi quisquàm surgenti improvidus obstat,
Surgere, quantumvis sit gravis ille, jube.
2 Aut residens clausos ventris reclude meatus,
Noxiaque urinæ quolibet unda fluat.
Ah valeant rigidi nimium, nimiumque severi,
Rusticitas per quos optima crimen habet.
Quæ facis exemplo, juste fecisse videris,
Nec tu qui faciat talia primus eris.
3 Nuper ad illustres epulas lætumque vocatus
Symposium juvenis, non male natus, erat.
Omnia regali jam stabant splendida luxu,
Iamque erat Ambrosiis mensa parata cibis.
Ordine quisque suo se fœmina virque locarant,
Sumere propositas fercula grata dapes.
Vix ab equo juvenis properans descenderat alto,
Iussus honoratum cum capit ille locum.
Nec datur exutas spaciū deponat ut ocreas
Aut quas urentes venter habebat aquas.
Sic latus ad pulchræ sedit juvenile puellæ,
Cunctaque jam recte lætus habere putat.
Sed miser (ut nihil est ex omni parte beatum)
Ah piget, exiguo tempore lætus erat.
Mox etenim sitiens ut largius improba tumpfit
Pocula, vesicam triste gravabat onus.
Nec tamen infelix audebat surgere mensa,
Tanta verecundi cura pudoris erat.
Ergo diu secum sub pectore multa volutans,
Cogirat hoc ingens qua levet arte malum.
Tandem igitur curis crescentibus, arripit audax
Consilium, quod ei resque locusque dabant.
Ocrea laxa femur juvenile tegebat, in illam
Nescio quid tacita dirigit ille manu.
Atque ita sub mensa manus officiosa moratur,
Dissimulans operis facta pudenda sui.
Donec onus madidi grave duceret ocrea ventris,
Quod rapide emissum mœre fluebat aquæ.
Interea lateri quæ sedit proxima virgo
Aspexit, & lætis vultibus esse juber.

Inde manum juvenis, tantarum nescia rerum,
 Arripit, & quid adhuc tristia volvis? ait.
 Protinus è latebris exterritus ille sinistram
 Protulit, heu secum quid tulit illa mali?
 O aliò castæ divertite lumina Nymphæ,
 Ne violent oculos turpia visa pios.
 Infelix juvenis mediæ super æquora mensæ,
 Turpiter emissas ejaculatur aquas.
 Non secus ac saliunt actæ siphonibus undæ,
 Stramineas flamma depopulante domos.
 Heu miser infausto petiit convivia cœlo,
 Nec positus felix ætheris ille fuit.
 Atque ita non parvoderisus tempore sedit,
 Mœstaque in adversa lumina fixit humo.
 Inde mero tantas pellente è pectore curas,
 Tandem animi posito vix rediere metu,
 Nec mora, lætitiâ vino faciente, choreas
 Instituunt sumpto fœmina virque cibo.
 Tunc juvenis, licet invirus, cum virgine pulchra
 Cogitur ad tactam crura movere chelyn.
 Ad numeros tellus pedibus pulsata gemiscit,
 Inque sonant tota júbila læta domo.
 At quoties saltans juvenis vestigia figit,
 (Lexus erat mictis pero refertus aquis)
 Nescio quem toties sonitum ocrea turpiter edens,
 Facta aperit domini dissimulanda sui.
 Exoritur totas risusque jocusque per ades,
 Materiam damno præbuit ille suo.
 Protinus ut finem longæ fecere choreæ,
 Consilium tantis quærit opemque malis.
 Exiit ingrato pellem liquore fluentem,
 In medio matrum virgineique chori.
 Datque suo famulo, famulus suspendit ad ignem,
 Fervidus imbibitas elicit ignis aquas.
 Forte locus mediis erat in penetralibus ædis,
 Quo recreant fessi corpora lassâ viri,
 Huc famulus domini peronem utrumq; ferebat,
 Ad nitidi figens lignea fulcra tori.
 Tunc juvenis curas animo deponit inanes,
 Et reliquos inter gaudia lætus agit.

Jamque fere mediam tangebant sidera noctem,
Postque merum somnos carpere tempus erat.
Ergo sui pariter lecti loca quisque petebant,
Occupat optatus lumina fessa sopor.
Unus erat, reliquos inter stultissimus unus,
Qui nimio implerat viscera laxa cibo.
Cumque alii dulcis fruerentur munere somni,
Hunc tumidi ventris sollicitabat onus.
Surgit, & è clauso gressus efferre cubili
Tentat, ut hoc damno viscera plena levet.
Claustra sed incassum cameræ referare laborat,
Nec patitur longam res peragenda moram.
Protinus ad lectum quod pendeat ocrea sentit,
Et citus hanc una corripit ille manu.
Duraque cum liquidis in eam quæcunque gravabant
Dejicit, inque suum se locat inde torum.
Vix iutila primas lustrabat lampade terras
Phœbus, ab Eoo qui vehit orbe diem.
Et memor hesternæ juvenis jam denique culpæ,
Ire domum propero mane parabat equo.
Cruraque festinans ocreis armabat, & ecce
Turpiter humano plena erat una fimo.
Quid faciat? clamet? locus excitet ille cachinnum,
Ergo tacer, tantum dissimulatque scelus.
O miser, ô talis fugias convivia cœnæ,
Quam referas non est gloria magna domum.
4. Magnus es. & magni titulo insignitus honoris?
Officiumve tua consul in urbe geris?
Omnibus, ignotas veniens peregrinus ad oras,
Commemora officii nomina tanta tui.
Publica majestas per te minuetur, & ordo,
Si, quod es, ignotum turpiter esse voles.
Si tamen ut prodas occasio nulla videtur
Commoda, nec præsto qui roget, ullus erit:
Hic etiam exemplum, præsens adverte, docebo,
Idque sequens vitii labe carere potes.
5. Magnus in hospitium veniebat nobile Doctor,
Claudere jam lapsum sole parante diem.
Protinus hic alii quoque convenere sodales,
Nec mora dispositis accubuerunt toris.

Nullus erat tota Doctore notus in æde,
Nec domino quisquam qui loqueretur erat.
Spretus in extrema scabelli parte sedebat,
Aspiciens tacito lumine mœstus humum.
Fercula sumebat tristi non grata palato,
Ipsa quoque ingrati vina saporis erant.
Tantus amor meriti miserum stimulabat honoris,
Cura fere ut pectus ruperit illa viri.
Ingenium tandem, vino subeunte, calefcit,
Prodit & hac nomen callidus arte suum.
Demit ab intonso, qua tectus, crine tiaram,
(Officium domino præstet ut illa suo)
Hanc muri appendit suffixum in parte propinqui,
Verbaque mox clara talia voce sonat :
Et satis indultum tristi reor esse rigori,
Fas tandem læta fronte sit esse mihi.
Pendeat austerus vicino pariete Doctor,
Non mihi sunt isto Jura legenda loco.
Ergone Doctoris titulus mea gaudia turbet ?
Lætitiaque frui nomen inane vetet ?
Non mihi jam tanti est majestas nominis hujus,
Sed patriæ repetens mœnia Doctor ero.
Dixerat, at reliqui modo seque virumque tuentes,
Quid facerent dubii, quid loquerentur, erant.
Doctore simul assurgunt, veniamque precantur,
Utque velit prima sede sedere rogant.
Inde viro ingentem craterem quisque propinant,
Redditus hac illi est arte negatus honos.
6. Sic ubi nonnullo fueris decoratus honore,
Sederit aut humeris publica cura tuis :
Concipe te dignos animoso pectore fastus,
Egregium meritis nomen adeptus habes.
Cur te contemni stolidus patiaris ab ullo ?
Non ego te fatear, si patiare, virum.
Accidit id magno (pudeat) quandoque Magistro,
Feret ut immensum dedecus ille domum.
Ille diu studiis animum exornârat honestis,
Jamque vir eximius, jamque magister erat.
Ergo novo patrios vult auctus honore penates
Visere, natalis tactus amore soli.

Iamque iter ingressus lucem confecerat unam,
Fessus, & hospitium solis cadente subit.
Venit in hospitium virgo quoque nobilis illud,
Virgo verecundis conspicienda genis.
Tempus erat coenæ, mensaque locantur eadem,
Virgineo lateri proximus ille fuit.
Tum vero incessit non parva superbia mentem:
Turgidior cunctis ille Magister erat.
Præ cunctis voluit quoque dignus honore videri:
Visus, & ut voluit, dignus honore fuit.
Vnus erat, tantos fastus qui ferre Magistri,
Pectore non posset dissimulante diu.
Namque erat ante viro quoque consuetudine junctus,
Et socium nuper noverat esse suum.
Ergo ut erat technas artemque instructus ad omnem,
Tentat honoratum dedecorare virum.
Omniaque observat quæcunque agit ille, dolose,
Cura animi, tumidum frangere pectus, erat.
Dumque observari nescit sua facta Magister,
Admovet ah capiti leniter ille manum.
Admotæque manu gestum scalpentis habebat,
Hæc ignominia causa reperta fuit.
Tunc etenim raptor tanti insidiosus honoris,
Non expectatos hos dedit ore sonos.
Sextipedes tot adhuc vermes venerande Magister,
(Quot nuper) toto corpore morsus alis?
Dic, nihil unguentum tibi profuit ergo, quod illas
Bestiolas contra pharmacopola dedit?
Ille sua certe perhibetur in arte peritus,
Temperat & docta pharmaca certa manu.
Dixerat hæc vultu tanquam sint vera severo,
Nec risu fictum prodidit esse jocum.
Ora sed immenso confusus honesta pudore.
Mutus ad hæc subito verba Magister erat.
Ira pudorque animum sic infregere tumentem,
Straveruntque adeo nobile pectus humi:
Ut neque se verbo saltem defenderit uno,
Nec delusorem plecteret ille suum.
7. Ille sit exemplo tibi, ne patiaris eadem.
Impune à quoquam te ratione capi.

Sique vides alium, digno quem vulgus honore
Afficit, & primas semper habere jubet :
Illius ut minuas nomenque decusque labora,
Crescere vix alia tu ratione queas.
8. Nobilibus junctus dominis auriga sedebat ,
Sumere cum tantis vina cibosque viris.
Vina simul cunctis cratere bibuntur eodem,
Ordine per varias circuit ille manus.
Circuit, inque manus aurigæ pervenit, ille
Hinc quoque, sed terso non prius ore, bibit.
Sic igitur multa reliquum pinguedine vinum
Inficit, in labiis hæserat illa viri.
Res ea displicuit multis, sed nullus aperta
Sustinet auctorem, carpere voce, mali.
In sua sed duram statuunt convivia legem,
Qua caveant tantum præveniantque scelus.
Sordibus hæc ullis qui vina infecerit, unus
Symbola pro cunctis solvito symposii.
Rusticus hanc legem contra sua crimina ferri
Sentit, & hoc poenam suffugit inde modo.
Quando calix ad eum iusto venit ordine, totum
Ebibit, ebibiti vertit ad astra pedem.
Atque ita conversum dominis ostendit, & inquit,
Iamne ego me culpam non meruisse putem ?
Ecquid adhuc aliqua sordes superesse videntur ?
Cuncta equidem cyatho quæ latuere tuli.
Artibus his utens auriga impunis abivit,
Hoc erat ingenii multa videntis opus.
9. Missus erat patriæ communis nomine Consul,
Paupere ad eximium nuper ab urbe ducem.
Paucula qui domino donaret vina, nec ille
Immemor innatæ simplicitatis erat.
Principis ut vultum coram conspexit & ora,
Membra viri gelido diriguere metu..
Astitit, & verbum profari nescius hæsit,
Qualiter ad visum contremuit agna lupum.
Tum dominus (trepidare virum quia sensit) amico
Alloquio, fortis pectore consul, ait.
Procinus erectus Consul sua pilea demit
Grinibus, & digitis illa, diuque rotat.

Jamque fere mediam tangebant sidera noctem,
Postque merum somnos carpere tempus erat.
Ergo sui pariter lecti loca quisque petebant,
Occupat optatus lumina fessa sopor.
Unus erat, reliquos inter stultissimus unus,
Qui nimio implebat viscera laxa cibo.
Cumque alii dulcis fruerentur munere somni,
Hunc tumidi ventris sollicitabat onus.
Surgit, & è clauso gressus efferre cubili
Tentat, ut hoc damno viscera plena levet.
Claustra sed incassum cameræ referare laborat,
Nec patitur longam res peragenda moram.
Protinus ad lectum quod pendeat ocrea sentit,
Et citus hanc una corripit ille manu.
Duraque cum liquidis in eam quæcunque gravabant
Dejicit, inque suum se locat inde torum.
Vix iutila primas lustrabat lampade terras
Phæbus, ab Eo qui vehit orbe diem.
Et memor hesternæ juvenis jam denique culpæ,
Ire domum propero mane parabat equo.
Cruraque festinans ocreis armabat, & ecce
Turpiter humano plena erat una fimo.
Quid faciat? clamet? locus exciter ille cachinnum,
Ergo tacet, tantum dissimulatque scelus.
O miser, o talis fugias convivia cœnæ,
Quam referas non est gloria magna domum.
4. Magnus es, & magni titulo insignitus honoris?
Officiumve tua consul in urbe geris?
Omnibus, ignotas veniens peregrinus ad oras,
Commemora officii nomina tanta tui.
Publica majestas per te minuetur, & ordo,
Si, quod es, ignotum turpiter esse voles.
Si tamen ut prodas occasio nulla videtur
Commoda, nec præsto qui roget, ullus erit:
Hic etiam exemplum, præsens adverte, docebo,
Idque sequens vitii labe carere potes.
5. Magnus in hospitium veniebat nobile Doctor,
Claudere jam lapsum sole parante diem.
Protinus hic alii quoque convenere sodales,
Nec mora dispositis accubere toris.

Nullus erat tota Doctore notus in æde,
 Nec domino quisquam qui loqueretur erat.
 Spretus in extrema scabelli parte sedebat,
 Aspiciens tacito lumine mœstus humum.
 Fercula sumebat tristi non grata palato,
 Ipsa quoque ingrati vina saporis erant.
 Tantus amor meriti miserum stimulabat honoris,
 Cura fere ut pectus ruperit illa viri.
 Ingenium tandem, vino subeunte, calescit,
 Prodit & hac nomen callidus arte suum.
 Demit ab intonso, qua testus, crine tiaram,
 (Officium domino præstet ut illa suo)
 Hanc muri appendit suffixum in parte propinqui,
 Verbaque mox clara talia voce sonat :
 Et satis indultum tristi reor esse rigori,
 Fas tandem læta fronte sit esse mihi.
 Pendeat austerus vicino pariete Doctor,
 Non mihi sunt isto Jura legenda loco.
 Ergone Doctoris titulus mea gaudia turbet ?
 Lætitiaque frui nomen inane vetet ?
 Non mihi jam tanti est majestas nominis hujus,
 Sed patriæ reperens mœnia Doctor ero.
 Dixerat, at reliqui modo seque virumque tuentes,
 Quid facerent dubii, quid loquerentur, erant.
 Doctore simul assurgunt, veniamque precantur,
 Utque velit prima sede sedere rogant.
 Inde viro ingentem craterem quisque propinant,
 Redditus hac illi est arte negatus honos.
 6. Sic ubi nonnullo fueris decoratus honore,
 Sederit aut humeris publica cura tuis :
 Concipe te dignos animoso pectore fastus,
 Egregium meritis nomen adeptus habes.
 Cur te contemni stolidus patiaris ab ullo ?
 Non ego te fatear, si patiare, virum.
 Accidit id magno (pudeat) quandoque Magistro,
 Ferret ut immensum dedecus ille domum.
 Ille diu studiis animum exornarat honestis,
 Jamque vir eximius, jamque magister erat.
 Ergo novo patrios vult auctus honore penates
 Visere, natalis tactus amore soli.

Iamque iter ingressus lucem confecerat unam,
Fessus, & hospitium solus cadente subit.
Venit in hospitium virgo quoque nobilis illud,
Virgo verecundis conspicienda genis.
Tempus erat coenæ, mensaque locantur eadem,
Virgineo lateri proximus ille fuit.
Tum vero incescit non parva superbia mentem:
Turgidior cunctis ille Magister erat.
Præ cunctis voluit quoque dignus honore videri:
Visus, & ut voluit, dignus honore fuit.
Unus erat, tantos fastus qui ferre Magistri,
Pectore non posset dissimulante diu.
Namque erat ante viro quoque consuetudine junctus,
Et socium nuper noverat esse suum.
Ergo ut erat technas artemque instructus ad omnem,
Tentat honoratum dedecorare virum.
Omniaque observat quæcunque agit ille, dolose,
Cura animi, tumidum frangere pectus, erat.
Dumque observari nescit sua facta Magister,
Admoveret ah capiti leniter ille manum.
Admotaque manu gestum scalpentis habebat,
Hæc ignominia causa reperta fuit.
Tunc etenim raptor tanti insidiosus honoris,
Non expectatos hos dedit ore sonos.
Sextipedes tor adhuc vermes venerande Magister,
(Quot nuper) toto corpore morsus alis?
Dic, nihil unguentum tibi profuit ergo, quod illas
Bestiolas contra pharmacopola dedit?
Ille sua certe perhibetur in arte peritus,
Temperat & docta pharmaca certa manu.
Dixerat hæc vultu tanquam sint vera severo,
Nec risu fictum prodidit esse jocum.
Ora sed immenso confusus honesta pudore.
Mutus ad hæc subito verba Magister erat.
Ira pudorque animum sic infregere tumentem,
Straveruntque adeo nobile pectus humi:
Ut neque se verbo saltem defenderit uno,
Nec delusorem plecteret ille suum.
7. Ille sit exemplo tibi, ne patiaris eadem.
Impune à quoquam te ratione capi.

Sique vides alium, digno quem vulgus honore
Afficit, & primas semper habere jubet :

Illius ut minuas nomenque decusque labora,
Crescere vix alia tu ratione queas.

8. Nobilibus junctus dominis auriga sedebat,
Sumere cum tantis vina cibosque viris.

Vina simul cunctis cratere bibuntur eodem,
Ordine per varias circuit ille manus.

Circuit, inque manus aurigæ pervenit, ille
Hinc quoque, sed terso non prius ore, bibit.

Sic igitur multa reliquum pinguedine vinum
Inficit, in labiis hæserat illa viri.

Res ea displicuit multis, sed nullus aperta
Sustinet auctorem, carpere voce, mali.

In sua sed duram statuunt convivia legem,
Qua caveant tantum præveniantque scelus.

Sordibus hæc ullis qui vina infecerit, unus
Symbola pro cunctis solvito symposii.

Rusticus hanc legem contra sua crimina ferri
Sentit, & hoc poenam suffugit inde modo.

Quando calix ad eum justo venit ordine, totum
Ebibit, ebibiti vertit ad astra pedem.

Atque ita conversum dominis ostendit, & inquit,
Iamne ego me culpam non meruisse putem?

Ecquid adhuc aliqua sordes superesse videntur?
Cuncta equidem cyatho quæ latuere tuli.

Artibus his utens auriga impunis abivit,
Hoc erat ingenii multa videntis opus.

9. Missus erat patriæ communis nomine Consul,
Paupere ad eximium nuper ab urbe ducem.

Paucula qui domino donaret vina, nec ille
Immemor innatæ simplicitatis erat.

Principis ut vultum coram conspexit & ora,
Membra viri gelido dirigere metu.

Astitit, & verbum profari nescius hæsit,
Qualiter ad visum contremuit agna lupum.

Tum dominus (trepidare virum quia sensit) amico
Alloquio, forti es pectore consul, ait.

Protinus erectus Consul sua pilea demit
Grinibus, & digitis illa, diuque rotat.

Et tandem voces ausus jactare per aulam,
Talia deposito verba timore refert :
O patriæ princeps hujus pulcherrime salve,
Et mea non duro pectore verba cape.
Fama diu nostra constans auditur in urbe,
Quam tibi sit nimii copia grata meri.
Quodque bonos inter socios noctesque diesque
Pocula de Bacchi plena liquore bibas.
Nos igitur gratum munus præstare volentes,
Mittimus hæc nostro dulcia vina Duci.
Talia quotidie nos, cum meliora negantur,
Vina per arentem cogimus ire gulam.
Credo quod illorum hic vobis sit rarior usus,
Pocula non quivis talia habere potest.
Sic ait, & profert vinum quod veste latebat,
Ante oculos domini constituitque sui.
Plenaque forte videt lapsas in pocula sordes,
Nescio quas, pennæ vel leve stramen erat.
Dumque diu secum quibus artibus eximat, hæret,
In varias flectit lumen utrumq; vias.
Nec mora, quo tollunt ustum de lumine lychnum,
Organon in mensa forte jacere videt.
Aspicit, & tales adhiberi credit ad usus,
Credit, & extemplo tollit utraque manu.
Tollit utraque manu, mittitque in pocula vini,
Mittit, & hoc sordes eximit inde suas.
Protinus hinc domino non parvum præbabit haustum,
Et repetit patriæ mœnia parva sua.
10. Non ego de vino jam dicere plura volebam,
Sed me potores dicere plura jubent.
Tendimus ad finem, facinus tamen ante vel unum
Accipe, Symposii postmodo finis erit.
Pocula non uno producta in palmite quidam
Hauserat, & variis edita vina jugis.
Illa diu magnos agitabant ventre tumultus,
Quodque alii nullum cedere vellet erat.
Non ea potori bella intestina placebant,
Et minitans tales edidit ore sonos :
Unde mihi hæc tanto surgit discordia motu ?
Unde repens litis causa mihi illa venit ?

Dicite quæ tantos movistis vina tumultus,
Cur ego vos magno victa labore bibi?
Aut pacem positis agitate intrinsecus armis,
Mutuaque accepta fœdera inite fide;
Aut ego vos ista deturbans arce repellam,
Ructaboque vomens, ejiciamque foras.
Dixerat, & nondum saxo cessante tumultu,
Imperii vanas noluit esse minas.
Et simul in vacuas nuper quæ sumpserat auras,
Præcipitat vomitu dulcia vina foras.
Nec mora, turbati requierunt aspera ventri
Prælia, pax lata candida fronte redit.
Tu quoque cum simili tua surgent viscera pugna,
Si sapias, artibus his utere, liber eris.
Sique tibi eveniat, quod cuidam contigit olim,
Clarior est vomitus fama futura tui.
Quod simul ut noris, paucis adverte, docebo,
Utilis in multis hæc tibi praxis erit.
II. Pocula sumebant unà Lenæa sodales
Largius, & requies nulla laboris erat.
Horum aliquis crebros edebat gutture ructus
Turpiter, hæc vomitum signa præire solent.
Huic alius proprio demptam de crine tiaram
Exhibet, ad præsens officiosus opus.
Sumptaque ventriculus si vina regurgitat æger,
Huc mihi quicquid habes evome tutus, ait.
Dixerat, ille aperit fumantia ructibus ora,
Crudaque per stomachi vina refundit iter.
Iamque in pileolo vinumque cibusque natabant,
Tristior hoc alibi non odor ullus erat.
Alter ut impletam vomitu videt esse tiaram,
Immemor officii non sedet ille diu;
Verum ut erat capiti vicini imponit, & omnis
Materies toto corpore fusa fluit.
Exoritur plausus jocularia facta videntum,
Et venit hæc tota fabula grata domo.
Qui vomuit vana nequicquam accenditur ira,
Digna que pro meritis præmia nactus, abit.

C A P. VII.

*Alia exempla de crepitu & ructu Oratorum, retentione
urinae, & aliis rusticitatibus.*

QValia contigerint inter convivia dixi,
Nunc alia, atque aliis accipe gesta locis.

1. Missus ad externas Orator maximus oras
Nuper erat, lingua consiliisque valens.

Virgineo in coetu, dominæque ante ora potentis,
Debuit eloquii tela ciere sui.

Utque in conspectu dominæ data copia fandi,
Sollicitus graviter lumina figit humi :

Iamque soluturus facunda viriliter ora,
Ut solitum fieri, flectit utrumque genu.

Sed quia se nimium miser incurvabar, in auras
Edidit ingratum ventre crepante sonum.

Nil tamen hoc facto perterritus, absque rubore
Prosequitur causæ cœpta severa suæ.

Dissimulant omnes crepitum audivisse, sed una,
Non bene quæ risum virgo teneret, erat.

Dumque sibi indulget nimium ridere loquentem,
Ah male virgineas claudit inepta nates.

Et tenuem ventris crepitum subtiliter edit :
Audieris, lyricum dixeris esse sonum.

Tum memor admissi Rhetor, sua cœpta relinquens,
Virgineum alloquitur verba per ista chorum :

Pergite sic ventos ex ordine, pergite Nymphæ,
Mittere, quos longum continuasse nocet.

Inde ubi me rursum quoque mittere jusserit ordo,
Officii peragam munia cuncta mei.

Illico virgineas perfusa rubedine malas,
Dejicit ab oculos mœsta puella suos.

At reliquæ ingenti risu quatiantur, & illo
Solvitur astutum concio cœpta modo.

2. Sed recitare disertorum quia gesta virorum
Cœpimus, inceptum continuemus opus.

Principis excelsam magnis de rebus ad arcem
Ingenio Rhetor divite missus erat.

Vestibus

Vestibus indutus quas tellus Serica mittit,
Eximio visus dignus honore fuit.
Nulla mora est igitur, patet inclyta principis aula,
Plenaque dicendi est copia facta viro.
Incipit altisonis exordia grandia verbis,
Fulminat & tumido lingua diserta sono.
Verba sed assiduos edit post singula ructus
Turpiter, hesternæ signa pudenda dapis.
Huic vitio teneris demens assuerat ab annis,
Nullaque jam poterat tollere cura malum.
Auribus hos princeps ructus accepit, & ægra
Indecores mores factaque mente tulit,
Dissimulat tamen, & placato Rhetora vultu
Aspicit, ac tandem talia verba refert:
Non equidem invitas istis sermonibus aures
Præbeo, facundo clare vir eloquio.
Sed quia jam regni graviora negotia surgunt,
Crastina ad inceptum luce redibis opus.
Interea varias princeps sub pectore technas,
Et varios varia cogitat arte dolos.
Postera lux aderat, Rhetorque vocandus ad aulam,
Ut cœptam causam prosequeretur, erat.
Forte erat abjectæ vir conditionis in urbe,
Vile ministerium cuilibet ære locans.
Is poterat crepitus emittere ventris in auras
Semper, & arbitrii pro ratione sui.
Hunc vocat, & verbis princeps affatus amicis,
Arte tua nobis nunc opus, inquit, erit.
Inde viro vestem dignam Doctore, Tiaramque
Induit, & quæ sint postea agenda docet.
Rhetor ad inceptum rediens, sua fulmina torquet,
Et repetit ructus continuatque suos.
Alter item toties, solitæ non immemor artis,
Parte sui clarum posteriore crepat.
Quid faciat Rhetor? male fert; atque æstuat ira,
Alterius facile cernere crimen erat.
Respicit, & mores reprehendere cogitat illos,
Sed dubium in partem traxit utranque pudor,
Senserat id princeps, & amica fronte deserto
Talia subridens Rhetori verba refert:

Hic etiam Doctor longinquis missus ab oris,
De gravibus nobis dicere rebus habet.
Utque subinde novi ructus tua verba sequuntur,
(Forſan & in patria mos viget ille tua)
Non aliter crepitus hic verba ad ſingula promit,
Et patrium à teneris unguibus illud habet.
Dixerat, & tacuit Rhetor, deluſus abiit,
Et medio cœptum tramite rupit opus.
3. Hiſtoriam rerum quidam narrare novarum,
Cœperat, & longam fecerat ille moram.
Huic aliquis cupidas adhibebat ſedulus aures,
Rebus & attentus quas recitabat erat.
Interea plenam veſicam urina gravabat,
(Triste diu ventris non bene fertur onus)
Sed miſer hiſtorix nimia dulcedine captus,
Narrantem, durum negligere, eſſe parat.
Forte brevi burſam factam de pelle gerebat,
Condere qua ſolitus cuſa metalla fuit.
Hanc rapiens undis ventrem torquentibus implet,
Dum capiat finem fabula cœpta ſuum.
Noverat, urinam multis noquiſſe retentam,
Id metuens, pulchra conſulit arte ſibi.
Nuper enim Doctor pietate inſignis & ævo,
Pertulit indignæ fata dolenda necis.
Cum teneris currum conſcenderat ille puellis,
Virginibusque ſedens undique cinctus erat:
Iamque per haud paucas ſecurus federat horas,
Nil niſi de caſta virginitate loquens.
Plena ſed attracto turgens veſica liquore,
Præproperam tacita voce petebat opem.
Non tamen à curru diſcendere ſuſtinet amens,
Sed premit ingenti triſte dolore malum.
Tanta viro fuerat caſti reverentia cœtus,
Ut faceret vitæ triſtia damna ſuz.
Namque redundanti veſica gravata liquore,
Viſcera per diras rupta reſudit aquas.
In fera ſic paucis conceſſit fata diebus,
Hoc tulit à ſtulto grande pudore malum.
Id metuens, quaſvis potius convertere ad artes,
Quam ſubeas vitæ tanta pericla tuæ.

4. Hæc quoque visa fuit mihi fabula digna referri,
 Quæ veteris multum simplicitatis haber.
 Nuper ab antiquo superans, puto, rusticus ævo,
 (Simplicius nostro scilicet illud erat)
 Accedit veterem cui non ignotus amicum,
 Verbaque multiplici plena salute refert.
 Iamque manum manui dextræ conjungere dextram,
 Pignus amicitix quod solet esse, parat.
 Sed prius impletis mucorem naribus aufert,
 Turpiter hunc plena continet ille manu.
 Atque ita dilecto dextram protendit amico,
 Sitque tibi hæc nostri pignus amoris, ait.
 Scilicet id metuit, ne rustica durior æquo
 Posset honoratum lædere palma virum,
 Providus ergo volam sublevit phlegmate molli,
 Hoc facinus parvæ non erat artis opus.
 Talia facta queam numero sine multa referre,
 Quæ monitus possis non sine laude sequi.
 Sed liber in magnum mihi cresceret iste volumen,
 Si tibi perscribi carmina cuncta velis.
 Ingenio ipse tuo nunc utere, scilicet ipse
 Me sine sat simplex esse rudisque potes.
 Me præcepta juber brevibus comprehendere Flaccus,
 Singula quo docili mente notare queas.
 Quos tamen haud multos versus in fine libelli
 Adjicio, memori mente notare velis.
 Simplicitas antiqua virum læta arva colentum,
 Rusticitasque rudis sit pretiosa tibi.
 Sed quæcunque solent homines laudare severi,
 Neglige: quid rigida cum gravitate tibi?
 Si poteris risum stomachumque movere quibusvis,
 Officio functum te rear esse tuo.
 Iamque vale juvenis morum studiose bonorum,
 Quæque tibi dono, consule pauca boni.

G R O B I A N A.

CAPUT ULTIMUM.

De moribus quæ virgines deceant, tum domi, tum in publico, & in conviviis, & alibi.

SAT mihi jamdudum dixisse superque videbar,
 Et finem monitis imposuisse meis.
 Sed teneræ blando me poscunt ore puellæ,
 Utque rogant ipsas pauca docere velim.
 Quid faciam? justasne preces averter? & illa
 Irrita difficilis vota fuisse sinam?
 Non equidem faciam: cupidas advertite mentes,
 O mihi foeminei turba colenda chori.
 Pauca loquar saltem mores formantia vestros:
 Pauca sed illa tamen commoda multa dabunt.
 Nil opus est longo vos carmine multa doceri,
 Vincitis en ipsos rusticitate viros.
 Ad mala vos ultro facilis natura, vel omnes
 Instruit, officio nil eget illa meo.
 Quæ tamen Antistes vatum mihi dicat Apollo,
 Accipite, haud falsa cuncta relata fide.
 Huc ades ô mores exosa puella modestos,
 Huc ades, ut monitis erudiare meis.
 1. Quando per urbanas iter ingredi plateas,
 (Nil ego quo cultu sis onerata moror)
 Lumina permittes quocunque proterva vagari,
 Omnia quo retro cernere & ante queas.
 Quæ sibi nullius est mens conscia criminis, audet
 Lumina deposito recta levare metu,
 Atque hominem quemvis erecta fronte tueri:
 Quæ sibi mens culpæ est conscia, spectat humum.
 2. Inde manu vestes prudens utraque levabis,
 Sordida si multo sit via facta luto.
 Candida quo possint tua crura, & utrunque videri,
 (Altius ô pudeat tollere velle) genu.
 Forte ea res juvenum tibi conciliabit amorem,
 Quique tibi sponsam te petat unus erit.

Nec

A.

Nec mihi displiceat, te taliter ire videnti,
 Oblita quod foedo sint tua crura luto.
 Arguit imposui studium res illa laboris,
 Quem vigil assidua sedulitate subis.
 Otia nam pedibus data nulla fuere lavandis,
 Officio invigilas dum studiosa tuo.
 3. Pectore nudato prodire sinuque patente
 Quam deceat, certe quisque videre potest.
 Lactea colla oculis pateant, teretesque papillæ,
 Grata puellipetis res erit illa procis.
 Non ego tam stupidus, nec ero tam barbarus unquæ,
 Quin mihi te talem sæpe venire velim.
 Quæ bona sunt oculis manifesta, merentur amari,
 Quæque latent, nulli cognita, nullus amat.
 4. Quæ tibi cunque venit, quondam tibi nota sorda-
 Obvia per mediam foemina facta viam : (lis,
 Nil opus est dicta prius acceptaque salute,
 De rebus variis incipe multa loqui.
 Heu mala multa premunt miseras & magna puellas,
 Omnia quæ tenero sunt toleranda gregi.
 Huic gravis est rigida nimium censura parentis,
 Jurgia terrifico quæ tonat usque sono.
 Imperium domina male sustinet illa superba,
 Subdit & indigno libera colla iugo.
 Hei mihi quam multus fallax decepit amator,
 Promissam veritus nil violare fidem.
 Hinc igitur semper quæ multa queraris habebis,
 Vtere naturæ dote puella tuæ.
 Foemineum omne genus fecit natura disertum,
 Id mulier donum cœlitus omnis habet.
 Ergo diu nihili de rebus multa loqueris,
 De nihili rebus discere multa voles.
 Illa decem daret tibi fabula cœpta per horas,
 Ante tibi turpe est velle redire domum,
 5. Interea si te (quod vix tamen accidet unquam)
 Deficiet tanta res agiranda mora
 Inspectos aliorum hominum reminiscere mores,
 Hic tibi dicendi campus apertus erit.
 Qua ratione suos vicinus quisque gubernet,
 Exigat & vitam qua ratione suam.

Fercula quæ ponat mensis, quæ pocula sumat,
Illius & quantas arca reservet opes.
Omnia quis numeret, quæ multa diuque volenti
Dicere, materiam suppeditare queunt?
Qualibet audacter dices de quolibet, illud
Est licitum, sexus pro ratione tui.
Si tamen incipies aliorum lædere famam,
Plus facies libri quam docuere mei.
6. Hinc ab ea quando fueris digressa, domumque,
Imposito nugis sine, redire voles:
Invenies obiter venalia poma, nucesque,
Vel pyra, quæ lauto multa videre foro est.
Talia præteriens obolis tribus empta parabis,
Nonnihil ut cupida gratificare gula.
Inque via, medioque foro, quocunque vidente,
(Et quis erit qui te carpere possit?) edes.
Qui tibi quadrantem minimum conferret ementi
Nullus erat: precio stant tibi cuncta tuo.
7. Interea varios qui proferat histrio ludos,
In medias veniet plebe vocante vias.
Edet is infano spectacula plurima vulgo,
Hac sibi quo tenuem colligat arte stipem.
Multa profanus ager, petulans sed plura loquatur
Turpiter, & gravibus non placitura viris.
Te tamen his oculos advertere virgo patentes,
Omniaque attenta mente notare, velim;
Et dare lascivis patulas sermonibus aures,
Doctior ut possis inde redire domum.
Turpia sive vides, seu percipis aure, putato
Tingere virgineas turpe rubore genas.
Conscia commissi tibi criminis esse fereris,
Purpura si malas pinxerit illa tuas.
Sin color in vultu semper tibi manserit idem,
Illa via ad laudem pronior esse potest.
Non res te credent intellexisse profanus,
Quod fugiant annos turpia dicta tuos.
Si ramen & risu malefana probaris aperto,
Quæ fieri cernis, cuncta placere tibi:
Nullus erit qui te nostri præcepta libelli,
Et monitus avide non didicisse putet.

- 8 Nec tibi displiceant hilaris convivia cœtus,
Quæ celebrant juvenes, quæ celebrantque viri.
Sique meos audis monitus & jussa docentis,
Te quoque symposiis semper adesse velim,
Inter enim potes juvenes vinoque madentes,
Multa audire potes, multa videre potes.
Unde tibi vitæ sumas exempla, profecto
Rusticitas illo regnat inepta loco.
Nec nihil esse puta juvenum perdiscere mores,
Quæ vitia abstruso pectore quisque tegat.
Ingenium, vino mentem superante, patefcer,
Vina solent animum proderè larga viri.
- 9 Forſan & adfuerit quem ſperes nupta maritum,
Hunc etiam, qua ſit mente, probare potes.
Cujus ut ingenium melius perdiscere poſſis,
Aſſideas domino proxima virgo tuo.
Et quid agat potus, quæ denique verba loquatur,
Quamque avide ſumat pocula plena, notes.
Quis ſcit an obtineas, animos faciente Lyxo,
Ut tibi promittat fœdera ſancta tori?
- 10 Quoque magis latum videas & amore calentẽ,
Non nimium tuus eſt diſſimulandus amor.
Ingentem cyathum juveni tu laxa propines,
Sic erit exemplo latior ille tuo.
Evacueſque uno cyathum quem præbibiſ haufu,
De veteri plenus ſit licet ille mero.
Et tibi potando mox ut reſpondeat oreſ,
Hoc animi poterit pignus habere tui.
Inde etiam quicquid tibi præbibiſ ille viciffim
Accipiaſ facili nilque morata manu.
Acceptumq; avido, quia præcipit ille, palato
Evacueſ: annos res decet illa tuos.
Moribus hiſ juveniſ tuuſ exhilaratuſ, in imo
Impatiens curæ pectore vulnuſ alet.
Indubiſſque ſuam ſignis jam prodeſ amorem,
Tempore qui longo diſſimulatuſ erat.
- 11 Iam terereſ manibuſ volet attrectare papillaſ,
Cæteraque in toto quæ latuere ſinu.
Non equidem quin tu patiaris cuncta vetabo:
Cur mihi diſpliceant quæ placuere tibi?

Non mea res agitur, tua saltem fama laborat.

Fama nequit multos integra ferre jocos.

Heu mihi quam facile est amittere nomen honestum!

Quod periit, ingens est reparare labor.

12 Quid tamen & noceat, blanda jam voce rogare,

Quæ tibi det potius munera magna procus,

Cum simul & cæco juvenis stimulatur amore,

Et simul assumpto cor calet ille mero?

Multaque promittat licet, & jam plurima donet,

Ut tamen acceptis plura det usque, roga.

Munera nulla boni, quantumvis magna putentur,

Consule, sed parcas usque querare manus,

Ipsa quoque interdum, quo vel meliora reportes

Munera, amatori paucula dona dabis.

Nec tamen hîc veterem Nasonis tradimus artem;

Diversa est studio meta petita meo.

Ludere deceptum si delectaris amantem,

Non potes è nostro discere multa libro.

Perlege Peligni versus studiosa Poetæ;

Quod petis à nobis aptius ille dabit.

13 Florea virginiei capitis decus esse corona

Eque maris viridi rore parata, solet.

Hanc tamen insani tu consuetudine vulgi

Simpliciterque comis imposuisse, cave.

Simplicitas prisceis fuit hæc laudabilis annis,

Nunc alios mores tempora nostra ferunt.

Quod nimis est, laudem nullam, vulgare, meretur,

Sed quæ facta novo more fuere, placent.

Ergo tibi naso sit cura appendere sertum,

Ut mediam frontem luminaque ipsa tegat.

Cur moneam tali te pendere more coronam,

Stultula me causas credis habere leves?

Floribus è variis, & non male olentibus herbis,

Quam geris, ô virgo, facta corona fuit.

Suaviter hoc nasus tuus afficietur odore,

Suavis odor cerebro proderit ille tuo.

Ille odor ætherias frustra exhalabit in auras,

Ni subeant nares floræserta tuas.

14 Non pudeat tenerum recum duxisse catellum,

Qui faciat ludos delitiasque tibi.

Est quoque cum clausa ventris corruptus in alvo
Excruciat magno viscera tensa malo :
Tunc tacitus vacuas erit emittendus in auras
Qui nimii ventus causa doloris erat.
Hic poterat teneras nares offendere foetor,
Forſan & auctorem dedecorare ſuum :
Sed canis officium dominæ præſtabit honeſtæ,
Impoſiti culpam criminis ille ferat ,
Aeraque ingrato vitiaſſe putetur odore :
Verba tibi contra dicere nulla poteſt.
15 Perpetuas agitant pulices & foemina lites,
Bellaque in æternum non dirimenda gerunt.
Inſidias parvus tenebris deſenſus iniquis
Collocat, exiguo pungat ut ore pulex.
Foemineoque ſuum mordax in corpore roſtrum
Figit, & in tenera ſpicula dura cute.
Exagitat miſeras adeo dolor ille puellas,
Ut poſitis ineant aſpera bella moris.
Tu quoque lucifugo quando infeſtaris ab hoſte,
Fortiter ultrici corripe tela manu.
Sive domi ſævis te lædere morſibus auſit,
Sive cruentato te petat ore foris.
Nilque tua refert hinc multa quod aſtet, & illinc,
Quæ videat mores turba aliena tuos.
Veſtibus excuſſis inimicum quære latentem,
Supplicium ſcleris captus ut ille luat.
Fortiter è latebris captivum protrahe, nec te
Pacere res hoſti moverit ulla tuo.
Exemplum metuent alii crudele, tuumque
Qui latus inde auſit pungere nullus erit.
Non alia poterit tibi pax ratione parari,
Quin tuus ad manes perditus hoſtis eat.
16 Nunc etiam exemplum, ne quid tibi deeſſe que-
Accipe, quod vitæ dirigat acta tuæ. (raris,
Publicus antiqua conventus in urbe virorum,
Quo non exiguæ res agerentur, erat.
Venerat huc mulier rerum ſtudioſa novarum,
Et quæ veller agi, plurima vidit agi.
Interea multas dum res differtur in horas,
Ab miſeram pleni corporis urget onus.

Pondere concoctæ venter distenditur elæx.

Submissoque petit murmure tensus opem.

Illa rei auditæ nimia dulcedine capta,

Noluit inceptam deferere historiam.

Fortè igitur peram qua libros ferre solebat,

Quos legit assidua religione. gerit.

Accipit hanc, & ventris onus deponit in illam,

Dum capiat finem fabula cœpta suum.

Hunc etiam vitgo discas, ego suadeo, morem,

Is tibi qua profit hora venire potest.

17 Tempora sed demens quid contero multa mo-

Cum liceat verbis dicere cuncta tribus? (nendo,

Omnia quæ generi jam sunt præcepta virili

Tradita, tu vitæ transfer ad acta tuæ.

Nec tamen esse putem tibi congrua cuncta, sed ipsa

Cernere quid deceat dedecetque potes.

Nullius affectes laudem sapientis ab ore,

Nec tibi sit rigidis cura placere sophis.

Sed mihi te saltem formandam trade Magistro,

Atque tua imperio subijce colla meo.

Scilicet ad vitam tibi prævius ibo modestam,

Discere quam melius non aliunde potes.

Pluraque jam poteram præcepta salubria morum

Tradere, non animo displicitura tuo.

Sed mea me fessos revocare Thalia jugales

Et medio cursu rumpere cœpta jubet.

Ergo vale, & si quid monitis profeceris illis,

Prospera doctori fata precare tuo.

CONCLUSIO AD SIMONEM BINGIUM,

In qua hujus operis consilium &
utilitatem indicat.

HOc duce te Bingi tandem superavimus æquor,
Te laceræ dextram subiciente rati.
Non ego me vasto temere committere ponto,
Et maris infani fluctibus ausus eram.
Sed tua me pietas animavit, & absque timore
Fortiter insolitas jussit inire vias.
Tuque dabas ventos bonus in mea vela secundos,
Ut faceret cussum nostra carina suum.
Nunc tenet optatos longo tibi tempore portus
Puppis, & immensis tuta quiescit aquis.
Si fuit infelix nostræ via trita Celoci,
Nec tenuit justum quod decuisset iter:
Non tuus est nobis favor accusandus: & omnis
Ingenii certe culpa erit illa mei.
Qualicumque tamen portum ratione tenemus:
Una erat hæc votis mera petita meis.
Ergo tibi navim servati & vela dicamus,
Accipe, nos fidei tradimus illa tuæ.
Tu laceram à tumidis puppim defende procellis,
Lædere tempestas neu queat ulla, vera.
Nil etenim nobis litus tenuisse petitem
Proderit, & tantam continuasse viam:
Ni favor ille tuus vel nunc mea vela sequatur,
Et solitam nobis server, ut ante, fidem.
Sæva vel in portu submersos obruat unda,
Quæ furit insanis exagitata Notis.
Tu potes incertam, velut anchora, sistere proram.
Eia age præsidio tuta sit illa tuo.
Suscipe tutelam nostri, Clarissime Bingi.
Carminis & curam quam potes hujus habe.
Sique tibi studium saltem laudabitur iud.
Spes animum reliquis posse placere subit.

Forſitan exigua eſt in carmine gratia noſtro,
Et minus urbani Muſa leporis haber.
Et veniet cupido lectori parva voluptas,
Dulcia qui tantum ſcripta legenda putat.
Hei mihi ſi multis etiam ſaſtidia ſurgent,
Quod videant tenui carmina facta ſtylo.
Ergo mei ſtudio damnabitur omne laboris?
Irritaque eſt opera cura futura mea?
Polliceor meliora mihi: quia tadia quanquam
Ex iſto multi carmine multa ferent;
Spero tamen paucos, ſaltem quibus iſta probetur
Muſa, fore: & paucis me placuiſſe, ſat eſt.
Nil opus hoc, lautas bene quod demulceat aures,
Quodque animi curas pellere poſſit, haber.
Non tamen omnino, niſi me ſententia fallit,
Utilitas noſtri nulla laboris erit.
Pinximus agreſtes agreſti carmine mores,
Propoſitos oculis, grex ſtudioſe, tuis.
Vidimus à multis fieri, quæ ſcripſimus, ipſi:
Multa notata alio ſunt referente mihi.
Multa etiam (quid enim pudeat me vera fateri?)
Ipſe mea admiſi ruſtica facta manu.
Nec niſi, cujus erat nobis bene cognitus uſus,
Scripſimus hîc ullum ſimplicitatis opus.
Qui leget hæc (ſi quis tamen eſſe legenda putabit)
Quiſquis erit, fructus non feret inde nihil.
Inveniet ſaltem dictum factumve vel unum,
Depictos mores quo putet eſſe ſuos.
Cumque leget, tacito morſu ſua facta notari
Ruſtica, quæ ſolitus facta patrare fuit:
Protinus ingenuas maculabit purpura malas,
Is color in tacita fronte pudoris erit.
Neu ſit opus ſimili poſt illa rubeſcere culpa,
Inſtituet vitam cautius ille ſuam.
Et quia ridenti nos hîc perſtrinximus ore,
Quæ ſunt iudicio ruſtica viſa meo:
Certe aliquis nobis iſto pro carmine grates
(Quod puto ſedulitas noſtra meretur)aget.
Qui tamen iſta mihi ſcribendi cauſa fuiſti,
Cujus & auſpicio cœpimus illud opus:

Tu populi Bingi cantabere plurimus ore,
Et tua qui taceat nomina nullus erit.
Pro se quisque volet meritis tibi dicere grates,
Cum sciet hoc carmen muneris esse tui.
Et merito feret acceptum tibi, si quid in illo,
Quod tibi proficuum judicet ullus, erit.
Namque ubi jejunos dubitabam emittere versus,
Fuderat incomperto quos mea Musa stylo;
Auribus indignos doctis quos esse videbam,
Quod male & invito facti Helicone forent:
Bingius hortator veniens, audere timentem
Iussit, & ingratum ponere corde merum.
Emissumque domo tandem vulgare poemâ,
Quodqueat à multis non sine fruge legi.
Illius horatus ego judiciumque sequutus,
Hoc patior vulgi carmen adire manus.
Has igitur quisquam vita de simplice nugas
Si leget, & senium si liber iste feret:
Bingius æternum quoque nomen habebit in illo,
Nullaque posteritas immemor ejus erit.
Illius hoc virtus bonitasque innata meretur,
Inclita ne domino fama cadente cadat.
Nam bonus Aonias humana fronte sorores
Respicit, & sacrum diligit ille chorum.
Castraque Pieridum juvenes Phœbique secutos
Promover, & promptam fert miseratus opem.
Heu mihi quam paucos, sacri qui numina montis
Castalidas curent, sæcula nostra vident.
Quisque aliis animum mavult intendere rebus,
Et studium quavis ponere in arte suum.
Divitias quærunt, quantis rex Lydius olim
Incolumi regno stante superbus erat.
Propositus toti scopus est ditescere vitæ,
Querereque immensas quas habet orbis opes.
Sapius ergo ruunt acti per fasque nefasque,
Quo furor & Pluti dira cupido vocat.
Interea divæ, quæ sacrum Heliconâ frequentant,
Heu dolor! indecores & sine honore jacent.
Tu tamen has Bingi spretas sine honore jacere
Non finis, & nulla non pietate levas.

Prosequeris doctos, quod doctus es ipse, favore,
Et quacunque pores parte juvare juvas.
Perge bonis semper, quod agis, perge esse benignus,
Et studia auxilio profer honesta tuo.
Hinc tua venturo pietas celebrabitur ævo,
Nominis & perpes fama futura tui est.
Vix alias melius decus immortale per artes
Obtineas, nec laus plenior ulla venit,
Quam pia doctorum si sit tibi cura virorum,
Hactenus illorum ceu tibi cura fuit.
Vive diu nobis, nostrique exile laboris
Hoc studium vultu conveniente cape.
Si fuerit nostris conatibus æquus Apollo,
Plura feres, sed te carmina digna. Vale.

F I N I S.

INDEX.

INDEX CAPITUM,

Quæ in his Libris de Simplicitate

Morum traduntur.

Capita Libri primi.

- Cap. I. **Q**ua modestia servanda sit mane in vestitu, capillis, facie, & dentibus mundandis. pag. 2.
- Cap. II. De jentaculo, & modestia oculorum, frontis, narium, item de garrulitate, sternutatione, obscenitate, tussis, ructu, & de incesu, & habitu in plateis. 4.
- Cap. III. Mensa quomodo adornanda & removenda, & de mensæ ministerio. 10.
- Cap. IV. qui mores in mensa servandi, ante apposita cibaria. 14.
- Cap. V. De moribus inter edendum observandis. 17.
- Cap. VI. Mores a prandio, & in deambulationibus observandi. 21.
- Cap. VII. De adornatione mensæ ante cenam, & aliis ministeriis. 27.
- Cap. VII. De ministerio mensæ in cœna. 31.
- Cap. IX. Quomodo a cœna convivis ministranda pocula, & quibus iidem te bibis abigendi. 36.
- Cap. X. De convivarum a cœna confabulationibus, altercationibus & rixis. 40.
- Cap. XI. Quomodo peracta cœna convivæ dimittendi, quid agendum antequam cubitum eas, & Epilogus libri. 44.

INDEX.

Capita Libri secundi.

- Cap. I. **Q**uomodo se gerere debeat ab alio invitatus, quibus moribus convivium accedat, & mensa accumbat. 48.
- Cap. II. Quos in edendo mores & gestus observare convivium debeat. 51.
- Cap. III. qui mores post primum missum in mensa servandi. 56.
- Cap. IV. De modestia edendi & bibendi. 60.
- Cap. V. De Voracitate, Rifu, Vomitu in mensa, & de aliis Civilitatibus. 64.
- Cap. VI. De lotionem manuum a cœna, de mensis secundis, & quid apud virgines deceat. 68.
- Cap. VII. De clamoribus & tumultibus a cœna. De digressu & de pactione crastina cœna. 71.
- Cap. VIII. Quomodo à cœna ebrius se domum conferat, quid in via & domi tumultuum ante somnum exciet, & quomodo se postridie gerat. 75.
- Cap. IX. Quomodo conviva ab te invitati excipiendi, irascendi, & denique dimittendi. 79.

Capita Libri Tertii.

- Cap. I. **D**E ordine hujus libri, moribus in honesto convivio, edendis offis & cancri. 84.
- Cap. II. De egregiis bibendi rationibus, & de moribus in discessu observandis, 87.
- Cap. III. De scommatis spargendis & ferendis, crepitu, screatu, responsione ad interrogata, & inspectione alienarum literarum. 91.
- Cap. IV. Quomodo te geras alienas aedes aut hypocaustum ingrediens. De versicoloribus & dissectis vestibus, ornatu barbae, usu chartarum & librorum, excipiendis amicis, deque aliis civilitatibus. 94.
- Cap. V. Aliquot exempla commemorat civilitatum in mensa 99.
- Cap. VI. Alia exempla civilitatum in evacuatione vesicae, vomitu, & aliis morum elegantibus. 105.

INDEX.

Cap.VII. <i>Alia exempla decrepiti & ructu Oratorum, re-</i> <i>sensione urine, & aliis rusticitatibus.</i>	114
GROBIANA, seu de <i>Virginum moribus.</i>	118
CONCLUSIO, Ad Simonem Bingium.	125

FINIS INDICIS.

DE
CIVILITATE
M O R U M
PUERILIMUM,

PER
DES. ERASMUM
ROTTERODAMUM
Libellus.



LONDINI,
Ex Officina ROGERI DANIELIS.
ANNO MD. LXXI.



DES.

E R A S M U S
R O T E R O D A M U S

Generoso cum primis & optimæ spei puero,
HENRICO à BURGUNDIA;
A D O L P H I

Principis VERIANI filio S.

SI ter maximum illum Paulum non piguit omnia fieri omnibus, quò prodesse posset omnibus, quanto magis ego gravari debeo juvandæ juventutis amore subinde repuerascere? Itaq; quemadmodum pridem ad MAXIMILIANI fratris tui primam adolescentiam memet accommodavi, dum adolescentulorum formo linguam: ita nunc, HENRICE suavissime, me ad tuam attempero pueritiam de puerorum moribus præcepturus: non quod tu hisce præscriptis magnopere egeas, primum ab incunabulis inter aulicos educatus, mox nactus Joannem Crucium tam insignem formandæ rudis ætatis artificem: aut quod omnia quæ præscribemus ad te pertineant, & è principibus & principatui natum.

Sed ut libentius hæc ediscant omnes pueri, quod
H 2 amplius

amplissimæ fortunæ, summæque spei puero dicata sint. Nec enim mediocre calcar addet universæ publi, si conspexerint heroum liberos à primis statim annis dicari studiis, & in eodem cum ipsis stadio currere.

INSTITUENDI PUEROS RATIO.

Munus autem formandi pueritiam multis constat partibus, quarum sicuti prima ita præcipua est, ut renellus animus imbibat pietatis seminaria: proxima ut liberales disciplinas & amet, & perdiscat: tertia est, ut ad vitæ officia instruatur: quarta est, ut à primis statim ævi rudimentis civilitati morum assuescat. Hanc postremam nunc mihi proprie sumpsi. Nam de superioribus quum alii complures, tum nos quoque permulta scripsimus.

Quanquam autem externum illud corporis decorum ab animo bene composito proficiscitur, tamen incuria præceptorum nonnunquam fieri videmus, ut hanc interim gratiam in probis & eruditis hominibus desideremus. Nec inficior hanc esse crassissimam philosophiæ partem, sed ea, ut sunt hodie mortalium iudicia, plurimum conducit & ad conciliandam benevolentiam, & ad præclaras illas animi dotes oculis hominum commendandas.

Decet autem ut homo totus sit compositus animo, corpore, gestibus, ac vestitu, sed in primis pueros decet omnis modestia, & in his præcipue nobiles. Pro nobilibus autem habendi sunt omnes, qui studiis liberalibus excolunt animum. Pingant alii in clypeis suis leones, aquilas, tauros, & leopardos; plus habent veræ nobilitatis, qui pro insignibus suis tot possunt imagines depingere, quot perdidicerunt artes liberales.

Ut ergo bene compositus pueri animus undique reluceat, relucet autem potissimum in vultu, sint oculi placidi, verecundi, compositi, non torvi, quod est truculentia, non improbi, quod est impudentia, non vagi ac volubiles, quod est insania, non limi,

quod

quod est suspiciosorum & insidias molientium, nec immodice diducti, quod est stolidorum, nec subinde conniventibus genis ac palpebris, quod est inconstantium, nec stupentes, quod est attonitorum, id in Socrate notatum, nec nimium acres, quod est iracundiæ signum, non innuentes ac loquaces quod est impudicitiae signum, sed animum sedatum ac reverenter amicum præ se ferentes. Nec enim temere dictum est à priscis sapientibus, animi sedem esse in oculis. Picturæ quidem veteres nobis loquuntur, olim singularis cujusdam modestiæ fuisse, semiclusis oculis obtueri, quemadmodum apud Hispanos quosdam, semipetos intueri blandum haberi videtur & anicum. Itidem ex picturis discimus, olim contractis strictisque labiis esse, probitatis fuisse argumentum. Sed quod suapte natura decorum est, apud omnes decorum habebitur. Quamquam in his quoque decet interdum nos fieri polypos, & ad regionis morem nosmet attemperare.

Jam sunt quidam oculorum habitus, quos aliis alios addit natura, qui non cadunt sub nostras præceptiones, nisi quod incompositi gestus non raro vitiant, non solum oculorum, verum etiam totius corporis habitum ac formam. Contra compositi, quod natura decorum est, reddunt decentius: quod vitiosum est, si non tollunt, certe tegunt minuuntque. Indecorum est clauso oculorum altero quemquam obtueri. Quid enim hoc aliud est, quam seipsum eluscare? Eum gestum thynnus ac fabris relinquamus.

Sint exporrecta supercilia, non adducta, quod est torviratis: non sublata in altum, quod est arrogantiae, non in oculos depressa, quod est male cogitantium.

Frons item hilaris & explanata, mentem sibi bene consciam, & ingenium liberale præ se ferens, non in rugas contracta, quod est senii: non mobilis, quod erinaciorum: non torva, quod est tauro-
rum.

A naribus absit mucoris purulentia, quod est sordidorum.

dorum. Id vitium Socrati philosopho datum est probro. Pileo aut veste emungi rusticanum, brachio cubitove salsamentariorum, nec multo civilius id manu fieri, si mox pituitam vestis illinas.

Strophilolis excipere narium recrementa decorum, idque paulisper averso corpore, siqui adsint honoratiores. Si quid in solum dejectum est emuncto duobus digitis naso, mox pede protegendum est. Indecorum est subinde cum sonitu spirare naribus, bilis id indicium est. Turpius etiam ducere ronchos, quod est furiosorum, si modo fiat usu. Nam spiritosis qui laborant orthopnoea, danda est venia. Ridiculum naribus vocem emittere, nam id cornicinum est & elephantorum. Crispare nasum, irrisorum est & sannionum.

Si aliis presentibus incidat sternutatio, civile est corpus avertere. Mox ubi se remiserit impetus, signare os crucis imagine, dein sublato pileo resalutatis qui vel salutarunt, vel salutare debuerant: nam sternutatio quemadmodum oscitatio sensum aurium prorsus aufert: precari veniam, aut agere gratias.

Alterum in sternutamento salutare religiosum, & si plures adsint natu maiores qui saluent virum aut foeminam honorabilem, pueri est aperire caput. Porro vocis tinnitum studio intendere, aut data opera sternutamentum iterare, nimirum ad virium ostentationem, nugonum est. Reprimere sonitum quem natura fert, ineptorum est, qui plus tribuunt civilitati quam saluti.

Malas tingat natus & ingenuus pudor, non fucus aut ascititius color. Quanquam is quoque sic temperandus est, ut nec vertatur in improbitatem, nec adducat stuporem, & quartum, ut habet proverbium, insanix gradum. Quibusdam enim hic affectus tam impotens insitus est, ut reddat deliranti simillimum. Temperatur hoc malum, si puer inter maiores assuescat vivere, & Comædiis agendis exerceatur. Inflare buccas fastus indicium est, easdem demittere, est animum desponden-

tis : alterum est Thraſonis, alterum Judæ proditoris.

Os nec prematur, quod eſt metuentis alterius halitum haurire, nec hier, quod eſt morionum, ſed leniter oſculantibus ſe mutuo labris conjunctum ſit. Minus etiam decorum eſt ſubinde porrectis labiis veluti poppyſmum facere, quanquam id magnatibus adultis per mediam turbam incedentibus condonandum eſt, illos enim decent omnia, nos puerum formamus.

Si fors urgeat oſcitatio, nec datur averti aut cedere, ſtrophio volave tegatur os, mox imagine crucis obſignetur. Omnibus diſtis aut factis arridere ſultorum eſt, nullis arridere ſtupidorum. Obſcœne diſtis aut factis arridere nequitia eſt.

Cachinnus & immodicus ille totum corpus quaſiens riſus, quem ob id Græci *συχέσιον* appellant, nulli decorus eſt ætati, nedum pueritiæ. Deceat autem quod quidam ridentes hinnitum edunt. Indecorus & ille qui oris riſtum late diducit corrugatis buccis, ac nudatis dentibus, qui caninus eſt & Sardoniſ dicitur.

Sic autem vultus hilaritatem exprimat, ut nec oris habitum dehoneſtet, nec animum diſſolutum arguat. Stultorum illæ voces ſunt, riſu diſſuſo, riſu diſſilio, riſu emorior: & ſiqua res adeo ridicula inciderit, ut nolentibus ejusmodi riſum exprimat, mappa manuſe regenda facies. Solum aut nullam evidentem ob cauſam ridere, vel ſtultitiæ tribuitur, vel inſaniæ. Si quid tamen ejusmodi fuerit obortum, civilitatis erit aliis aperire riſus cauſam, aut ſi non putes proferendam, commentitium aliquid adferre, ne quis ſe derideri ſuſpicietur.

Superioribus dentibus labrum inferius premere, inurbanum eſt, hic enim eſt minantis geſtus, quemadmodum & inferioribus mordere ſuperius. Quin & labrorum oras lingua circumvoluta ſubinde lambere ineptum: porrectioribus eſſe labris,

labris, & velut ad osculum compositis, olim apud Germanos fuisse blandum indicant illorum pictura: porrecta lingua deridere quenquam scurrile est.

Aversus expuito, ne quem conspuas aspergasse. Si quid purulentius in terram reiectum erit, pede, ut dixi, proteratur, ne cui nauseam moveat. Id si non licet, linteolo sputum excipito. Resorbere salivam inurbanum est, quemadmodum quosdam videmus non ex necessitate, sed ex usu ad tertium quodque verbum expuere.

Quidam indecore subrussiunt identidem inter loquendum, idque non ex necessitate, sed ex more: is gestus est mentientium, & inter dicendum quid dicant comminiscantium. Alii minus etiam decore ad tertium quodque verbum eructant, quæ res si à teneris annis abierit in consuetudinem, hæret etiam in grandiore ætate.

Idem sentiendum de screatu, quibus nominibus à servo notatur Terentianus Clitipho. Si tussis urgeat, cave ne cui in os tussias, & absit ineptia clarius tussendi, quam natura postulet. Vomitus secede, nam vomere turpe non est, sed ingluvie vomitum accersisse deformis est.

Dentium mundicies curanda est, verum eos pulvisculo candidare puellarum est, sale aut alumine defricare, gingivæ perniciosum, idem lorio facere Iberorum est. Si quid inhæsit dentibus, non cultello, non unguibus, canum feliumve more, non mantili eximendum est, sed vel lentisci cuspidem, vel penna, vel ossiculis è gallorum aut gallinarum tibiis detractis.

Os mane pura aqua proluere, & urbanum est & salubre, subinde id facere ineptum. De linguæ usu suo dicemus loco. Rusticanum est impexo esse capite, adsit mundicies, non nitor puellaris. Absint fordes lendium & vermiculorum. Subinde scabere caput apud alios, parum decet: quemadmodum unguibus reliquum fricare corpus sordidum est, præsertim si fiat usu, non necessitate.

Coma nec frontem tegat, nec humeris involitet.

Sub-

Subinde concusso capite discutere capillitium, lascivientium est equorum. Casariam à fronte in verticem leva retorquere, parum elegans est, manu discriminare modestius.

Inflexere cervicem & adducere scapulas pigritiam arguit, resupinare corpus, fastus indicium est, molliter erectum decet. Cervix nec in laevum, nec in dextrum vergat, hypocriticum enim, nisi colloquium aut aliud simile postulet.

Humeros oportet æquo libramine temperare, non in morem antennarum alterum attollere, alterum deprimere.

Nam hujusmodi gestus in pueris neglecti, vertuntur in naturam. & corporis habitum præter naturam deformant. Itaque qui præ desidia collegerunt consuetudinem inflectendi corpus, sibi gibbum conciliant, quem natura non dederat: & qui deflexum in latus caput habere consueverunt, in eum habitum indurescunt, ut adulti frustra mutare nitantur. Siquidem tenera corpuscula plantulis similia sunt, quæ in quacunque speciem furca funiculove deflexeris, ita crescunt & indurescunt.

Utrunque brachium in tergum retorquere, simul & pigritiæ speciem habet, & furis: neque multo decentius est altera manu in ilia injecta astare sedereve, quod tamen quibusdam elegans ac militare videtur. At non statim honestum est quod stultis placuit, sed quod naturæ & rationi consentaneum est. Reliqua dicentur quum ad colloquium, & convivium ventum erit.

Membra quibus natura pudorem addidit retere citra necessitatem procul abesse debet ab indole liberali. Quin ubi necessitas huc cogit, tamen id quoque decente verecundia faciendum est, etiam si nemo testis adsit. Nunquam enim non adsunt angeli, quibus in pueris gratissimus est pudicitæ comes custosque pudor. Quorum autem conspectum oculis subducere pudicum est, ea multo minus oportet alieno præbere contactui.

Lotium remorari valetudini perniciosum, secreto reddere verecundum. Sunt qui præcipiant ut puer compressis natibus ventris flatum retineat. Atqui civile non est, dum urbanus videri studes morbum accersere. Si licet secedere, solus id faciat. Sin minus, juxta vetustissimum proverbium, Tussi crepitum dissimulet. Alioqui cur non eadem opera præcipiunt ne alvum deiciant, quum remorari flatum periculosius sit quàm alvum stringere?

Diductis genibus sedere, aut divaricatis tibiis distortisve stare, Thraasonum est. Sediti coeant genua, stanti pedes, aut certe modice diducantur. Quidam hoc gestu sedent, ut alteram tibiam altero genu suspendant, nonnulli stant decussatim compositis tibiis, quorum alterum est anxiorum, alterum ineptorum. Dextro pede in lævum femur injecto sedere prisorum regum mos est, sed improbatum. Apud Italos quidam honoris gratia pedem alterum altero premunt, unique propemodum insunt tibiæ ciconiarum ritu, quod an pueros deceat nescio.

Idem in flectendis genibus aliud apud alios decet dedecetve. Quidam utrunque pariter inflectunt, idque rursus alii recto corpore, alii nonnihil incurvato. Sunt qui hoc ceu muliebre rati, similiter erecto corpore primum dextrum incurvant genu, mox sinistram, quod apud Britannos in adolescentibus laudi datur. Galli modulari corporis circumactu dextrum duntaxat inflectunt. In his in quibus varietas nihil habet cum honesto pugnans, liberum erit vel vernaculis uti moribus, vel alienis obsecundare, quando sunt quos magis capiant peregrina.

Incessus nec fractus sit, nec præceps, quorum alterum est mollium, alterum furiosorum, nec vacillans. Nam ineptam in incessu subclaudicationem Suiceris militibus relinquamus,
& iis

& iis qui magnum ornamentum ducunt, in pileo gestare plumas.

Sedentem pedibus ludere stultorum est, quemadmodum & manibus gesticulari, parum integram mentis indicium est.

DE CULTU.

In summa dictum est de corpore, nunc de cultu paucis, eo quod vestis quodammodo corporis corpus est, & ex hac quoque liceat habitum animi conicere. Quamquam hic certus præscribi modus non potest, eò quod non omnium par est vel fortuna, vel dignitas, nec apud omnes nationes eadem decora sunt aut indecora, postremo nec omnibus seculis eadem placeant displicentve. Unde quemadmodum in aliis multis, ita hæc quoque nonnihil tribuendum est, juxta proverbium, νόμος καὶ χάρις, atque etiam καὶ εὐπρέπεια, cui servire jubent sapientes. Est tamen in hisce varietatibus, quod per se sit honestum aut secus, velut illa quæ nullum habent usum, cui paratur vestis.

Prolixas trahere caudas in fœminis ridetur, in viris improbatur, an Cardinales & Episcopos deceat aliis æstimandum relinquo. Multicitia nunquam non probro data sunt tum viris, tum fœminis, quandoquidem hic est alter vestis usus, ut ea tegat quæ impudice offenduntur oculis hominum. Olim habebatur parum virile, discinctum esse, nunc idem nemini vitio vertitur, quod indusiis, subuculis, & caligis repertis tegantur prædenda, etiamsi diffluat tunica. Alioqui vestis brevior quàm ut inclinanti tegat partes quibus debetur honos, nusquam non inhonesta est.

Dissecare vestem amentium est, picturatis ac versicoloribus uti, morionum est ac simiorum. Ergo pro modo facultatum ac dignitatis, proque regione & more adsit cultui mundities, nec sordibus notabilis, nec luxum aut lasciviam aut fastum præ se ferens. Neglectior cultus

cultus decet adolescentes, sed citra immunditiam. Indecore quidam interularum ac tunicarum oras aspergine lotii pingunt, aut sinum brachialiaque indecoro testorio incrustant, non gypso, sed narium & oris pituita.

Sunt quibus vestis in alterum latus defluit, aliis intergum ad renes usque, nec desunt quibus hoc videatur elegans. Ut totum corporis habitum & mundum, & compositum esse decet, ita decet illud corpori congruere. Si quid elegantioris cultus dedere parentes, nec teipsum reflexis oculis contemplare, nec gaudio gestias, aliisque ostentes: nam alterum simiarum, alterum pavonum: mirentur alii, tu te bene cultum esse nescias. Quo major est fortuna, hoc est amabilior modestia. Tenuioribus in conditionis solatium concedendum est, ut moderate sibi placeant. At dives ostentans splendorem amictus, aliis suam exprobrat miseriam, sibi que constet invidiam.

DE MORIBUS IN TEMPLO.

Quoties fores templi prateris nudato caput, ac modice flexis genibus & ad sacra verso vultu, Christum salutato. Per eadem sacram ne transferis, nisi simili religione, saltem brevi precatione Christum appelles, idque reposito capite, & utroque genu flexo.

Cum sacra peraguntur, totum corporis habitum ad religionem decet componere. Cogita illic presentem Christum cum innumeris angelorum milibus. Et si qui regem hominem alloquutus circumstante procerum corona, nec caput aperiat, nec genu flectat, non jam pro rustico, sed pro insano haberetur ab omnibus: quale est illic opertum habere caput, erecta genua, ubi adest rex ille regum immortalis & immortalitatis largitor, ubi venerabundi circumstant aetherei spiritus?

Nec refert, si eos non vides, vident illi te, nec minus certum est illos adesse quam si videres eos oculis corporeis. Certius enim cernunt oculi fidei, quam oculi carnis. Indecentius etiam est quod quidam

quidam in templis obambulant, & peripateticos agunt. Atqui deambulationibus porticus & fora conveniunt non templa, quæ sacris concionibus mysteriis, ac deprecationi dicata sunt.

Ad concionantem spectent oculi, huc attentæ sint aures, huc inhiat animus omni cum reverentia, quasi non hominem audias, sed Deum per os hominis tibi loquentem. Quum recitatur Evangelium, assurge, & si potes ausculta religiose. Quum in symbolo canitur, & homo factus est, in genua procumbe, vel hoc pacto te submittens in illius honorem, qui semet pro tua salute, quum esset supra omnes cælos demisit in terras, quum esset Deus, dignatus est homo fieri, ut te faceret deum.

Dum peraguntur mysteria, toto corpore ad religionem composito ad altare versa sit facies, ad Christum animus. Altero genu terram contingere, erecto altero cui lævus innitatur cubitus, gestus est impiorum militum, qui domino Iesu illudentes dicebant, Ave rex Iudæorum. Tu demitte utrumque, reliquo etiam corpore nonnihil inflexo ad venerationem.

Reliquo tempore aut legatur aliquid è libello, siue precularum, siue doctrinæ salutaris, aut mens cœlestis quippiam meditetur. Eo tempore nugas obgannire ad aurem vicini, eorum est, qui non credunt illic adesse Christum: huc illuc circumferre vagos oculos, amentium est. Existima te frustra templum adisse, nisi inde melior discefferis, puriorque.

DE CONVIVIIS.

In conviviis adsit hilaritas, absit petulantia: non nisi lotus accumbe, sed ante præfests unguibus, ne quid in his hæreat sordium, dicarisque *ῥυπόκλυτος*, ac prius clam reddito lotio, aut si res ita postulet, exonerata etiam alvo: & si forte strictius cinctum esse contingat, aliquantulum relaxare vincula consultum est, quod in accubitu parum decore fiat. Abstergens manus, simul abice quicquid animo ægre est. Nam in convivio nec tristem esse decet, nec contristare quenquam.

Iussus consecrare mensam vultum ac manus ad religionem componito. Hoc muneris si cui alteri delegatum fuerit, pari religione tum auscultato, tum respondeo.

Sedis honorem alteri libenter cede, & ad honoratiorem locum invitatus, comiter excusa: si tamen id crebro serioque jubeat aliquis autoritate præditus, verecunde obtempera, ne videare pro civili præfractus.

Accumbens utranque manum super mensam habe, non conjunctim nec in quadra. Quidam enim indecore, vel unam, vel ambas habent in gremio. Cubito vel utroque vel altero inniti mensæ, senio morbove lassus condonatur, idem in delicatis quibusdam aulicis, qui se decere putant quicquid agunt, dissimulandum est non imitandum. Interea cavendum, ne proxime accumbenti cubito, neu ex adverso accumbenti pedibus sis molestus.

In sella vacillare & nunc huic nunc alteri nati vicissim insidere, speciem habet subinde ventris flarum emittentis, aut emittere conantis. Corpus igitur æquo libramine sit erectum. Mantile si datur, aut humero sinistro, aut brachio lævo imponito.

Cum honoratioribus accubiturus, capite pexo, pileum relinquito, nisi vel regionis mos diversum suadeat, vel alicujus autoritas præcipiat, cui non parere sit indecorum. Apud quasdam nationes mos est, ut pueri stantes ad majorum mensam capiant cibum extremo loco, reiecto capite. Ibi ne puer accedat nisi iussus, ne hæreat usque ad convivii finem, sed sumpto quod satis est, sublata quadra sua, flexo poplite salutet convivas, præcipue qui inter convivis est cæteris honoratior.

A dextris sit poculum & cultellus escarius rite purgatus, ad lavam panis. Panem una vola presum, summis digitis refringere, quorundam aulicorum delicias esse finito; tu cultello seca decenter, non undique revellens crustum, aut utrinque rescans: delicatiorum hoc est. Panem veteres in omnibus conviviis ceu rem sacram religiose tractabant,

bant, unde nunc quoque mos relictus est, eum forte delapsum in humum exosculari.

Convivium statim à poculis auspicari potorum est, qui bibunt, non quod sitiant, sed quod soleant. Nec ea res solum moribus est inhonesta, verum etiam officit corporis valetudini. Nec statim post sumptam ex jure offam bibendum, multo minus post lactis esum. Puero sæpius quam bis, aut ad summum ter in convivio bibere, nec decorum est, nec salubre. Semel bibat aliquandiu passus de secundo missu, præsertim sicco: dein sub convivii finem, idque modice sorbendo, non ingurgitando, nec equorum sonitu. Tum vinum tum cervisia nihilo minus quam vinum inebrians, ut puerorum valetudinem lædit, ita mores dedecorat.

Aqua fervida convenit ætati, aut si id non patitur sive regionis qualitas, sive alia quæpiam causa, tenui cervisia utitor, aut vino nec ardenti, & aqua diluto. Alioqui mero gaudentes hæc sequuntur præmia, dentes rubiginosi, genæ defluentes, oculi lusciosi, mentis stupor, breviter, senium ante senectam. Antequam bibas præmande cibum, nec labra admoveas poculo nisi prius mantili aut linteolo absterfa, præsertim si quis suum poculum tibi porrigit, aut ubi de communi bibitur poculo.

Inter bibendum intortis oculis alios intueri illiberale est, quemadmodum & ciconiarum exemplo cervicem in tergum reflectere, ne quid hæreat in imo cyatho parum est liberale. Salutantem poculo resalutet comiter, & ad motis labris cyatho paulum libans bibere se simul: hoc civili nugon. fatiserit. Qui si rusticus urgeat, polliceatur se tum responsurum, quum adoleverit.

Quidam ubi vix bene confederint, mox manus in epulas conjiciunt. Id luporum est, aut eorum qui de chytropode carnes nondum immolatas devorant, juxta proverbium. Primus cibum appositum ne attingito, non tantum ob id quod arguit avidum, sed quod interdum cum periculo conjunctum est.

dum qui fervidum inexploratum recipit in os, aut expuere cogitur, aut si deglutiatur, adurere gulam, utroque ridiculus æque ac miser. Aliquantisper morandum, ut puer assuescat affectui temperare. Quo consilio Socrates ne senex quidem unquam de primo cratere bibere sustinuit.

Si cum maioribus accumbit puer, postremus nec id nisi invitatus manum admoveat patinæ. Digtos in iussulenta immergere agrestium est, sed cultello fuscinave tollat quod vult: nec id ex toto eligat disco, quod solent liguritores, sed quod forte ante ipsum jacetumat: quod vel ex Homero discere licet, apud quem creber est hic versiculus,

Οἱ δ' ἴω' ἐνείων' ἱτοῖμα πρηνέϊ δ' ἄρ' ἕλκεα σῖανον.

Id quoque si fuerit insigniter elegans, alteri cedat, & quod proximum est accipiat. Ut igitur in temperantis est in omnes patinæ plagas manum mittere, ita parum decorum patinam invertere, quo veniant ad te lautiora.

Si quis alius cibum porrexerit elegantiorē, præfatus excusatiunculam recipiat, sed resecta sibi portiuncula, reliquum offerat ei qui porrexerat, aut proxime assidenti communicet. Quod digitis excipi non potest, quadra excipiendum est. Si quis è placenta vel artocrea porrexit aliquid cocleari, aut quadra excipe, aut cocleare porrectum accipe, & inverso in quadram cibo, cocleare reddito. Si liquidius est quod datur gustandum sumito, & cocleare reddito, sed ad mantile exteriusum.

Digtos unctos vel ore prælingere, vel ad tunicam extergere pariter incivile est, id mappa potius aut mantili faciendum. Integros bolos subito deglutire ciconiarum est, ac balatronum. Si quid ab alio fuerit resectum, incivile est manum quadramve porrigere, priusquam ille structor offerat, ne videre præripere, quod alteri paratum erat. Quod porrigitur aut tribus digitis, aut porrecta quadra excipiendum. Si quod offertur non

congruit tuo stomacho, cave ne dixeris illud comici Clitiphonis, non possum pater; sed blande agito gratias. Est enim hoc urbanissimum recusandi genus. Si perstat invitator, verecunde dicito aut non convenire tibi, aut te nihil amplius requirere.

Discenda est à primis statim annis secandi ratio, non supersticiosa, quod quidam faciunt, sed civilis & commoda. Aliter enim inciditur armus, aliter coxa, aliter cervix, aliter cratis, aliter carpus, aliter phasianus, aliter perdix, aliter anas, qua de re sigillatim præcipere, ut prolixum sit, ita nec operæ pretium. Illud in universum tradi potest, Apitiorum esse omni ex parte, quicquid palato blanditur abradere. Abs te semesa alteri porrigere, parum honesti moris est.

Panem prorsum iterum in jus immergere rusticum est. Sicut & cibum mansum faucibus eximere, & in quadram reponere inelegans est. Nam si quid forte sumptum est, quod deglutiri non expedit, clam aversus aliquo projiciat. Cibum ambesum aut ossa semel in quadram seposita reperere, vitio datur. Ossa, aut si quid simile reliquum est, ne sub mensam abjeceris, pavimentum conspurcans, nec in mensæ stragulam projice, nec in patinam repone, sed in quadre angulum sepone, aut in discum qui apud nonnullos reliquiis excipiendis apponitur.

Canibus alienis de mensa porrigere cibum, ineptiæ tribuitur: ineptius est illos in convivio contrectare. Ovi putamen digitorum unguibus aut pollice repurgare ridiculum est: idem inserta lingua facere magis etiam ridiculum, cultello id fit decentius. Ossa dentibus arrodere caninum est, cultello purgare civile. Tres digiti salino impressi, vulgari joco dicuntur agrestium insignia. Cultello sumendum est salis quantum satis est. Si longius abest salinum, porrecta quadra petendum est.

Quadram aut patinam cui saccharum aut aliud suave quiddam adhæsit, lingua lambere felium est, non hominum. Carnem prius minutim in quadra dissect, mox addito pane simul aliquamdiu mandat,

priusquam trajiciat in stomachum. Id non solum ad bonos mores, verum etiam ad bonam valetudinem pertinet.

Quidam devorant verius quam edunt, non aliter quam mox, ut aiunt, abducendi in carcerem. Latronum est ea tubercinatio. Quidam tantum simul in os ingerunt, ut utrinque ceu folles tumeant buccæ, alii mandendo diductu labiorum sonitum edunt porcorum in morem. Nonnulli vorandi studio spirant etiam naribus, quasi præfocandi.

Ore pleno vel bibere, vel loqui nec honestum est, nec tutum. Vicissitudo fabularum intervallis dirimat perpetuum esum. Quidam citra intermissionem edunt bibuntve, non quod esuriant sitiantve, sed quod alioqui gestus moderari non possunt, nisi aut scabant caput, aut scalpant dentes, aut gesticulentur manibus, aut ludant cultello, aut tussiant, aut soreent, aut expuant. Ea res à rustico pudore profecta nonnullam insanix speciem habet.

Auscultandis aliorum sermonibus, fallendum est hocædii si non datur oportunitas loquendi. Incivile est, cogitabundum in mensa accumbere. Quosdam autem videas adeo stupentes, ut nec audiant quid ab aliis dicatur, nec se comedere sentiant, & si nominatim appelles, velut è somno excitati videantur. Adeo totus animus est in patinis. Inurbanum est oculis circumactis observare quid quisque comedat, nec decet in quenquam convivarum diutius intentos habere oculos: inurbanus etiam transversim hircus intueri, qui in eodem accumbunt latere: inurbanissimum, retorto in tergum capite contemplari, quid rerum geratur in altera mensa. Effutire si quid liberius inter pocula dictum factumve sit, nulli decorum est, nedum puero.

Puer cum natu majoribus accumbens, nunquam loquatur, nisi aut cegat necessitas, aut abs quopiam invitetur. Lepide dictis modice arideat, obscœne dictis ne quando arideat, sed nec fron-

MORUM PUERILITUM. 151

rem contrahat si præcellit dignitate qui dixit, sed ita vultus habitum temperet, ut aut non audisse, aut certe non intellexisse videatur. Mulieres ornat silentium, sed magis pueritiam.

Quidam respondent priusquam orationem finierit qui compellat, ita sæpe fit, ut aliena respondens sit risui, deque veteri locum proverbio, *ἀνὰ ἀντίτοιμα*. Docet hoc rex ille sapientissimus, stultitiæ tribuens respondere priusquam audias, non audit autem qui non intellexit. Si minus intellexit percontantem, paulisper obricescat, donec ille quod dixit sponte reperat. Id si non facit, sed responsum urget, blande veniam præfatus puer, oret ut quod dixerat dicat denuo. Intellecta percontatione, paululum interponat moræ, deinde tum paucis respondeat tum iucunde.

In convivio nihil effutiendum, quod offuscet hilaritatem. Absentium famam ibi lædere piaculum est. Nec cuiquam illic tuus refricandus est dolor. Vituperare quod appositum est, incivilitati datur & ingratum est convivatori. Si de tuo præberetur convivium, ut excusare tenuitatem apparatus urbanum, ita laudare aut commemorare quanti constiterint, insuave profecto condimentum est accumbentibus. Deniq; si quid à quoquam in convivio sit rusticius per imperitiam, civiliter dissimulandum potius quam irridendum. Decet comportionem libertas. Turpe est, sub dium, ut ait Flaccus, rapere, si quid cui super cœnam excidit incogitantius. Quod ibi fit diciturque, vino inscribendum, ne audias, *μὴ αἰσχρολογία συμπόταν*.

Si convivium erit quam pro puerili ætate prolixius, & ad luxum tendere videbitur, simul atque senseris naturæ factum satis, aut clam, aut veniam præcatus te subducito. Qui puerilem ætatem adigunt ad inedia, mea quidem sententia insaniant, neque multo minus ii qui pueros immodico cibo differciunt. Nam ut illud debilitat teneri corpusculi viriculas, ita hoc animi vim obruit. Moderatio tamen statim est discenda. Citra plenam saturis-

saturitatem reficiendum est puerile corpus, magisque crebro quam copiose. Quidam se saturos neficiunt, nisi dum ita distensus est ventriculus, ut in periculum veniant ne dirumpatur, aut ne per vomitum rejiciat onus.

Oderunt liberos qui illos etiamnum teneros cœnis in multam noctem productis perpetuo sinunt assidere. Ergo si surgendum erit à proluxiore convivio, quadram tuam cum reliquiis tollito, ac salutato qui videtur inter convivas honoratissimus, mox & aliis simul, discedito, sed mox rediturus, ne videre lusus aut alterius parum honestæ rei gratia te subduxisse. Reversus ministrato, si quid opus erit, aut reverenter mensa assistito, si quis quid jubeat expectans. Si quid apponis aut submoves, vide ne cui vestem jure perfundas.

Candelam emuncturus, prius illam è mensa tollito, quodque emunctum est, proteritus aut harenæ immergito, aut solea proterito, ne quid ingrati nidoris offendar nares. Si quid porrigis infundisve, lava id facias caveto. Iussus agere gratias, compone gestus, paratum te significans donec silentibus convivis dicendi tempus adfuerit. Interim vultus ad convivio præidentem reverenter versus sit & constanter.

DE CONGRESSIBUS.

Si quis occurrerit in via, vel senio venerandus, vel religione reverendus, vel dignitate gravis, vel alioqui dignus honore, meminerit puer de via decedere, reverenter aperire caput, nonnihil etiam flexis poplitibus. Ne vero sic cogitet, quid mihi cum ignoto, quid cum nihil unquam bene de me merito? Non hic honos tribuitur homini, non meritis, sed Deo. Sic Deus jussit per Solomonem, qui jussit assurgere cano: sic per Paulum qui presbyteris duplicatum honorem præcipit exhibere, in summa, omnibus præstare honorem quibus debetur honos, complectens etiam ethnicum magistratum: & si Turca, quod absit, nobis imperet, peccaturi simus si honorem magistratui debitum illi negemus.

De parentibus interim nihil dico, quibus secundum Deum primus debetur honos. Nec minor præceptoribus, qui mentes hominum quodammodo dum formant, generant. Tam & inter æquales illud Pauli locum habere debet, honore invicem prævenientes. Qui parem aut inferiorem honore prævenit, non ideo fit ipse minor, sed civilior. & ob id honoratior. Cum maioribus reverenter loquendum & paucis, cum æqualibus amanter & comiter. Inter loquendum pileum lava teneat, dextra leviter admota umbilico: aut quod decentius habetur, pileum utraque manu juncta suspensum, pollicibus eminentibus, tegat pubis locum. Librum aut galerum sub axilla tenere rusticius habetur. Pudor adsit, sed qui decoret, non qui reddat attonitum.

Oculi spectent eum cui loqueris, sed placidi simplicesque, nihil procax improbumve præ se ferentes. Oculos in terram deicere, quod faciunt carolepæ, malæ conscientiæ suspicionem habet. Transversim tueri, videtur averfantis. Vultum huc illuc volvere, levitatis argumentum est. Indecorum est interim vultum in varios mutare habitus, ut nunc corrugetur nasus, nunc contrahatur frons, nunc attollatur supercilium, nunc distorqueantur labra, nunc diducatur os, nunc prematur; hæc animum arguunt Protei similem.

Indecorum & illud, concusso capite jactare comam, sine causa tussire, screare, quemadmodum & manu scabere caput, scalpere aureis, emungere nasum, demulcere faciem, quod est veluti pudorem abstergentis, suffricare occipitium, humeros adducere, quod in nonnullis videmus Italis. Rotato capite negare, aut reducto accersere, & ne persequar omnia, gestibus ac nutibus loqui, ut virum interdum deceat, puerum minus decet.

Illiberale est jactare brachia, gesticulari digitis, vacillare pedibus, breviter non lingua, sed toto corpore loqui, quod turturum esse fertur, aut moracillarum, nec multum abhorrens à picarum moribus.

Vox sit mollis ac sedata, non clamorosa quod est agricolarum, nec tam pressa, ut ad aures ejus cui loqueris non perveniat. Sermo sit non præceps, & mentem præcurrens, sed lentus & explanatus. Hoc etiam naturalem battarismum, aut hæsitantiam, si non in totum tollit, certe magna ex parte mitigat, quum præcipitatus sermo multis vitium conciliet quod non dederat natura. Inter colloquendum subinde titulum honorificum ejus quem appellas repetere civilitatis est, Patris ac matris vocabulo nihil honorificentius, nihil dulcius, Fratris sororisve nomine nihil amabilius.

Si te fugiunt tituli peculiare, omnes eruditi sunt tibi præceptores observandi, omnes sacerdotes ac Theologi, reverendi patres, omnes æquales, fratres & amici, breviter omnes ignoti domini, ignota domina. Ex ore pueri turpiter auditur jusjurandum, sive jocus sit, sive res seria. Quid enim turpius eo more, quo apud nationes quasdam ad tertium quodque verbum dejerant etiam puellæ, per panem, per vinum, per candelam, per quid non? Obscænis dictis, nec linguam præbeat ingenuus puer, nec aures accommodet. Denique quicquid inhoneste nudatur oculis hominum, indecenter ingeritur auribus.

Si res exigit, ut aliquod membrum pudendum nominetur, circumitione verecunda rem note. Rursus si quid inciderit, quod auditori nauseam ciere possit, velut si quis narret vomitum, aut latrinam, aut oleum, præferat honorem auribus. Si quid refellendum erit, cave dicat, haud vera prædicat, præsertim si loquatur grandiori natu, sed præfatus pacem, dicat, mihi secus narratum est à tali.

Puer ingenuus cum nemine contentionem suscipiat, ne cum æqualibus quidem, sed cedat potius victoriam si res ad jurgium veniat, aut ad arbitrum provocet. Ne cui se præferat, ne sua jactet, ne cujusquam institutū reprehendat, aut ullius nationis ingenium moreve sugillet, ne quid arcani creditum evulget, ne novos spargat rumores, ne cujus obtrechet famæ, ne cui probro det vitium natura insitum. Id enim non solum contumeliosum est & inhumanum, sed

sed etiam stultum, veluti si quis luscum appellet luscum, aut loripedem loripedē, aut strabum strabum, aut nothum nothum. His rationibus fiet, ut sine invidia laudem inveniat, & amicos paret.

Interpellare loquentem antequam fabulam absol-
verit, inurbanum est. Cum nemine similitatem sus-
cipiat, comitatem exhibeat omnibus, perpaucos ta-
men ad interiorē familiaritatem recipiat, eosque
cum delectu. Ne cui tamen credat quod tacitum ve-
lit. Ridiculum enim est ab alio silentii fidem expe-
ctare quam ipse tibi non præstes. Nullus autē est adeo
linguæ continentis, ut non habeat aliquem, in quem
transfundat arcanum. Tutissimum autem est nihil
admittere, cuius te pudeat si proferatur.

Alienarum rerum ne fueris curiosus, & si quid
forte conspexeris audierisve, fac quod scis nescias.
Literas tibi non oblatas limis intueri parum civile
est. Si fors te præsentē scrinium suum aperit aliquis,
subducito te. Nam inurbanum est inspicere, contre-
ctare aliquid inurbanus. Item si senseris inter ali-
quos secretius oriri colloquium, submove te dissi-
mulanter, & in ejusmodi colloquium ne temet in-
geras non accitus.

DE LUSU.

In lusibus liberalibus adsit alacritas, absit pervi-
cacia rixarum parens, absit dolus, ac mendacium.
Nam ab his rudimentis proficitur ad majores inju-
rias. Pulchrius vincit qui cedit contentioni, quam
qui palmam obtinet. Arbitris ne reclamita. Si cum
imperitioribus certamen est, possisque semper vin-
cere, nonnunquam te vinci patere, quo ludus sit
alacrior. Si cum inferioribus luditur, ibi te superio-
rem esse nescias.

Animi causa ludendum est, non lucri gratia: Aiunt
puerorum indolē nusquam magis apparere, quam in
lusu. Si cui ad dolos, ad mendacium, ad rixam, ad irā,
ad violentiam, ad arrogantiam propensius ingenium,
hic emicat naturæ vitium. Proinde puer ingenuus nō
minus in ludo quam in convivio sui similis sit.

DE CUBICULO.

In cubiculo laudatur silentium & verēcundia.
Certe

Certe clamor & garrulitas indecora est, multo magis in lecto. Sive cum exuis te, sive cum surgis, memor verecundiae, cave ne quid nudes aliorum oculis, quod mos & natura tectum esse voluit. Si cum sodali lectum habes communem, quietus jaceto, neque corporis iactatione vel teipsum nudes, vel sodali detractis palliis sis molestus.

Priusquam reclines corpus in cervical, brevi precatiuncula temet Christo commenda. Idem facito quum mane primum temet erigis, à precatiuncula diem auspicans. Non enim potes ab omine feliciore.

Simul ac exoneraveris alvum, ne quid agas, nisi prius lota facie manibusque, & ore proluto. Quibus contigit bene nasci, his turpe est generi suo non respondere moribus. Quos fortuna voluit esse plebeios, humiles aut etiam rurestres, his impensius etiam adnitendum est, ut quod sors invidit, morum elegantia pensent. Nemo sibi parentes aut patriam eligere potest, ac ingenium moresque sibi quisq; potest fingere.

Colophonis vice addam præceptiunculam, quæ mihi videtur propemodum primo digna loco. Maxima civilitatis pars est, quum ipse nusquam delinquas, aliorum delictis facile ignoscere, nec ideo sodalem minus habere charam, si quos habet mores inconditiores. Sunt enim qui morum ruditatem, aliis compensent dotibus. Neque hæc ita præcipiuntur quasi sine his nemo bonus esse possit. Quod si sodalis per inscitiam peccet in eo sane, quod alicujus videtur momenti, solum ac blande monere civilitatis est.

Hoc quicquid est muneris, Henrice fili charissime, universo puerorum sodalatio per te donatum esse volui, quo statim hoc congiario simul & commilitonum tuorum animos tibi concilies, & illis liberalium artium ac morum studia commendes. Præclaram indolem tuam Iesu benignitas servare dignetur, semperq; in melius procedere. Datum apud Friburgum Brisgoiæ, mense Martio, anno 1510. xxx.

98

98

98

98

98

98

98

98

98

98